



乾隆三十七年壬辰五月初九日閱起時年五十一
義門語甚少不過偶然見

白田讀書精密整義研審又在映碧之上此本中錄其評最多
臨興化李映碧先生評本先生名清堯峰文鈔有行狀
其中間有何義門評則注一何字王白田評則注一王字

李延壽南史凡八十篇總八十卷

本紀十卷

列傳七十卷

李氏清曰金史蔡珪傳珪合沈約蕭子顯魏收宋齊魏三書作南北史志惜當時已亡夫然梁陳
與北齊後周諸志皆收入魏徵隋書不知當時曾彙而成志否

舊唐書高宗紀調露二年二月詔曰故符璽郎李延壽撰正典一部辭殫雅正雖已淪亡功猶
可錄宜賜其家絹五十疋

三月崇禎十六年三十歲在上章執徐十一月上弦琴川毛氏開雕

毛氏

南史目錄

第一卷

本紀一

宋紀上

武帝

諱裕 廟號高祖 永初三年 年六十

少帝

諱義符 武帝子 景平二年 被弒 為徐羨之傅亮所弒 年十九

第二卷

本紀二

宋紀中

文帝

諱義隆 武帝子 元嘉三十年 為元凶劬所弒 年四十七

孝武帝

諱駿 文帝子 孝建三年 大明八年 討劬即位 年三十五

前廢帝

諱業 孝武帝子 景和一年 被弒 年十七

第三卷

本紀三

宋紀下

南史目錄

明帝或文帝子 泰始七年 泰豫一年 三十四

後廢帝明帝子 元徽五年 被弒 年十五

順帝明帝子 昇明三年 被弒 年十一 共六十年

第四卷 本紀四

齊紀上

高帝道成 建元四年 年五十六 姓蕭氏

武帝高帝子 承明十一年 年五十四

第五卷 本紀五

齊紀下

廢帝鬱林王昭業 隆昌一年 為西昌侯鸞所弒 年二十二 武帝孫文惠太子子

廢帝海陵王昭文 延興一年 為西昌侯鸞所弒 武帝孫文惠太子第二子

明帝鸞 始安貞王道生子 少孤 為高帝所撫

廢帝東昏侯寶卷

和帝諱寶融

第六卷 本紀六

梁紀上

武帝上諱衍 姓蕭氏

第七卷 本紀七

梁紀中

武帝下

第八卷 本紀八

梁紀下

簡文帝諱綱

元帝諱繹

敬帝 諱方智

第九卷

本紀九

陳紀上

武帝 諱霸先 姓陳氏

文帝 諱蒨

廢帝 諱伯宗

第十卷

本紀十

陳紀下

宣帝 諱顛

後主 諱叔寶

第十一卷

列傳一

后妃上

宋孝穆趙皇后

孝懿蕭皇后

武敬臧皇后

武張夫人

文章胡太后

少帝司馬皇后

文元表皇后 潘淑妃

孝武昭路太后

明宣沈太后

孝武文穆王皇后 宣貴妃

前廢帝何皇后

明恭王皇后

後廢帝陳太妃

後廢帝江皇后

順陳太妃

順謝皇后

齊宣孝陳皇后

高昭劉皇后

武穆裴皇后

文安王皇后

鬱林王何妃

海陵王王妃

明敬劉皇后

東昏褚皇后

如潘玉兒者何不
附入東昏褚皇后
之下乃其事偏

和王皇后

第十二卷

列傳二

后妃下

梁文獻張皇后

武德邨皇后

武丁貴嬪

武阮修容

簡文王皇后

元徐妃

敬夏太后

敬王皇后

陳武宣章皇后

文沈皇后

廢帝王皇后

宣柳皇后

後主沈皇后

張買妃

第十三卷

列傳三

宋宗室及諸王

長沙景王道憐

臨川烈武王道規

鮑照

營浦侯遵考

從季連

武帝諸子

廬陵孝獻王義真

彭城王義康

江夏文獻王義恭

南郡王義宣

衡陽文王義季

第十四卷

列傳四

文帝諸子

元凶劭

始興王濬

南平穆王鑠

竟陵王誕

建平宣簡王宏

廬陵王緯

晉熙王昶

武昌王渾

武帝七男少帝文帝之外五人同傳是世宋書以義康義景抽出別為一卷非是

始安王休仁

晉平刺王休祐

海陵王休茂

鄱陽哀王休業

臨慶沖王休倩

新野懷王夷父

桂陽王休範

巴陵哀王休若

孝武諸子

豫章王子尚

晉安王子勛

松滋侯子房

臨海王子頊

始平孝敬王子鸞

永嘉王子仁

始安王子貞

邵陵王子元

齊敬王子羽

淮南王子孟

晉陵孝王子雲

南海哀王子師

淮陽思王子霄

東平王子嗣

武陵王贊

明帝諸子

邵陵殤王友

隨陽王翽

新興王嵩

始建王禧

第十五卷

列傳五

劉穆之曾孫祥從子秀之

徐羨之從孫湛之湛之孫孝嗣

傅亮族兄隆

檀道濟兄韶韶孫珪

第十六卷

列傳六

王鎮惡

朱齡石弟超石

毛修之孫惠素

傅弘之

朱修之

王玄謨子瞻從弟玄象

第十七卷

列傳七

劉敬宣

劉懷肅

弟懷敬

劉粹

族弟損

孫處

蒯恩

向靖

子栒

劉鐘

虞丘進

孟懷玉

弟龍符

胡藩

劉康祖

伯父簡之簡之弟謙之道產子道產子延孫

第十八卷

列傳八

趙倫之

子伯符

蕭思話

子惠開 惠明 惠明子琚素 惠明弟惠基 惠基于洽 惠基弟惠休 惠休弟子介 介子允 引 惠開從子琛

臧燾

玄孫嚴 嚴族叔木甄 未甄子肩 嚴弟熹 熹子質

第十九卷

列傳九

謝晦

兄瞻 弟暉 從叔澹

謝裕

子恂 玄孫微 裕弟純

謝方明

子惠連

謝靈運

孫超宗 曾孫幾卿

第二十卷

列傳十

謝弘微

子莊 孫明 曾孫謨 玄孫哲 明弟顯 顯弟滄 滄子覺 覺弟舉 舉子蝦 舉子儵

第二十一卷

列傳十一

王弘

子錫 孫僧達 曾孫融 弘弟子微 微兄遠 遠子僧祐 僧祐子藉 弘從孫瞻 弘玄孫冲 子場 瑜

第二十二卷

列傳十二

王曇首

子僧綽 孫儉 曾孫鸞 鸞子規 鸞弟暕 暕子承 承子僧綽 僧綽弟僧虔 僧虔子慈 慈子泰 慈弟志 志弟子筠 志弟彬 寂

第二十三卷

列傳十三

王誕

兄子偃 偃子藻 藻弟子莹 莹從弟亮

王華

從弟琨

王惠

從弟球

王彧

子綸 綸弟績 績孫克 或兄子蘊 與 與弟份 份弟銓 錫 僉通 勵 質因

臧燾有經學故
宋書與徐廣傳
陸同傳南史以其
為外戚與趙倫之
蕭思話同傳其
趙倫之只可於后妃
附見何得與蕭臧
地有心立異多事命
更而未必確

其所以以家
斷不以國
者總以通
見長年不
此國也非
乘也何為
以一家實
代者即如
淵王儉兩
齊朝佐命
實其之至
讀史者請
至齊事未
有不急欲
此人之傳
乃王儉則
王曇首傳

第二十四卷 列傳十四

王裕之 孫秀之 延之 阮韜 延之子給之

王鎮之 弟弘之 弘之孫晏 晏從弟思遠

王悅之 王韶之 從弟遠之 珪之 族子素

第二十五卷 列傳十五

王懿 到彥之 孫搗 搗子沆 沆從兄澹 洽 洽子仲舉

垣護之 弟子崇祖 崇祖從兄榮祖 閔弟子曇原

張興世 子欣泰

第二十六卷 列傳十六

袁湛 弟豹 豹子淑 淑兄子顓 顓從弟粲 顓弟子象 象從弟昂 馬仙理 昂子君正 君正子樞 憲 君正弟敬 泌

第二十七卷 列傳十七

孔靖 孫琇之 琇之曾孫真 孔琳之 孫顓

殷景仁 從祖弟淳

第二十八卷 列傳十八

褚裕之 弟淡之 玄孫球 裕之兄子湛之 湛之子彥回 彥回子青 秦 秦子向 向子翔 彥回弟澄 從弟炤 炫 炫子灑 灑子蒙 蒙子介

第二十九卷 列傳十九

蔡廓 子興宗 孫約 約弟樽 曾孫凝

第三十卷 列傳二十

何尚之 子偃 孫戢 偃弟子求 求弟點 點弟胤 胤從弟炯 尚之弟子昌寓 昌寓子敬容

第三十一卷 列傳二十一

張裕 子承 岱 岱兄子緒 緒子完 充 永子瓌 瓌子率 率弟眉 瓌弟稷 稷子燦 稷從子種

第三十二卷 列傳二十二

張邵 子敷 孫冲 兄子暢 暢子融 寶積 徐文伯 文伯弟嗣伯

褚淵則附裕... 裕之傳分載... 其事使讀... 津滌其實... 澤移有何... 難事如此... 而無取關... 又齊人本... 王融謝朓... 命而死於... 位而於非... 命此天然... 得宜者乃... 宏傳則入... 史則入王... 松傳則入... 齊人聚... 入宋傳而... 幾無人過... 王融則... 兒與家... 武臣而已... 一家之人... 於傳史家... 恒有之必... 其在朝者... 則亦必可... 則取若全... 各有大... 車續猶須各... 列傳不可混... 況三家數世... 任各代者乃... 并其羣從子... 姓號為會... 此不過欲... 蓋前作以... 已名蓋紀... 之道當... 九

第三十三卷

列傳二十三

范泰 子暉

荀伯子 族子萬秋

徐廣 郗紹 廣兄子豁

鄭鮮之

裴松之 孫昭明 曾孫子野

何承天 曾孫遜

第三十四卷

列傳二十四

顏延之 子竣 從子師伯

沈懷文 子冲 從兄曇慶

周朗 族孫顥 顥子捨 捨弟子弘正 弘讓 弘直 弘直子確

第三十五卷

列傳二十五

劉湛

庾悅 族弟登之 登之子仲文 仲文子弘遠 仲文族孫仲容

顧琛

顧愷之 孫憲之

第三十六卷

列傳二十六

羊欣

羊玄保 子戎 兄子希

沈演之 子勃 兄孫顥 演之從子憲 憲孫浚

江夷 子湛 曾孫敷 玄孫蒨 祿 五世孫經 六世孫總 夷弟子智深

江秉之 孫謐

第三十七卷

列傳二十七

沈慶之 孫昭略 子文季 弟子文秀 從子攸之 攸之從孫僧昭

宗慤 從子史

第三十八卷

列傳二十八

柳元景 元景弟子世隆 世隆子愔 愔弟暉 暉子偃 偃子盼 敬禮 暉弟愷 愷弟忱 世隆從弟慶遠 慶遠子津 津子仲禮

第三十九卷

列傳二十九

殷孝祖 族子琰

劉劭 子俊 孫孺 覽 遵 俊弟子苞 俊弟繪 繪子孝綽 繪弟績

第四十卷

列傳三十

魯爽

薛安都從子深

鄧琬劉胡

宗越

吳喜

王回

第四十一卷

列傳三十一

齊宗室

衡陽元王道度

始安貞王道生

始安王遙光

曲江公遙欣子幾

安陸昭王緬

新吳侯景先

南豐伯赤斧子穎胃 穎達

衡陽公謙

臨汝侯坦之

第四十二卷

列傳三十二

齊高帝諸子上

豫章文獻王疑子子廉 子恪 子操 子範 子幹 子範 子顯 子雲

第四十三卷

列傳三十三

齊高帝諸子下

臨川獻王映

長沙威王晃

武陵昭王暉

安成恭王暕

鄱陽王鏘

桂陽王鐸

始興簡王鑑

江夏王鋒

南平王銳

宜都王鏗

晉熙王鈇

河東王鉉

第四十四卷

列傳三十四

齊武帝諸子

齊書出於子顯故
諱隱甚多非實錄

文惠太子長懋

竟陵文宣王子良 子曹昭

廬陵王子卿

魚復侯子響

安陸王子敬

晉安王子懋

南郡王子隆

建安王子真

西陽王子明

南海王子罕

巴陵王子倫

邵陵王子貞

臨賀王子岳

西陽王子文

衡陽王子峻

南康王子琳

湘東王子建

南郡王子夏

文惠諸子

巴陵王昭秀

桂陽王昭粲

明帝諸子

巴陵隱王寶義

江夏王寶玄

廬陵王寶源

鄱陽王寶寅

邵陵王寶修

晉熙王寶嵩

桂陽王寶貞

第四十五卷 列傳三十五

王敬則

陳顯達

張敬兒

崔慧景

第四十六卷 列傳三十六

李安人 子元履

戴僧靜

桓康

焦度

曹武 子世宗

呂安國

周山圖

周盤龍 子奉叔

以家節不以國節
凡在王家者皆聚於
珠至齊則家變無
多人知齊歷年必積
差必累年與宋相
宋除宗室諸王之外
尚有傳二十六卷梁
除諸王祇有十卷何
其多少之懸絕如此
自九品中正之法行
人皆重門閥延壽立
意為人作家傳畫擬
入宋故偏枯如此

王廣之 子珍國

第四十七卷 列傳三十七

荀伯玉

崔祖思 祖思叔父景真 景真子元祖 宗人文仲

蘇侃

虞棕

胡諧之 范柏年

虞玩之

劉休

江祐 劉暄

第四十八卷 列傳三十八

陸澄

陸慧曉 子無 孫繕 兄子閑 閑子絳 絳弟厥 厥弟襄 襄兄子雲公 雲公子瓊 瓊子從典 瓊從弟瑛 瑛弟瑜 輪從兄新 玠弟琛

陸杲 子昇

第四十九卷 列傳三十九

庾杲之 叔父葦

王湛 從叔摛 何憲

孔珪

劉懷珍 子靈哲 從父弟峻 劉沼 從子懷慰 懷慰子霽 杏 敲 懷珍從孫訐 懷珍族弟善明

第五十卷 列傳四十

劉瓛 弟璉 族子顯

明僧紹 子山賓

庾易 子黔婁 於陵 肩吾

劉虬 子之邁 之亨 虬從弟坦

第五十一卷 列傳四十一

梁宗室上

吳平侯景 子勵 勸 勳 勅 弟昌 昂 昱

長沙宣武王懿 子業 孫孝嚴 業弟藻 猷 猷子韶 駿 弟朗明

永陽昭王敷 衡陽宣王暢

桂陽簡王融 子象 象子造

臨川靜惠王宏 宏子正仁 正義 正德 正德子見理 正德弟正則 正則弟正立 正立子賁 正立弟正表 正信

沼自附見劉懷珍傳後不可別標為傳

劉懷珍本
將門其從父
弟峻孝廉
獨為文
梁書入文
學傳南史
不顧其隱
亦不問其
之臭味蓋
以孝標入
珍傳延壽
欲為六朝
作家傳而
何嘗是國
史耶

第五十二卷

列傳四十二

梁宗室下

安成康王秀

秀子機
機弟推

南平元襄王偉

偉子恪
恭子靜

恪弟恭
恭弟祗

鄱陽忠烈王恢

恢子範
諮弟修

範子嗣
修弟泰

範弟諮

始興忠武王憺

憺子亮
映弟暉

亮弟映

第五十三卷

列傳四十三

梁武帝諸子

昭明太子統

豫章王綜

南康簡王績

廬陵威王績

邵陵攜王綸

武陵王紀

第五十四卷

列傳四十四

梁簡文帝諸子

哀太子大器

尋陽王大心

臨川王大款

南海王大臨

南郡王大連

安陸王大春

桂陽王大成

汝南王大封

瀏陽公大雅

新興王大莊

西陽王大鈞

武寧王大威

皇子大訓

建平王大球

義安王大昕

綏建王大摯

樂良王大園

元帝諸子

忠烈世子方等

貞惠世子方諸

愍懷太子方矩

始安王方略

第五十五卷

列傳四十五

王茂

曹景宗

席闡文

夏侯詳子亶 夔

吉士瞻

蔡道恭

楊公則

鄧元起羅研 李膺

張惠紹子登

馮道根

康絢

昌義之

第五十六卷

列傳四十六

張弘策子緝 續 縉

庾域子子輿

鄭紹叔

呂僧珍

樂藹子法才

第五十七卷

列傳四十七

沈約子旋 孫眾

范雲從兄續

第五十八卷

列傳四十八

韋叡兄纂 闡 叡子放 孫粲 放弟正 正子載 鼎 正弟稜 稜弟黯

裴邃邃子之禮 兄子之高 之高弟之平 之平子忌 之高弟之橫

第五十九卷

列傳四十九

江淹

任昉

王僧孺

第六十卷

列傳五十

范岫

傅昭弟映

孔休源

江革子德藻

徐勉

許懋子亨

殷鈞 宗人芸

第六十一卷 列傳五十一

陳伯之 陳慶之 子昕暄

蘭欽

第六十二卷 列傳五十二

賀瑒 子革 弟子琛 司馬鑿

朱异 顧協

徐摛 子陵 陵子儉 份 儀 陵弟孝克 鮑泉 鮑行卿 弟客卿

第六十三卷 列傳五十三

王神念 子僧辯 羊侃 子球 賜

羊鴉仁

第六十四卷 列傳五十四

江子一 胡僧祐

徐文盛 陰子春 子鏗

杜崩 兄岸 弟幼安 兄子龕 王琳

張彪

第六十五卷 列傳五十五

陳宗室諸王 遂興侯詳

永修侯擬 衡陽王昌 子伯信

宜黃侯慧紀 南康愍王曇朗 子方泰 方慶

文帝諸子

始興王伯茂 鄱陽王伯山

新安王伯固 晉安王伯恭

廬陵王伯仁

江夏王伯義

武陵王伯禮

永陽王伯智

桂陽王伯謀

宣帝諸子

始興王叔陵

豫章王叔英

長沙王叔堅

建安王叔卿

宜都王叔明

河東王叔獻

新蔡王叔齊

晉熙王叔文

淮南王叔彪

始興王叔重

尋陽王叔儼

岳陽王叔慎

義陽王叔達

巴山王叔雄

武昌王叔虞

湘東王叔平

臨賀王叔敖

陽山王叔宣

西陽王叔穆

南安王叔儉

南郡王叔澄

沅陵王叔興

岳山王叔韶

新興王叔純

巴東王叔謨

臨海王叔顯

新會王叔坦

新寧王叔隆

新昌王叔榮

太原王叔匡

後主諸子

太子深

吳興王胤

南平王嶷

永嘉王彥

南海王虔

信義王祗

邵陵王兢

會稽王莊

東陽王恮

吳郡王藩

錢塘王恬

第六十六卷

列傳五十六

杜僧明

周文育

子寶安

侯瑱

侯安都

歐陽頎

子紇

黃法範

淳于量

章昭達

吳明徹

裴子烈

第六十七卷

列傳五十七

胡穎

徐度

子敬成

杜稜

周鐵武

程靈洗

子文季

沈恪

陸子隆

錢道戢

駱文牙

孫瑒

徐世譜

周敷

荀朗

周昺

魯悉達

弟廣達

蕭摩訶

子世廉

任忠

樊毅

弟猛

第六十八卷

列傳五十八

趙知禮

蔡景歷

子徵

宗元饒

韓子高

華皎

劉師知

謝岐

毛喜

沈君理

陸山才

第六十九卷

列傳五十九

沈炯

虞荔

弟寄

傅綽

章華

顧野王

蕭濟

姚察

第七十卷

列傳六十

循吏

吉翰

以下三人宋書與劉道產同為傳一篇南史改入循吏道產則附劉康祖傳

杜驥

申恬

杜慧慶

阮長之

甄法崇

孫彬

傅琰

孫岐

虞愿

王洪軌

李珪之

沈瑀

范述曾

孫謙

從子廉

何遠

郭祖深

第七十一卷

列傳六十一

儒林

伏曼容

子暉 暉子挺

何佟之

嚴植之

司馬筠

卞華

崔靈恩

孔僉

盧廣

沈峻

太史叔明峻子文阿

孔子祛

皇侃

沈洙

戚袞

鄭灼

張崖 陸詡 沈隱威 賀德基

全緩

張譏

顧越

龔孟舒

沈不害

王元規 陸慶

第七十二卷

列傳六十二

文學

丘靈鞠 子遲 從孫仲孚

檀超 熊襄 吳邁遠 超叔道鸞

卞彬 諸葛勗 表嘏 孫抱 高爽

丘巨源 孔廣 孔道 虞通之 虞蘇 司馬憲 表仲明 孫詵

王智深

崔慰祖

祖冲之 子暉之 孫皓 來嶷

賈希鏡

袁峻

劉昭 子緝 緩

鐘嶸 兄阮 弟嶸

周興嗣

吳均 江洪

劉勰

何思澄 子朗 王子雲

任孝恭

顏協

紀少瑜

杜之偉

顏晃

岑之敬

何之元

徐伯陽

張正見

阮卓

第七十三卷

列傳六十三

孝義上

龔穎

劉瑜 董切

賈恩

郭世通 子原平

嚴世期

吳達

潘綜 陳遺 秦綿

張進之 俞僉 張楚

丘傑

師覺授

王彭

蔣恭

徐耕

孫法宗

范叔孫

吳國夫

卜天與

弟天生

許昭先

余齊人

孫棘

妻許之徐元妻許錢延慶

何子平

崔懷順

王虛之

江朝 江柔之

吳慶之

蕭叡明

鮮于文宗

蕭矯妻羊

羊緝之女佩任 吳康之妻趙 蔣儁之妻黃 吳翼之母丁 會稽陳氏二女 永興中里王氏 諸暨屠氏女 吳興乘公 濟妻姚 吳郡范法恂妻楮

公孫僧達

吳欣之

韓係伯

丘冠先

孫淡

華寶

薛公生 劉恂

解叔謙

宗元卿 庾震 朱文濟 匡昕 魯康祚 謝昌寓

韓靈敏

劉渢

弟燕 柳叔夜

封延伯

陳玄子 邵策興 文獻叔 徐生之 范安祖 李聖伯 范道根 譚弘寶 何弘 陽黑頭 王績祖 郝道福

吳達之

蔡曇智 何伯興

王文殊

樂頤之

弟預 沈升之

江泌

庾道愍

族孫沙彌 沙彌子持

第七十四卷

列傳六十四

孝義下

滕曇恭

徐普濟 張悌

陶季直

沈崇儔

荀匠

吉玃

甄恬

趙拔扈

韓懷明

褚修

陶子鏘

李慶緒

殷不害 弟不佞

張昭 弟乾 王知玄

張景仁

宛陵女子 劉景新

衛敬瑜妻王

成景雋

謝蘭 子貞

司馬暉

第七十五卷

列傳六十五

隱逸上

陶潛

沈道虔

周續之

崔法賜

郭希林

宗少文

孫測 從弟或之

孔淳之

戴顓

雷次宗

劉凝之

龔祈

關康之

辛普明 樓惠明

褚伯玉

杜京產

孔道微 京產子 剡縣小兒

朱百年

漁父

顧歡 盧虔

第七十六卷

列傳六十六

隱逸下

臧榮緒

徐伯珍

婁幼瑜

阮孝緒

陶弘景

釋寶誌

吳苞

趙僧巖 孔嗣之

蔡蒼

沈麟士

鄧郁

諸葛璩

劉惠斐

兄慧鏡 慧鏡子曇瑋

庾詵

范元琰

張孝秀

庚承先

馬樞

第七十七卷

列傳六十七

恩倖

戴法興

戴明寶

徐爰

阮佃夫

紀僧真

劉係宗

茹法亮

呂文顯

茹法珍

梅出兒

周石珍

陸驗

徐辨

司馬申

施文慶

沈客卿

孔範

第七十八卷

列傳六十八

夷貊

海南諸國

林邑國

扶南國

西南夷

訶羅陀國

阿羅單國

婆皇國

波達國

闍婆達國

槃槃國

丹丹國

于阇利國

狼牙修國

婆利國

中天竺國

天竺迦毗黎國

師子國

第七十九卷

列傳六十九

夷貊下

東夷

高句麗

百濟

新羅

倭

文身

大漢

扶桑

西戎

河南王

宕昌

鄧至

武興

諸蠻

荆雍州蠻

豫州蠻

顧琛域

顧愷之 孫靈之

高昌

滑

呵跋檀

白題

龜茲

于闐

渴盤陁

末

波斯

北狄

蠕蠕

第八十卷

列傳七十

賊臣

侯景

王偉

熊曇朗

周迪

留異

陳寶應

南史帝紀刺史例不書武帝三年義真為南豫州刺史 帝二年義恭為南豫州刺史義真義恭皆諸王

俱誤

大紀元嘉三年進司
空徐羨之位司徒
刺史王弘位司徒

義真書義恭不書此其例之不一也 又諸刺史進位加號略無關係皆可刪而南史備書之如進江州
刺史王弘衛將軍開府儀同三司又改授車騎大將軍後乃授司徒錄尚書事揚州刺史其衛將
軍車騎大將軍皆進位加號而江州刺史則如故是皆可不書而以司徒錄尚書事領揚州刺史揚
州京畿舊以宰相兼領徐羨之為尚書令揚州刺史正與弘同乃羨之書揚州刺史及進司空錄尚書
事仍書刺史如故至弘則刪揚州刺史不書例多參錯不可詳攷 又諸州刺史及分置州郡不書
庶庶 五年二年中秋月夜三日燭於姑蘇閶門書
傳中

而亦間有書者概以無定例之故今亦不能一一詳論也王

南史卷一

同治己巳七月二十有九日假 王西莊光祿讀本過錄履芬記

南史避唐廟諱

宋本紀上第一

武帝 少帝

武帝紀詔改權制一從寬簡語未明當依宋書補入 又免兵止進侵濫服親詔亦宜載王

宋高祖武皇帝諱裕字德輿小字寄奴彭城縣綏輿里人姓劉氏
漢楚元王交之二十一世孫也彭城楚都故苗裔家焉晉氏東遷
劉氏移居晉陵丹徒之京口里皇祖靖晉東安太守皇考翹字顯
宗郡功曹帝以晉哀帝興寧元年歲在癸亥三月壬寅夜生神光
照室盡明是夕甘露降于墓樹及長雄傑有大度身長七尺六寸
風骨竒偉不事廉隅小節奉繼母以孝聞嘗游京口竹林寺獨臥
講堂前上有五色龍章眾僧見之驚以白帝帝獨喜曰上人無妄
言皇考墓在丹徒之候山其地秦史所謂曲阿丹徒間有天子氣

南史避唐廟諱
富與北史同而全
本內字不諱不處
字雖見此皆後
本校者所改如諸
葛長民之為長
考武小字道民之
為道心猶考回劉
考節之以字稱則
政之未盡者虎之
為獸淵之為深春
中亦二見之亦改之
未盡也王

西水屯鳳蘭
氏蘭閣

者也時有孔恭者妙善占墓帝嘗與經墓欺之曰此墓何如孔恭曰非常地也帝由是益自負行止時見二小龍附翼樵漁山澤同侶或亦視焉及貴龍形更大帝素貧時人莫能知唯琅邪王謐獨深敬焉帝嘗負刀達社錢三萬經時無以還被逵執謐密以已錢代償由是得釋後伐荻新洲見大蛇長數丈射之傷明日復至洲裏聞有杵臼聲往覘之見童子數人皆青衣搗藥問其故答曰我王爲劉寄奴所射合散傳之帝曰王神何不殺之答曰劉寄奴王者不死不可殺帝叱之皆散仍收藥而戻又經客下邳逆旅會一沙門謂帝曰江表當亂安之者其在君乎帝先患手創積年不愈沙門有一黃藥因留與帝既而忽亡帝以黃散傳之其創一傳而愈寶其餘及所得童子藥每遇金創傳之並驗初爲冠軍孫無終司馬晉隆安三年十一月妖賊孫恩作亂於會稽朝廷遣衛將軍

謝琰前將軍劉牢之東討牢之請帝參府軍事命與數十人覘賊遇賊衆數千帝便與戰所將人多死而帝奮長刀所殺傷甚衆牢之子敬宣疑帝爲賊所困乃輕騎尋之既而衆騎並至遂平山陰恩遁入海四年五月恩復入會稽殺謝琰十一月牢之復東征使帝戍句章句章城小人少帝每戰陷陣賊乃退還浹口時東伐諸將士卒暴掠百姓皆苦之惟帝獨無所犯五年春恩頻攻句章帝屢破之恩復入海三月恩北出海鹽帝築城于故海鹽賊日來攻城城內兵少帝乃選敢死士擊走之時雖連勝帝深慮衆寡不敵乃一夜偃旗示以羸弱觀其懈乃奮擊大破之恩知城不可下進向滬瀆帝棄城追之海鹽令鮑陋遣子嗣之以吳兵一千爲前驅帝以吳人不習戰命之在後不從是夜帝多設奇兵兼置旗鼓明日戰伏發賊退嗣之追奔陷沒帝且退且戰麾下死傷將盡乃至

向處止令左右解取死人衣以示暇賊疑尚有伏乃引去六月恩
浮海至丹徒帝兼行與俱至奔擊大破之恩至建鄴知朝廷有備
遂走鬱洲八月晉帝以帝為下邳太守帝又追恩至鬱洲及海鹽
頻破之恩自是饑饉奔臨海元興元年荊州刺史桓玄舉兵東下
驃騎將軍司馬元顯遣牢之拒之帝又參其軍事玄至帝請擊之
牢之不許乃遣子敬宣詣玄請和帝與東海何無忌並固諫不從
玄剋建鄴以牢之為會稽內史牢之懼招帝於廣陵舉兵帝曰人
情去矣廣陵亦豈可得之牢之竟縊于新洲何無忌謂帝曰我將
何之帝曰可隨我還京口玄必守臣節當與卿事之不然與卿圖
之玄從兄修以撫軍將軍鎮丹徒以帝為中兵參軍孫恩自敗後
懼見獲乃投水死於臨海餘眾推恩妹夫盧循為主玄復遣帝東
征二年循奔永嘉帝追破之六月加帝彭城內史十二月桓玄篡

位遷晉帝於尋陽桓修入朝帝從至建鄴玄見帝謂司徒王謐曰
昨見劉裕風骨不恒蓋人傑也每游集贈賜甚厚玄妻劉氏尚書
令耽之女也聰明有智鑒嘗見帝因謂玄曰劉裕龍行虎步視瞻
不凡恐必不為人下宜早為其所玄曰我方平蕩中原非裕莫可
待關隴平定然後議之修尋還京口帝託以金創疾動不堪步從
乃與無忌同船共還建興復討及弟道規沛國劉毅平昌孟和任
城魏詠之高平檀憑之琅邪諸葛長人太原王元德隴西辛扈興
東莞童厚之並同義謀時桓修弟弘為青州刺史鎮廣陵道規為
弘中兵參軍和為州主簿乃令毅就和謀共襲弘長人為豫州刺
史刁達左軍府參軍謀據歷陽相應元德厚之謀於建鄴攻玄剋
期齊發三年二月乙卯帝託游獵與無忌詠之憑之毅從弟藩憑
之從子韶祗隆道濟和族弟懷玉等集義徒凡二十七人願從者

百餘人丙辰候城門開無忌等義徒服詔服稱詔居前義衆馳
人齊叫吏士驚散卽斬修以狗帝哭之甚慟厚加斂恤和勸弘其
日出獵未明開門出獵人和道規毅等率壯士五六十人因開門
直入弘方噉粥卽斬之因收衆濟江義軍初剋京城修司馬刁弘
率文武佐吏來赴帝登城謂曰郭江州已奉乘輿反正於尋陽我
等並被密詔誅逆黨今日賊玄之首已當梟於大航諸君非大晉
之臣乎弘等信之而退毅旣至帝命誅弘等毅兄邁先在建鄴事
未發數日帝遣同謀周安穆報之使爲內應邁甚懼安穆慮事發
馳歸時玄以邁爲竟陵太守邁便下船欲之郡是夜玄與邁書曰
北府人情云何卿近見劉裕何所道邁謂玄已知其謀晨起白之
玄驚封邁爲重安侯又以不執安穆故殺之誅元德扈與厚之等
乃遣頓丘太守吳甫之右衛將軍皇甫敷北拒義軍先是帝造游
擊將軍何澹之左右見帝光耀滿室以告澹之澹之以白玄玄不
以爲意至是聞義兵起甚懼或曰裕等甚弱陛下何慮之深玄曰
劉裕足爲一世之雄劉毅家無儋石之儲樗蒲一擲百萬何無忌
劉牢之之外甥酷似其舅共舉大事何謂無成時衆推帝爲盟主
以孟和爲長史總後事檀憑之爲司馬百姓願從者千餘人軍次
竹里移檄都下曰夫成敗相因理不常泰狡焉肆虐或遇聖明自
我大晉屢邁陽九隆安以來皇家多故貞良弊於豺狼忠臣碎於
虎口逆臣桓玄敢肆陵慢阻兵荆郢肆暴都邑天未忘難凶力寔
繁踰年之間遂傾皇祚主上播越流幸非所神器沈辱七廟毀墜
雖夏后之離浞豷有漢之遭莽卓方之於茲未足爲喻自玄篡逆
于今歷載彌年亢旱人不聊生士庶疲於轉輸文武困於板築室
家分析父子乖離豈唯大東有杼軸之悲標梅有傾筐之怨而已

哉仰觀天文俯察人事此而可存孰有可亡凡在有心誰不扼腕
裕等所以叩心泣血不遑啟處者也是故夕寐宵興搜獎忠烈潛
構崎嶇過於履虎乘機奮發義不圖全輔國將軍劉毅廣武將軍
何無忌鎮北主簿孟和兗州主簿魏詠之寧遠將軍劉道規龍驤
參軍劉藩振威將軍檀憑之等忠烈斷金精貫白日荷戈俟奮志
在畢命益州刺史毛璩萬里齊契掃定荆楚江州刺史郭昶之奉
迎主上宮于尋陽鎮北將軍王元德等並率部曲保據石頭揚武
將軍諸葛長人收集義士已據歷陽征虜將軍庾曠之等潛相連
結以爲內應同力協契所在蠡起卽日斬僞徐州刺史安成王修
青州刺史弘義衆旣集文武爭先咸謂不存一統則事無以緝裕
辭不獲命遂總軍要庶上憑祖宗之靈下罄義夫之節剪馘連逆
蕩清京華公侯諸君或世樹忠貞或身荷爵寵而並俛眉猾豎無

由自效顧瞻周道寧不弔乎今日之舉良其會也裕以虛薄才非
古人受任於旣頽之運接勢於已替之機丹誠未宜感慨憤激望
霄漢以永懷眄山川以增佇投檄之日神馳賊庭三月戊午遇吳
甫之於江乘帝躬執長刀大呼卽斬甫之進至羅洛橋遇皇甫敷
檀憑之戰敗死之衆退帝進戰彌厲又斬敷首初帝建大謀有工
相者相帝與無忌等近當大貴惟云憑之無相至是憑之戰死帝
知其事必捷玄聞敷等沒使桓謙屯東陵口卞範之屯覆舟山西
已未義軍進至覆舟東張疑兵以油帔冠諸樹布滿山谷帝先馳
之將士皆殊死戰無不一當百呼聲動天地因風縱火烟焰張天
謙等大敗玄始雖遣軍而走意已決別遣領軍殷仲文具舟石頭
聞謙敗輕船南逸庚申帝鎮石頭城立留臺總百官焚桓温至於
宣陽門外造晉新主於太廟遣諸將追玄命尚書王琨率百官奉

迎乘輿司徒王謐與衆議推帝領揚州帝固辭乃以謐爲錄尚書
事領揚州刺史帝爲鎮軍將軍都督八州諸軍事徐州刺史領軍
將軍初晉陵人韋叟善相術桓修令相帝當得州不叟曰當得邊
州刺史退而私於帝曰君相貴不可言帝笑曰若中當相用爲司
馬至是叟詣帝曰成王不負桐葉之信公亦應不忘司馬之言今
不敢希鎮軍司馬願得領軍佐於是用焉時諸葛長人失期爲刀
達執送未至而玄敗玄經尋陽江州刺史郭和之爲具乘輿法物
初荊州刺史王綏以江左寇族又桓氏之甥素甚陵帝至是及其
父尚書左僕射愉有自疑志並及誅四月戊子奉武陵王遵爲大
將軍承制大赦惟桓氏一祖後不免桓玄之篡王謐佐命手解安
帝璽紱及義旗建衆謂謐宜誅惟帝素德謐保持之劉毅嘗因朝
會問謐璽紱所在謐益懼及王愉父子誅謐從弟湛謂謐曰王駒

無罪而誅此是剪除勝已兄旣桓氏黨附求免得乎駒愉小字也
謐懼奔曲阿帝牋白大將軍迎還復其位玄挾天子走江陵又浮
江東下與劉毅何無忌劉道規等遇於崢嶸洲衆軍大破之玄黨
殷仲文奉晉二皇后還建鄴玄復挾天子至江陵因走南郡太守
王騰之荊州別駕王康產奉天子入南郡府初益州刺史毛璩遣
從孫祐之與參軍費恬送弟喪下州璩弟子修之時爲玄屯騎校
尉誘玄入蜀至枚回洲恬與祐之迎射之益州督護馮遷斬玄傳
首建鄴玄從子振逃於華容之涌中招集逆黨襲江陵城騰之康
產皆被殺桓謙先匿沮川亦聚衆應振爲玄舉哀立喪庭謙率衆
官奉璽綬于安帝劉毅何無忌進及桓振戰敗績於靈谿十月帝
領青州刺史甲仗百人入殿義熙元年正月毅等至江津破桓謙
桓振江陵平三月甲子晉帝至自江陵庚子詔進帝侍中車騎將

軍都督中外諸軍錄尚書事帝固讓旋鎮丹徒九月乙巳加帝領
兗州刺史盧循浮海破廣州獲刺史吳隱之卽以循爲廣州刺史
以其黨徐道覆爲始興相二年三月進帝督交廣二州十月論匡
復勲封帝豫章郡公邑萬戶賜絹三萬疋其餘封賞各有差三年
十二月司徒錄尚書揚州刺史王謐薨四年正月徵帝入輔授侍
中車騎將軍開府儀同三司揚州刺史錄尚書事徐兗二州刺史
如故表解兗州先是帝遣冠軍劉敬宣伐蜀賊譙縱無功而還九
月帝以敬宣挫退遜位不許十月乃降爲中軍將軍開府如故五
年二月僞燕王慕容超大掠淮北三月帝抗表北討以丹陽尹孟
昶監中軍留府事乃浮淮入泗五月至下邳留船步軍進琅邪所
過築城留守超大將公孫五樓請斷大峴堅壁清野以待超不從
初謀是役議者以爲賊若嚴守大峴軍無所資何能自反帝曰不

宋武帝料慕容
超及谷姚興與
昶之語皆所不
過夫其本意當
宋書補心王

此車戰也

然鮮卑性貪略不及遠旣幸其勝且愛其穀必將引我且亦輕戰
師一入峴吾何患焉及入峴帝舉手指天曰吾事濟矣衆問其故
帝曰師旣過險士有必死之志餘糧栖畝軍無匱乏之憂勝可必
矣六月超留羸老守廣固使其廣甯王賀剌盧及公孫五樓悉力
據臨朐去城四十里有巨蔑水超告五樓急據之比至爲龍驤將
軍孟龍符所保五樓乃退大軍分車四千兩爲二翼方軌徐行車
張幟御者執稍以騎爲游軍軍令嚴肅比及臨朐賊騎交至帝命
兗州刺史劉藩并州刺史劉道憐等陷其陣日向是戰猶酣帝用
參軍胡藩策襲剌臨朐賊乃大奔超遁遼廣固獲其玉璽豹尾輦
等送于都丙子剌廣固大城超固其小城乃設長圍以守之館穀
於青土停江淮轉輸七月超尚書郎張綱乞師于姚興自長安反
太山太守申宣執送之綱有巧思先是帝修攻具城上人曰汝不

宋作偽輦
玉璽豹尾
兩唐諱作
景此後人

其母為超支解

得張綱何能為也及至升諸樓車以示之城內莫不失色超既求
救不獲綱反見虜乃求稱藩割大峴為界獻馬千疋不聽時姚興
遣使聲言將涉淮左帝謂曰爾報姚興我定青州將過函谷虜能
自送今其時矣錄事參軍劉穆之遽入曰此言不足威敵容能怒
彼若鮮卑未拔西羌又至公何以待之帝乃笑曰此兵機也非子
所及羌若能救不有先聲是自彊也十月張綱修攻具成設飛樓
縣梯木幔板屋冠以牛皮弓矢無所用之劉毅遣上黨太守趙恢
以千餘人來援帝夜潛遣軍會之明旦恢眾五千方道而進每晉
使將到輒復如之六年二月丁亥屠廣固超踰城走追獲之斬于
建康市殺其王公以下納生口萬餘馬二千疋初帝之北也徐道
覆勸盧循乘虛而出循不從道覆乃至番禺說循曰今日之機萬
不可失若剋京都劉公雖還無能為也循從之是月寇南康廬陵

新慕容超平

豫章諸郡郡守皆奔走時帝將鎮下邳進兵河洛及徵使至即日
班師鎮南將軍何無忌與道覆戰敗死於豫章內外震駭朝議欲
奉乘輿北走帝次山陽聞敗卷甲與數十人造江上徵問知賊尚
未至四月癸未帝至都劉毅自表南征帝以賊新捷鋒銳須嚴軍
偕進使劉藩止之毅不從五月壬午盧循敗毅于桑落洲及審帝
凱入相視失色欲還尋陽平江陵據二州以抗朝廷道覆請乘勝
遂下爭之旬日乃從于時北師始還傷痍未復戰士纔數千賊眾
十餘萬舳艫亘千里孟昶諸葛長人懼欲擁天子過江帝曰今兵
士雖少猶足一戰若其剋濟臣主同休如其不然不復能草間求
活吾計決矣初帝征慕容超惟孟昶勸行丙辰昶乃表天子引罪
仰藥而死時議者欲分兵屯守諸津帝曰賊眾我寡分其兵則測
人虛實一處失利則阻三軍之心若聚眾石頭則眾力不分戊午

死得無謂

是自彊也中
是耳較明
四字

本走下當
帝即馳使徵

帝移鎮石城乙丑賊大至帝曰賊若新亭直上且將避之若回泊
蔡洲成禽耳徐道覆欲自新亭焚舟而戰循多疑少決每求萬全
乃泊蔡洲以待軍潰帝登石頭以望見之悅庚辰賊設伏於南岸
疑兵向白石帝率劉毅諸葛長人北拒焉留參軍徐赤特戍查浦
戒令勿戰帝既北賊焚查浦而至張侯橋赤特與戰大敗賊進屯
丹楊群帝馳還石頭斬徐赤特解甲久之乃出陣於南塘七月庚
申循自蔡洲退將還歸尋陽帝遣輔國將軍王仲德等追之使建
威將軍孫處自海道襲番禺戒之曰我十二月必破祇寇卿亦足
至番禺先傾其巢窟也十月帝率舟師南伐使劉毅監太尉留府
是月徐道覆寇江陵荊州刺史劉道規大破之道覆走還湓口十
一月孫處至番禺剋其城盧循父嘏奔始興處撫其人以守十二
月己卯大軍次大雷庚辰賊方江而下帝躬提幡鼓命衆軍齊力

大雷宋作雷池

盧循敗走
單綱走下當補
劉藩孟懷玉追之

新徐道覆

擊之軍中多萬鈞神弩所至草不摧陷帝自於中流蹙之因風水
之勢賊艦悉薄西岸岸上軍先備火具焚之大敗循還尋陽遂走
豫章悉力柵左里丙申大軍次左里將戰帝麾之麾竿折幡沈于
水衆咸懼帝笑曰昔覆舟之役亦如此今勝必矣攻其柵循單舸
走衆皆降師旋晉帝遣侍中黃門勞師于行所七年正月己未振
旅而歸改授大將軍揚州牧給班劍二十人本官並如故固辭凡
南北征伐戰亡者並列上賻贈屍喪未返者遣主帥迎接致還本
土二月盧循至番禺爲孫處所破收餘衆南走劉藩孟懷玉斬徐
道覆于始興自晉中興以來朝綱弛紊權門兼并百姓流離不得
保其產業桓玄頗欲釐改竟不能行帝既作輔大示軌則豪彊肅
然遠近禁止至是會稽餘姚唐亮復藏匿亡命千餘人帝誅亮免
會稽內史司馬休之晉帝又申前詔帝固辭於是改授大尉中書

監乃受命奉送黃鉞交州刺史杜惠度斬盧循父子函七首送都
先是諸州郡所遣秀才孝廉多非其人帝乃表申明舊例策試之
荊州刺史劉道規疾患求歸八年四月改授豫州刺史以豫州刺
史劉毅代之毅既有雄才大志與帝俱興復晉室自謂京城廣陵
功足相抗雖權事推帝而心不服也厚自矜許朝士素望者並多
歸之與尚書僕射謝混丹陽尹郗僧施並深相結及鎮江陵豫州
舊府多割以自隨請僧施為南蠻校尉帝知毅終為異端心密圖
之毅至西稱疾篤表求從弟克州刺史藩以為副貳帝偽許焉九
月藩入朝帝命收藩及謝混並賜死自表討毅又假黃鉞率諸軍
西征以前鎮軍將軍司馬休之為平西將軍荊州刺史克州刺史
道憐鎮丹徒豫州刺史諸葛長人監太尉留府事加太尉司馬丹
陽尹劉穆之建威將軍配以實力壬午發建鄴遣參軍王鎮惡龍

誅劉毅從弟劉藩及謝混

誅劉毅

驤將軍蒯恩前襲江陵剋之毅及黨與皆伏誅十一月帝至江陵
分荊州十郡為湘州帝仍進督焉以西陵太守朱齡石為益州刺
史使伐蜀晉帝進帝太傅揚州牧加羽葆鼓吹班劍二十人九年
二月乙丑帝至自江陵初諸葛長人貪淫驕橫帝每優容之劉毅
既誅長人謂所親曰昔年醢彭越今年殺韓信禍其至矣將謀作
亂帝尅期至都而每淹留不進公卿以下頻日奉候於新亭長人
亦驟出既而帝輕舟密至已還東府矣長人到門引前却人閑語
凡平生言所不盡者皆與及之長人甚悅帝已密命左右丁時自
慢後出於坐拉焉死於牀側輿屍付廷尉并誅其弟黎人許驍勇
有方時人語曰勿跋扈付丁昨先是山湖川澤皆為豪彊所奪百
姓薪採漁釣皆責稅直至是禁斷之時人居未一帝上表定制於
是依界土斷惟徐兗青三州居晉陵者不在斷例諸流寓郡縣多

誅諸葛長人

所併省以帝領鎮西將軍豫州刺史帝固讓太傅揚州牧及班劔
奉還黃鉞七月朱齡石平蜀斬譙縱傳首建鄴九月晉帝以帝平
齊定盧循功封帝次子義真為桂陽縣公并重申前命授帝太傅
揚州牧加羽葆鼓吹班劔二十人將吏百僚敦勸乃受羽葆鼓吹
班劔餘固辭十年息人簡役築東府城起府舍帝以荊州刺史司
馬休之宗室之重又得江漢人心疑其有異志而休之子譙王文
思在都招聚輕俠帝執送休之令自為其所休之表廢文思并與
帝書陳謝十一年正月帝收休之子文寶兄子文祖並賜死率眾
西討復加黃鉞領荊州刺史以中軍將軍道憐監留府事休之上
表自陳并罪狀帝休之府錄事參軍韓延之有幹用帝未至江陵
密書招之延之報書曰承親率我馬遠履西偏闔境士庶莫不惶
駭辱疏知以譙王前事良增歎息司馬平西體國忠貞款懷待物

殺宗室司馬休之
之子文寶及兄子
文祖

東府

以公有匡復之勲家國蒙賴推德委誠每事詢仰譙王往以微事
見劾猶自表遜位況以大過而當默邪來示云處來期物自有由
來今伐人之君陷人以利真可謂處懷期物者矣劉藩死於閭闔
之門諸葛斃於左右之手甘言詫方伯襲之以輕兵遂使席上靡
欵懷之士閭外無自信諸侯以為得算良所恥也吾雖鄙劣嘗聞
道於君子以平西之至德寧可無授命之臣乎假天長喪罷九流
渾濁當與臧洪游於地下不復多云帝視書歎息以示將佐曰事
人當如此三月軍次江陵初雍州刺史魯宗之負力好亂且慮不
為帝容常為讖曰魚登日輔帝室與休之相結至是率其子竟陵
太守軌會于江陵帝濟江休之眾潰與軌等奔襄陽江陵平加領
南蠻校尉將拜南蠻遇四廢日佐史鄭解之等白遷日不許下書
開寬大之恩四月進軍襄陽休之等奔姚興晉帝復申前令授太

來當作懷

傳揚州牧劔履上殿入朝不趨讚拜不名加前部羽葆鼓吹置左
右長史司馬從事中郎四人封第三子義隆爲北彭城縣公八月
甲子帝至自江陵奉還黃鉞固辭太傅州牧前部羽葆鼓吹其餘
受命十二年正月晉帝詔帝依舊辟士加領平北將軍兗州刺史
增督南秦凡二十二州帝以平北文武寡少不宜別置於是罷平
北府以併大府三月加帝中外大都督初帝平齊仍有定關洛意
遇盧循侵逼故寢及荆雍平乃謀外略會姚興死子泓新立兄弟
相殺關中擾亂四月乙丑帝表伐關洛乃戒嚴北討加領征西將
軍司豫二州刺史以世子爲徐兗二州刺史帝以義聲懷遠奉琅
邪王北伐五月盧江霍山崩獲六鐘獻之天子癸巳加領北雍州
刺史前後部羽葆鼓吹增班劔爲四十人八月乙巳率大衆進發
以世子爲中軍將軍監太尉留府事尚書右僕射劉穆之爲左僕

射領監軍中軍二府軍司入居東府總攝內外九月帝至彭城加

東府

領北徐州刺史十月衆軍至洛圍金墉降之修復晉五陵置守衛
十二月壬申晉帝加帝位相國總百揆揚州牧封十郡爲宋公備
九錫之禮加璽紱遠遊冠綠綬綬位在諸侯王上策曰朕以寡昧
仰纘洪基夷羿乘釁蕩覆王室越在南鄙遷于九江宗祀絕饗人
神無位提挈羣凶寄命江浦則我祖宗之烈奄墜于地七百之祚
剪焉旣傾若涉東齊北齊巨海罔知攸濟天未絕晉誕育英輔振厥維再
造區寓興亡繼絕俾昏作明元勳至德朕實攸賴今將授公典策
其敬聽朕命乃者桓玄肆僭滔天泯夏拔本塞源顛蹶六位庶僚
俛眉四方莫恤公精貫朝日氣陵虹蜺奮其靈武大殲羣慝尅復
皇邑奉歆神祇此公之大節始於勤王者也授律羣后順流長驚
薄伐崢嶸獻捷南郢大憝折首羣逆畢夷三光旋采舊物反正此

又公之功也出藩入輔弘茲保弼阜財利用繁殖黎元編戶歲滋
疆宇日啟導德明刑四境有截此又公之功也鮮卑負衆僭盜三
齊介恃遐阻仍爲邊害公蒐乘秣馬曼入遠疆衝櫓四臨萬雉俱
潰拓土三千申威龍漠此又公之功也盧循祆凶伺隙五嶺侵覆
江豫矢及王城國議遷都之規家獻徙卜之計公乘輿南濟義形
于色運奇攄略英謀不世狡寇窮衄喪旗宵遊俾我畿甸拯於將
墜此又公之功也追奔逐北揚於江濱偏旅浮海指日適至番禺
之功俘級萬數左里之捷鳥散魚潰元凶遠竄傳首萬里此又公
之功也劉毅叛換負釁西夏陵上罔王志肆姦暴公禦軌以刑消
之不日罪人斯得荆衡寧晏此又公之功也譙縱怙亂寇竊一隅
王化阻闕三巴淪溺公指命偏帥授以良圖陵波憑湍致屆井絡
僭豎伏鑿梁岷草偃此又公之功也馬休魯宗阻兵內侮驅率二

方連旗稱亂公投袂星言研其上略江津之師勢踰風電回旆沔
川寔繁震懾二叛奔迸荆雍來蘇此又公之功也永嘉不競四夷
擅華五都傾蕩山陵幽辱宋祖懷沒世之憤遺吐有匪風之思公
遠齊阿衡納隍之仁近同小白滅亡之恥鞠旅陳師赫然大號分
命羣帥北徇司寇許鄭風靡鞏洛載清百年榛穢一朝掃滌此又
公之功也公有康宇內之勲重之以明德爰初發跡則奇謀冠古
電擊雷祆則鋒無前對聿寧東畿大造黔首若乃草昧經綸化融
於歲計扶危靜亂道固於包桑蠲削煩苛較若畫一淳風美化盈
塞區寓是以絕域獻琛遐夷納賚王略所亘九服率從雖文命之
東漸西被咎繇之邁于種德何以尚茲朕聞先生之宰世也庸勲
尊賢建侯胙土褒以寵章崇其徽物所以協輔皇室永隆藩屏故
曲阜光啟遂荒徐宅營丘表海四履有聞其在襄王亦賴匡霸又

命晉文備物光賜惟公道冠前烈勳高振古而殊典未飾朕甚惜焉今進授相國以徐州之彭城沛蕭陵下邳淮揚山陽廣陵兗州之高平魯泰山十郡封公爲宋公錫茲玄土苴以白茅爰定爾居用建冢社昔晉鄭啟藩入作卿士周召保傅出總二南內外之任公實兼之今命使持節兼太尉尚書左僕射晉寧縣五等男湛授相國印綬宋公璽紱使持節兼司空散騎常侍尚書陽遂鄉侯泰授宋公茅土金虎符第一至第五左竹使符第一至第十左相國位無不總禮絕朝班居常之名宜與事革其以相國總百揆去錄尚書之號上送所假節侍中貂蟬中外都督太傅太尉印綬豫章公印策進揚州刺史爲牧領征西將軍司豫北徐雍四州刺史如故公紀綱禮度萬國是式乘介路方罔有遷志是用錫公大路戎路各一玄牡二駟公抑末敦本務農重積采繁寔殷稼穡惟阜是用錫公袞冕之服赤舄副焉公閑邪納正移風改俗陶鈞品物如樂之和是用錫公軒縣之樂八佾之舞公宣美王化導揚休風華夷企踵遠人胥萃是用錫公朱戶以居公官方任能網羅幽滯九臯辭野髦士盈朝是用錫公納陛以登公當軸處中率下以義式遏寇讎滌除苛慝是用錫公虎賁之士三百人公明罰恤刑庶獄詳允放命于紀罔有攸縱是用錫公鈇鉞各一公龍驤鳳矯咫尺八紘括囊四海折衝無外是用錫公彤弓一彤矢百旅弓十旅矢千公溫恭孝思致虔禮祀忠肅之志儀刑四方是用錫公鉅鬯一卣圭瓚副焉宋國置丞相以下一遵舊儀欽哉其祇服徃命茂對天休簡恤庶邦敬敷顯德以終我高祖之嘉命置宋國侍中黃門侍郎尚書左丞相大使奉迎抱罕虜乞伏熾盤遣使謁帝求効力討姚泓拜爲平西將軍河南公十三年正月帝以舟師進討留彭

淮陽當作

宋作左丞相
隨大使奉迎
俱可疑

城公義隆鎮彭城軍次陳留城經張良廟下令以時修飾棟宇致
薦焉晉帝追贈帝祖為太常父為特進左光祿大夫讓不受二月
寇軍將軍檀道濟等軍次潼關三月庚辰帝率大軍入河五月帝
至洛陽謁晉五陵七月至陝龍驤將軍王鎮惡舟師自河浮渭八
月扶風太守沈田子大破姚泓軍於藍田王鎮惡尅長安禽姚泓
始義熙九年歲鎮熒惑太白聚東井至是而關中平九月帝至長
安長安豐稔帑藏盈積帝先收其彝器渾儀土圭記里鼓指南車
及秦始皇玉璽送之都其餘珍寶珠玉悉以班賜將帥遷姚宗于
江南送泓斬于建康市謁漢長陵大會文武於未央殿十月晉帝
詔進宋公爵為王加十郡益宋國並前為二十郡其相國揚州牧
領征西將軍司豫北徐雍四州刺史如故帝欲息駕長安經略趙
魏十一月前將軍劉穆之卒乃歸十二月庚子發自長安以桂陽

公義真為雍州刺史鎮長安留腹心將佐以輔之十四年正月
戊帝至彭城解嚴息甲以輔國將軍劉遵考為并州刺史領河東
太守鎮蒲坂帝解司州領徐冀二州刺史固讓進爵時漢中成固
縣漢水崖際有異聲如雷俄頃岸崩有銅鐘十二出自潛壤鞏縣
人宗曜於其田所獲嘉禾九穗同莖帝以獻晉帝以歸于我帝冲
讓乃止六月丁亥受相國宋公九錫之命下令赦國內殊死以下
詔崇豫章太夫人為宋公太妃世子為中軍將軍副貳相國府百
官悉依天朝之制又詔宋國所封十郡之外悉得除用先是安西
中兵參軍沈田子殺安西司馬王鎮惡諸將殺安西長史王修關
中亂十月帝遣右將軍朱齡石代安西將軍桂陽公義真為雍州
刺史義真還為赫連勃勃所追大敗僅以身免諸將帥及齡石並
沒十二月晉安帝崩大司馬琅邪王即帝位元熙元年正月晉帝

受禪

詔徵帝入輔又申前令進公爵為王以徐州之海陵北東海北譙北梁豫州之新蔡竟州之北陳留司州之陳郡汝南潁川滎陽十郡增宋國七月乃受命赦國內五歲刑以下遷都壽陽九月解揚州十二月晉帝命帝冕十有二旒建天子旌旗出警入蹕乘金根車駕六馬備五時副車置旄頭雲罕樂舞八佾設鍾虡宮縣進王大妃為太后王妃為王后世子為太子王子王孫爵命之號一如舊儀二年正月帝表讓殊禮竟陵郡江濱自開出古銅禮器十餘枚帝獻之晉帝讓不受於是歸諸瑞物藏於相府四月詔遣敦勸兼徵帝入輔六月壬戌帝至都甲寅晉帝禪位於宋有司草詔既成請書之天子即便操筆謂左右曰桓玄之時天命已改重為劉公所延將二十載今日之事本所甘心甲子遣使奉策曰咨爾宋王夫玄古權與悠哉邈矣其詳靡得而聞爰自書契降逮三五莫

不以上聖君四海止戈定大業然則帝王者宰物之通器君道者天下之至公也昔在上葉深鑒茲道是以天祿既終唐虞弗得傳其嗣符命來格舜禹不獲全其謙所以經緯三才澄序彙化作範振古垂風萬葉莫尚於茲自是厥後歷代彌劭漢既嗣德於放勛魏亦方軌於重華諒以協謀乎人鬼而以百姓為心者也昔我祖宗欽明辰居其極而明晦代序盈虧有期剪商兆禍非惟一世曾是弗尅矧伊在今天之所廢有自來矣惟王體上聖之姿包二儀之德明齊日月道合四時乃者社稷傾覆王拯而存之中原蕪梗又濟而復之自負固不賓干紀放命肆逆滔天竊據萬里靡不潤之以風雨震之以雷霆九伐之道既敷八法之化自理豈伊博施於人濟斯黔庶固已義洽四海道盛八荒者矣至於上天垂象四靈効徵圖讖之文既明人神之望已改百工歌於朝庶人頌乎野

億兆抃踴傾佇惟新自非百姓樂推天命攸集豈伊在予所得獨專是用仰祇皇靈俯順羣議敬禪神器授帝位于爾躬大祚其躬天祿永終於戲王其允執其中敬遵典訓副率土之嘉願恢洪業於無窮時膺休祐以答三靈之眷望又遣使持節兼太保散騎常侍光祿大夫謝澹兼太尉尚書劉宣範奉璽書歸皇帝璽綬受終之禮一如唐虞漢魏故事帝奉表陳讓晉帝已遜於琅邪王第表不獲通於是陳留王虔嗣等二百七十人及宋臺羣臣並上表勸進猶不許太史令駱達陳天文符應曰案晉義熙元年至元熙元年太白晝見經天凡七占曰太白經天人更主異姓興義熙七年五虹見于東方占曰五虹見天子黜聖人出九年鎮星歲星太白熒惑聚于東井十三年鎮星入太微占曰鎮星守太微有立王有徙王元熙元年冬黑龍四登于天易傳曰冬龍見天子亡社稷大

人受命與州道人釋法稱告其弟子曰嵩神言江東有劉將軍漢家苗裔當受天命吾以璧三十二鎮金一餅與之劉氏卜世之數也漢建武至建安末一百九十六年而禪魏魏自黃初至咸熙末四十六年而禪晉晉自太始至今百五十六年三代揖讓咸窮于六又漢光武社于南陽漢末而其樹死劉備有蜀迺應之而興及晉季年舊根始萌至是而盛矣若此者有數十條羣臣又固請乃從之

永初元年夏六月丁卯皇帝卽位於南郊設壇柴燎告天曰皇帝臣裕敢用玄牡昭告於皇皇后帝晉以下世告終歷數有歸欽若景運以命于裕夫樹君宰世天下爲公德充帝王樂推攸集越叔唐虞降暨漢魏靡不以爲上哲格文祖元勳陟帝位故能大拯黔首垂訓無窮晉自東遷四維不振宰輔焉依爲日已久難棘隆安

禍成元興遂至帝主遷播宗祀堙滅裕雖地非齊晉衆無一旅仰
憤時難俯悼橫流投袂一起則皇祀尅復及危而能持顛而能扶
姦宄具殲僭偽亦滅誠興廢有期否終有數至於大造晉室撥亂
濟時因藉時來寔尸其重加以殊俗慕義重譯來庭正朔所暨咸
服聲教至乃三靈垂象山川告祥人神協祉歲月滋著是以羣公
卿士億兆夷人僉曰皇靈降鑒于上晉朝欵誠于下天命不可以
久淹宸極不可以暫曠遂逼羣議恭茲大禮猥以寡德託于兆人
之上雖仰畏天威略是小節顧探永懷祇懼若實敬簡元日升壇
受禪告類上帝用酬萬國之情克隆天保永祚于有宋惟明靈是
饗禮畢備法駕幸建康宮臨太極前殿大赦改元賜人爵一級鰥
寡孤獨不能自存者人穀五斛逋租宿責勿收其犯鄉論清議賊
汗淫盜一皆蕩滌長徒之身特皆原遣亡官失爵禁錮奪勞一依

舊準封晉帝為零陵王全食一郡載天子旌旗乘五時副車行晉
正朔郊祀天地禮樂制度皆用晉典上書不為表笞表不稱詔宮
于故秣陵追尊皇考為孝穆皇帝妣為穆皇后尊王太后為皇太
后詔曰夫微禹之感歎深後昆愛人懷樹猶或勿剪雖在異代義
無廢絕降殺之儀一依前典可降始興公為縣公廬陵公為柴桑
縣公始安公為荔浦縣侯長沙公為醴陵縣侯康樂公即降為縣
侯奉王導謝安溫嶠陶侃謝玄之祀其宣力義熙者一仍本秩庚
午以司空道憐為太尉封長沙王位南海公義慶為臨川王又詔
論戰亡追贈及酬賞除復之科乙亥封王子桂陽公義真為廬陵
王彭城公義隆為宜都王義康為彭城王丁丑使使巡行四方旌
賢舉善問人疾苦獄訟虧濫政刑乖愆傷化優俗未允人聽者皆
具以聞戊寅詔增百官奉巳卯改晉泰始歷為永初歷社以子臘

復租布詔先言彭
城沛郡下邳三郡其
下分言之彭城本郡
故以豐沛復後此漢
紀所謂世世無有所
與而沛郡下邳則
限以三十年南史刪

彭沛數語既失其
又去復後之制四事
可復為各復似彭城
與沛下邳俱復三年
其當從宋書改四王

裁宋陵王
前代禪位之君無
遺裁若劉裕始行
大造宜直書以正其
惡何必作此隱語

以辰秋七月丁亥原放劫賊餘口没在臺府者諸流徙之家並聽
還本又以市稅繁苦優量減降從征關洛殞身不反者贍賜其家
已丑陳留王曹虔嗣薨辛卯復置五校三將官增殿中將軍員二
十人餘在員外戊戌征西大將軍開府儀同三司楊盛進號車騎
大將軍甲辰鎮西將軍李歆進號征西大將軍平西將軍乞伏熾
盤進號安西大將軍征東將軍高句麗王高璉進號征東大將軍
鎮東將軍百濟王扶餘映進號鎮東大將軍置東宮冗從僕射旅
賁中郎將官戊申遷神主於太廟車駕親奉壬子詔改權制率從
寬簡八月辛酉詔舊郡縣以北為名者悉除之寓立於南者聽以
南為號戊辰詔曰彭城桑梓敦本斯隆宜同豐沛其沛郡下邳各
復租布三十年辛未追謚妃臧氏為敬皇后陵曰永寧癸酉立王
太子義符為皇太子乙亥赦見罪人閏月壬午晉帝諸陵守衛

其名賢先哲詳加灑掃丁酉林邑國遣使朝貢九月壬子置東宮
殿中將軍十人員外二十人壬申置都官尚書是歲魏明元皇帝
太常五年西涼亡北史帝紀不呼南朝諸帝為皇帝亦不紀其改元獨詳於此者史臣之意蓋欲以中原
為正統也
二年春正月辛酉祀南郊大赦丙寅斷金銀塗以揚州刺史盧陵
王義真為司徒以尚書僕射徐羨之為尚書令揚州刺史已卯禁
喪事用銅釘罷會稽郡府二月己丑策試州郡秀孝于延賢堂倭
國遣使朝貢三月乙丑初限荆州府置將不得過二千人吏不得
過一萬人州置將不得過五百人吏不得過五千人兵士不在此
限夏四月己卯初禁淫祀除諸房廟其先賢以勲德立祠者不在
此例戊辰聽訟於華林園五月乙酉置東宮屯騎步兵翊軍三校
尉官秋七月己巳地震九月己丑零陵王劼宋志也車駕率百僚
臨于朝堂三日如魏明帝服山陽公故事使兼太尉持節護喪事

承聖元年十
月晉所
用王肅
禪二十
六年
從鄭氏
七居後
除服此
制之大
不當刪
王

葬以晉禮冬十月己亥以涼州胡帥大且渠蒙遜爲鎮軍大將軍
開府儀同三司涼州刺史十一月辛亥葬晉恭皇帝于沖平陵車
駕率百官瞻送

三年春正月甲辰朔詔刑罪無輕重悉原之癸丑以尚書令揚州
刺史徐羨之爲司空錄尚書事刺史如故進江州刺史王弘衛將
軍開府儀同三司以太子詹事傅亮爲尚書僕射二月丙戌有星
孛于虛危三月上不豫太尉長沙王道憐司空徐羨之尚書僕射
傅亮領軍將軍謝晦護軍將軍檀道濟並入侍醫藥羣臣請祈禱
神祇上不許惟使侍中謝方明以疾告廟而已丁未以廬陵王義
真爲侍中車騎將軍開府儀同三司南豫州刺史己未上疾瘳大
赦夏四月乙亥封仇池公楊盛爲武都郡王五月上疾甚召太子
戒之曰檀道濟雖有幹略而無遠志非如兄詔有難御之氣徐羨

之傅亮當無異圖謝晦常從征伐頗識機變若有異同必此人也
小却可以會稽江州處之又爲手詔朝廷不須復有別府宰相帶
揚州可置甲士千人若大臣中任要宜有爪牙以備不祥人者可
以臺見留隊給之有征討悉配以臺見軍隊行還復舊後世若有
幼主朝事一委任宰相母后不煩臨朝仗旣不許入臺殿門要重
人可詳給班劔癸亥上崩于西殿時年六十七月己酉葬丹陽建
康縣蔣山初寧陵羣臣上謚曰武皇帝廟號高祖上清簡寡欲嚴
整有法度未嘗視珠玉輿馬之飾後庭無統綺絲竹之音初朝廷
未備音樂長史殷仲文以爲言帝曰日不暇給且所不解仲文曰
屢聽自然解之帝曰政以解則好之故不習耳寧州嘗獻虎魄枕
光色甚麗價盈百金時將北伐以虎魄療金創上大悅命碎分賜
諸將平關中得姚興從女有盛寵以之廢事謝晦諫卽時遣出財

帛皆在外府內無私藏宋臺建有司奏東西堂施局脚牀金塗釘
上不許使用直脚牀釘用鐵廣州嘗獻入筒細布一端八丈帝惡
其精麗勞人卽付有司彈太守以布還之并制嶺南禁作此布帝
素有熱病并患金創末年尤劇坐臥常須冷物後有人獻石牀寢
之極以爲佳乃歎曰木牀且費而況石耶卽令毀之制諸王出適
遣送不過二十萬無錦繡金玉內外奉禁莫不節儉性尤簡易嘗
著連齒木屐好出神武門內逍遙左右從者不過十餘人時徐羨
之任西州嘗思羨之便步出西掖門羽儀絡繹追隨已出西明門
矣諸子旦問起居入閣脫公服止著裙帽如家人之禮焉徵時躬
耕于丹徒及受命耨耜之具頗有存者皆命藏之以留於後及文
帝幸舊宮見而問焉左右以實對文帝色慙有近侍進曰大舜躬
耕歷山伯禹親事土木陛下不覩列聖之遺物何以知稼穡之艱
難何以知先帝之至德乎及孝武大明中壞上所居陰室於其處
起玉燭殿與羣臣觀之牀頭有土障壁上挂葛燈籠麻繩拂侍中
表顛盛稱上儉素之德孝武不答獨曰田舍公得此以爲過矣故
能光有天下克成大業盛矣哉

少帝諱義符小字車兵武帝長子也母曰張夫人晉義熙二年生
帝於京口時武帝年踰不惑尚未有男及帝生甚悅年十歲拜豫
章公世子帝膂力絕人善騎射解音律宋臺建拜宋世子元熙元
年進爲宋太子武帝受禪立爲皇太子永初三年五月癸亥武帝
崩是日太子卽皇帝位大赦制服三年尊皇太后曰太皇太后六
月壬申以尚書僕射傅亮爲中書監尚書令司空徐羨之領軍將
軍謝晦及亮輔政戊子太尉長沙王道憐薨秋九月丁未有司奏
武皇帝配南郊武敬皇后配北郊冬十一月戊午有星孛於營室

十二月庚戌魏軍尅滑臺

景平元年春正月己亥朔大赦改元文武賜位二等辛丑祀南郊
魏軍攻金墉城癸卯河南郡失守乙卯有星孛於東壁二月丁丑
太皇太后崩鎮軍大將軍大且渠蒙遜河南鮮卑吐谷渾阿豺並
遣使朝貢庚辰進蒙遜驃騎大將軍封河西王以阿豺為安西將
軍沙州刺史封澆河公三月壬寅孝懿皇后祔葬於興寧陵是月
高麗國遣使朝貢夏閏四月己未魏軍尅虎牢秋七月癸酉尊所
生張夫人為皇太后丁丑赦五歲刑以下冬十月己未有星孛於
氏是歲魏明元皇帝崩

書節傳之也此
史帝紀南帝止
言也

二年春二月己卯朔日有蝕之廢南豫州刺史廬陵王義真為庶
人徙新安郡乙巳大風天有雲五色占者以為有兵執政使使者
誅皇弟義真于新安高麗國遣使朝貢時帝居處所為多乖戾夏

徐羨之傳亮廢少
帝

纂

五月己酉皇太后令暴帝過惡廢為營陽王一依漢昌邑晉海西
故事奉迎鎮西將軍宜都王義隆入篡皇統始徐羨之傅亮將廢
帝諷王弘檀道濟求赴國計弘等來朝使中書舍人邢安泰潘盛
為內應是旦道濟謝晦領兵居前羨之等隨後因東掖門開入自
雲龍門盛等先戒宿衛莫有禦者時帝於華林園為列肆親自酤
賣又開瀆聚土以象破岡埭與左右引船唱呼以為歡樂夕遊天
泉池即龍舟而寢其朝未與兵士進殺二侍者於帝側傷帝指扶
出東閣就收璽綬羣臣拜辭送于東宮遂幽于吳郡是日赦死罪
以太后令奉還璽綬檀道濟入守朝堂六月癸丑徐羨之等使中
書舍人邢安泰弒帝於金昌亭帝有勇力不即受制突走出昌門
追以門關踏之致殞時年十九

論曰晉自社稷南遷王綱弛紊朝權國命遞歸台輔君道雖存主

及古制

三

纂當作

計當作計

校本以下
下字句絕

宋武帝功業謂其
遠過司馬懿則然
若云曹操亦不如
恐未為平允

威火謝桓温雄才蓋世勲高一時移鼎之業已成天人之望將改
自斯以後帝道彌昏道子開其禍端元顯成其釁宋桓玄乘時藉
運加以先資革命受終人無異望宋武地非齊晉眾無一旅曾不
浹旬夷凶剪暴誅内清外功格上下若夫樂推所歸謳歌所集校
之魏晉可謂收其實矣然武皇將涉知命弱嗣方育顧有慈顏前
無嚴訓少帝體易染之質稟可下之姿外物莫犯其心所欲必從
其志嶮縱非學而能危亡不期而集其至顛沛非不幸也悲哉

論皆直用宋書元文宋書少帝獨無論蓋傳寫脫落此論之後半段當即宋書少帝紀論也

南史卷一 宋本紀上第一 終

魏川屯鳳
氏書

南史卷二

魏川屯鳳
氏書

宋本紀中第二

文帝

孝武帝

前廢帝

太祖文皇帝諱義隆小字車兒武帝第三子也晉義熙三年生於
京口十一年封彭城縣公永初元年封宜都郡王位鎮西將軍荆
州刺史加都督時年十四長七尺五寸博涉經史善隸書是歲來
朝會武帝當聽訟仍遣上訊建康獄囚辯斷稱旨武帝甚悅景平
初有黑龍見西方五色雲隨之二年江陵城上有紫雲望氣者皆
以為帝王之符當在西方其年少帝廢百官議所立徐羨之傅亮
等以禎符所集備法駕奉迎入奉皇統行臺至江陵尚書令傅亮

江左之說以元嘉為稱
晉所下之詔雖極平
然有恤民之心南史
則又帝在位卅年者
立年武湖與景陽山二
後而遷葬之日復重人
怨致宋書無此四字不
知何以增此

奉表進璽絃州府佐吏並稱臣請題榜諸門一依宮省上皆不許
教州府國紀綱宥所統內見刑是司空徐美之等新有弑害及鑿
駕西迎人懷疑懼惟長史王曇首司馬王華南蠻校尉到彥之共
期朝臣未有異志帝曰諸公受遺不容皆貳且勞臣舊將內外充
滿今兵力又足以制物夫何所疑甲戌乃發江陵命王華知州府
留鎮陝西令到彥之監襄陽車駕在道有黑龍躍負上所乘舟左
右莫不失色上謂王曇首曰此乃夏禹所以受天命我何德以堪
之及至都羣臣迎拜於新亭先謁初寧陵還次中堂百官奉璽絃
沖讓未受勸請數四乃從之

元嘉元年秋八月丁酉皇帝卽位于中堂備法駕入宮御太極前
殿大赦改元文武賜位二等戊戌拜太廟詔追復廬陵王先封奉
迎靈柩辛丑謁臨川烈武王陵癸卯進司空徐美之位司徒江州

刺史王弘位司空尚書令傅亮左光祿大夫開府儀同三司甲申
追尊所生胡婕妤爲章皇太后封皇弟義恭爲江夏王義宣爲竟
陵王義季爲衡陽王己酉滅荆湘二州今年稅布之半九月丙子
立妃表氏爲皇后是歲魏太武皇帝始光元年

二年春正月丙寅司徒徐美之尚書令傅亮奉表歸政上始親覽
萬機辛未祀南郊大赦秋八月乙酉驃騎將軍南徐州刺史彭城
王義康以本號開府儀同三司改授司空王弘車騎大將軍開府
儀同三司冬十一月庚午以武都世子楊玄爲北秦州刺史襲封
武都王是歲赫連屈丐死

三年春正月丙寅司徒徐美之尚書令傅亮有罪伏誅遣中領軍
到彥之征北將軍檀道濟討荊州刺史謝晦上親率六師西征大
赦丁卯以江州刺史王弘爲司徒錄尚書事二月戊午以金紫光

屈丐者魏明元所敗何
得南史用之宜仍名款

期作明

追尊一曰
宋作爲皇
太后謚曰
章后

改授宋作
新除

祿大夫王敬弘爲尚書左僕射豫章太守鄭鮮之爲右僕射戊辰到彥之檀道濟大破謝晦於隱磯丙子車駕自蕪湖反旆巳卯禽晦於延頭送都伏誅夏五月乙未以征北將軍南兗州刺史檀道濟爲征南大將軍開府儀同三司江州刺史乙巳驃騎大將軍涼州牧大且渠蒙遜改爲車騎大將軍詔大使巡行四方觀省風俗丙午臨延賢堂聽訟自是每歲三訊秋旱且蝗冬十二月前吳郡太守徐佩之謀反伏誅

四年春正月乙亥朔曲赦建鄴百里內辛巳祀南郊二月乙卯行幸丹徒謁京陵三月丙子宴丹徒宮帝郡父老歲與焉蠲丹徒今年租布原五歲刑以下丁亥車駕還宮戊子尚書右僕射鄭鮮之卒壬寅採富陽之諸葛圍議禁斷夏至日五絲命縷之屬夏五月都下疾疫遣使存問給醫藥死無家屬者賜以棺器六月癸卯朔

日有蝕之

五年春正月乙亥詔以陰陽愆序求讜言甲申臨玄武館閱武戊子都下大火遣使巡慰振恤夏六月庚戌司徒王弘降爲衛將軍開府儀同三司都下大水乙卯遣使檢行振贍十二月天竺國遣使朝貢是歲魏神麇元年大武皇帝伐赫連昌滅之乞伏熾盤死

六年春正月辛巳祀南郊癸丑以荊州刺史彭城王義康爲司徒錄尚書事三月丁巳立皇子劭爲皇太子戊午大赦賜文武位一等夏四月癸亥以尚書左僕射王敬弘爲尚書令丹楊尹臨川王義慶爲尚書左僕射吏部尚書江夷爲右僕射五月壬辰朔日有蝕之秋七月百濟國遣使朝貢冬十一月巳丑朔日有蝕之星晝見十二月西河河南國並遣使朝貢

七年春二月壬戌雪且雷三月戊子遣左將軍到彥之侵魏夏六

河南復亡
河南取而復失何以
不書其取也書魏紀
武紀內備矣

弘與道濟尚生存
已定廟祀

從祀之路後道濟
諡想又去也

新除二字行當作中
書監錄尚書事王
弘薨王

月己卯封氏楊難當為武都王冬十月戊午立錢署鑄四銖錢戊寅魏尅金墉城十一月癸未又尅武牢壬辰遣征南大將軍檀道濟拒魏右將軍到彥之自滑臺奔退十二月都下火延燒于太社北墻是歲馮跋死倭百濟呵羅單林邑呵羅他師子等國並遣使朝貢吳興晉陵義興大水遣使巡行振恤

八年春二月辛酉魏尅滑臺癸酉檀道濟引軍還自是河南復亡三月大雩夏六月乙丑大赦旱故又大雩閏六月乙巳遣使省行獄訟簡息徭役

九年春二月辛卯詔曰故太傅長沙景王故大司馬臨川烈武王故司徒南康文宣公穆之衛將軍華容公弘征南大將軍永修公道濟故左將軍陽侯鎮惡或履道廣深執德冲邈或雅量高劭風鑒明遠或識準弘正才略開邁咸文德以弘帝載武功以隆景

業而太常未銘從祀闕亭寤寐屬慮永言興懷便宜配祭廟庭勒功天府三月庚戌進衛將軍王弘為太保丁巳加江州刺史檀道濟為司空夏五月壬申新除太保王弘薨六月癸未置積射強弩將軍官乙未以征西將軍沙州刺史吐谷渾慕瓚為征西大將軍西秦河二州刺史隴西王壬寅以撫軍將軍江夏王義恭為征北將軍開府儀同三司南兗州刺史秋七月庚午以領軍將軍殷景仁為尚書僕射冬十二月庚寅立皇子紹為廬陵王奉孝獻王祀江夏王義恭子朗為南豐王奉營陽王祀是歲魏延和元年十年春正月甲寅改封竟陵王義宣為南譙王己未大赦夏林邑闍婆娑州訶羅單國並遣使朝貢秋七月戊戌曲赦益梁秦三州冬十一月氏楊難當據有梁州是月且渠蒙遜死十一年夏四月梁秦二州刺史蕭思話破氏梁州平五月丁卯曲

宋書太保
有弘中書監

中書監
贊

宋無
字

赦梁南秦二州劔閣以北戊寅以大且渠茂虔為征西大將軍梁州刺史封西河王是歲林邑扶南訶羅單國並遣使朝貢

茂虔北史作牧捷

十二年春正月辛酉大赦辛未祀南郊癸酉封馬弘為燕王夏四月丙辰詔內外舉士都下地震六月禁酒師子國遣使朝貢丹陽淮南吳興義興大水都下乘船已酉以徐豫南兗三州會稽宣城二郡米穀百萬斛賜五郡遭水人秋七月辛酉閣婆娑達扶南國並遣使朝貢八月乙亥原除遭水郡諸逋負九月蜀賊張尋為寇是歲魏太延元年

閣婆娑

十三年春正月癸丑朔上有疾不朝會三月己未誅司空江州刺史檀道濟庚申大赦夏六月高麗武都等國並遣使朝貢秋七月己未零陵王太妃殂追崇為晉皇后葬以晉禮九月癸丑立皇子濬為始興王駿為武陵王是歲馮弘奔高麗

十四年春正月辛卯祀南郊大赦戊戌鳳凰二見於都下衆鳥隨之改其地曰鳳凰里夏四月蜀賊張尋趙廣降遷之建鄴冬十二月辛酉初停賀雪河南西河訶羅單國並遣使朝貢

十五年春正月以平東將軍吐谷渾慕延為鎮西將軍秦河二州刺史封隴西王秋七月辛未地震新作東宮是歲武都河南高麗倭扶南林邑等國並遣使朝貢立儒學館於北郊命雷次宗居之

倭北史作

十六年春正月戊寅閱武於北郊庚寅進彭城王義康為大將軍領司徒以開府儀同三司江夏王義恭為司空夏六月己酉改封隴西王吐谷渾慕延為河南王秋八月庚子立皇子鐸為南平王九月魏滅且渠茂虔冬十二月乙亥皇太子冠大赦是歲武都河南林邑高麗等國並遣使朝貢上好儒雅又命丹楊尹何尚之立玄素學著作佐郎何承天立史學司徒參軍謝元立文學各聚門

徒多就業者江左風俗於斯為美後言政化稱元嘉焉

十七年夏四月戊午朔日有蝕之秋七月壬子皇后袁氏崩八月

徐竟青冀四州大水遣使振恤九月壬子葬袁皇后于長寧陵冬

十月戊午前丹楊尹劉湛有罪伏誅大赦文武賜爵一級以大將

軍領司徒錄尚書事彭城王義康為江州刺史大將軍如故甲戌

以司空江夏王義恭為司徒錄尚書事十一月尚書僕射揚州刺

史殷景仁卒十二月癸亥以光祿大夫王球為尚書僕射戊辰武

都河南百濟等國並遣使朝貢是歲魏太平真君元年

十八年春三月庚子雨雹戊申置尚書刪定郎官夏五月壬午衛

將軍南兗州刺史臨川王義慶征北將軍南徐州刺史南譙王義

宣並開府儀同三司甲申河水汎溢害居人六月戊辰遣使巡行

賑贍冬十一月戊子尚書僕射王球卒已亥以丹楊尹孟顛為尚

書僕射氏楊難當寇漢川十二月晉寧太守爨松子舉兵反寧州

刺史徐循討平之是歲河南肅特高麗蘇摩黎林邑等國並遣使

朝貢

十九年夏四月甲戌上以久疾愈始奉初祠大赦五月庚寅梁秦

二州刺史劉真道龍驤將軍裴方明破楊難當仇池平閏月都下

水遣使巡行賑恤六月以大且渠無諱為征西大將軍涼州刺史

封西河王秋七月甲戌晦日有蝕之九月丙辰有客星在北斗因

為彗入文昌貫五車埽畢拂天節經天苑季冬乃滅冬十二月丙

申詔奉聖之胤速議承襲及令修廟四時饗祀并命蠲近墓五家

供酒掃栽松栢六百株是歲蠕蠕河南扶南婆皇國並遣使朝貢

西涼武昭王孫李寶始歸於魏

二十年春正月辛亥祀南郊二月甲申閱武於白下魏軍寇仇池

袁太后崩於長寧陵冬十月

摩世作靡

皇宋作黃

十九年詔立國學不取於後拜書國子學殊失矣

唐之祖

夏四月甲午立皇子誕為廣陵王秋七月癸丑以楊文德為征西將軍北秦州刺史封武都王冬十月雷十二月壬午置藉田是歲河西高麗百濟倭國並遣使朝貢自去歲至是諸州郡水旱傷稼人大饑遣使開倉賑恤

二十一年春正月己亥南徐南兗南豫州揚州之浙江西並禁酒辛酉親耕藉田大赦二月己丑司徒錄尚書事江夏王義恭進位太尉領司徒辛卯立皇子宏為建平王秋八月戊辰以荊州刺史衡陽王義季為征北大將軍開府儀同三司南兗州刺史九月甲辰以大且渠安周為征西將軍涼州刺史封河西王冬十月己亥命刺史郡守修東耕丙子雷且電

二十二年春正月辛卯朔改用御史中丞何承天元嘉新曆二月甲戌立皇子禕為東海王和為義陽王秋七月己未以尚書僕射

孟顓為左僕射中護軍何尚之為右僕射九月己未開酒禁癸酉宴于武張堂上將行敕諸子且勿食至會所賜饌日盱食不至有饑色上誡之曰汝曹少長豐佚不見百姓艱難今使爾識有饑苦知以節儉期物冬十二月乙未太子詹事范曄謀反及黨與皆伏誅丁酉免大將軍彭城王義康為庶人絕屬藉是冬浚淮起潮熟廢田千餘頃

二十三年夏四月丁未大赦六月癸未朔日有蝕之交州刺史檀和之伐林邑國尅之是歲大有年築北堤立玄武湖於樂遊苑北興景陽山于華林園役重人怨

二十四年春正月甲戌大赦賜文武位一等夏四月河濟俱清六月都下疫癘使巡省給醫藥以貨貴制大錢一當兩秋八月乙未徐州刺史衡陽王義季薨冬十一月甲寅立皇子渾為汝陰王是

二十三年幸國子
學業諸如此感
事不當刪王

二十四年大赦賜文
武爵三等除省繁
武職減通負賜
老羸疾人穀五斛
蠲建康林陵田租
之半止載道以
餘皆削之何如王

歲徐兗青冀四州大水

二十五年春閏二月巳酉大蒐於宣武塲三月庚辰校獵夏四月乙巳新作闔闔廣莫二門改先廣莫門曰承明開陽門曰津陽五月乙卯罷當兩大錢六月庚戌零陵王司馬元瑜薨丙寅加荊州刺史南譙王義宣位司空八月甲子立皇子彧為淮陽王九月辛未以尚書右僕射何尚之為左僕射冬青州城南遠望見地中如水有影謂之地鏡

二十六年春正月辛巳祀南郊二月巳亥幸丹徒謁京陵三月丁巳宴于丹徒宮大赦復丹徒縣僑舊今歲租布之半行所經過蠲田租之半癸亥使祭晉故司空忠肅公何無忌墓壬午至自丹徒丙戌皇國壬辰婆達國並遣使朝貢冬十月庚子改封廣陵王誕為隨郡王癸卯彗星見于太微甲辰以揚州刺史始興王濬為

征北將軍開府儀同三司徐兗二州刺史

二十七年春正月辛卯百濟國遣使朝貢二月魏軍攻縣瓠以軍興減百官奉祿三分之一三月乙丑淮南太守諸葛闡求減奉祿同內百官於是諸州郡縣丞尉並悉同減戊寅罷國子學秋七月庚午遣寧朔將軍王玄謨拒魏太尉江夏王義恭出次彭城總統諸軍冬十一月丁未大赦十二月庚午魏太武帝率大眾至瓜步聲欲度江都下震懼咸荷擔而立壬午內外戒嚴緣江六七百里舳艫相接始議北侵朝士多有不同至是帝登烽火樓極望不悅謂江湛曰北伐之計同議者少今日士庶勞怨不得無慙貽大夫之憂在予過矣甲申使饋百牢于魏

先遣王護侵魏故魏兵因此南侵何以遺而不書

二十八年春正月丁亥魏太武帝自瓜步退歸俘廣陵居人萬餘家以北徐豫青冀二兗六州殺略不可勝筭所過州郡赤地無餘

樓宇當在烽火之上

書罷學前無主

且雪成
作雪

二月甲戌降太尉領司徒江夏王義恭為驃騎將軍開府儀同三司壬午幸瓜步是日解嚴三月乙酉車駕還宮丙申拜初寧陵大旱夏四月癸酉婆達國遣使朝貢巳卯彗星見于昴是月都下疾疫使巡省給醫藥五月乙酉亡命司馬順則自號齊王據梁鄒城丁巳婆皇國戊戌河南國並遣使朝貢戊申以尚書左僕射何尚之為尚書令太子詹事徐湛之為左僕射護軍將軍壬子彗星見太微中對帝座秋七月甲辰進安東將軍倭王綏濟為安東大將軍八月癸酉梁鄒平斬司馬順則是秋猛獸入郭內為災冬十月癸亥高麗國遣使朝貢十一月壬寅曲赦二兗徐豫青冀六州徙彭城流人于瓜步淮西流人于姑熟合萬許家是歲魏正平元年二十九年春正月甲午詔經寇六州仍逢災澇可量加救贍二月乙卯雷

下火夏四月戊午訶羅國遣使朝貢秋七月壬辰改封汝陰王渾為武昌王淮陽王彧為湘東王丁酉省大司馬太子僕廷尉監官九月乙亥以平西將軍吐谷渾拾寅為安西將軍秦河二州刺史封河南王冬十一月壬寅揚州刺史廬陵王紹薨十二月戊辰黃霧四塞辛未以南兗州刺史江夏王義恭為大將軍南徐州刺史錄尚書如故是歲魏中常侍宗愛構逆太武皇帝崩乃奉南安王余為帝改元為承平後又賊余於是殿中尚書長孫渴廢尚書陸麗奉皇孫是為文成皇帝改元曰興元

三十年春正月乙亥朔會羣臣于太極前殿有青黑氣從東南來覆映宮上戊寅以司空荊州刺史南譙王義宣為司徒中軍將軍揚州刺史壬午以南徐州刺史始興王濬為衛將軍開府儀同三司荊州刺史戊子使江州刺史武陵王駿統眾軍伐西陽蠻二月

皇字衍

甲子元凶劬構逆帝崩于合殿時年四十七謚景皇帝廟號中宗
 三月癸巳葬長寧陵孝武帝踐祚追改謚曰文帝廟號太祖帝聰
 明仁學雅重文儒躬勤政事孜孜無怠加以在位日久惟簡靜為
 心于時政平訟理朝野悅睦自江左之政所未有也又性存儉約
 不好奢侈車府令嘗以輦筆故請改易之又輦席舊以鳥皮緣故
 欲代以紫皮上以竹竿未至於壞紫色貴並不聽晚其率素如此
 云

世祖孝武皇帝諱駿字休龍小字道人文帝第三子也元嘉七年

八月庚午夜生有光照室少機穎神明爽發讀書七行俱下才藻

甚美雄決愛武長于騎射十二年立為武陵王二十二年累遷雍

州刺史自晉江左以來襄陽未有皇子重鎮時文帝欲經略關河

故有此授及魏太武大舉至淮南時帝鎮彭城使尚書李孝伯

至帝遣長史張暢與語而帝改服觀之孝伯曰帝不輟及出謂人

曰張侯側有人風骨視瞻非常士也二十八年為都督江州刺史

時緣江蠻為寇文帝遣太子步兵校尉沈慶之等伐之使上總統

眾軍三十年正月出次西陽之五洲會元凶弒逆上率眾入討荆

州刺史南譙王義宣雍州刺史臧質並舉義兵三月乙未建牙于

軍門是時多不悉舊儀有一翁斑白自稱少從武帝征伐頗悉其

事因使指麾事畢忽失所在自冬至春常東北風連陰不霽其日

牙立之後風轉而西南景色開霽有紫雲二蔭于牙上四月辛酉

上次溧州丙寅次江寧丁卯大將軍江夏王義恭來奔奉表上尊

號戊辰上至新亭己巳即皇帝位大赦改文帝號謚以大將軍江

夏王義恭為太尉南徐州刺史庚午以荊州刺史南譙王義宣為

中書監丞相揚州刺史並錄尚書六條事以安東將軍隨王誕為

孝武帝入討劬

二山伏誅
二山當依宋書作
劬及始興王潛下
及字作諸王

衛將軍荊州刺史加雍州刺史臧質並車騎將軍開府儀同三司
以江州刺史撫軍將軍蕭思話為尚書左僕射壬申以征虜將軍
王僧達為右僕射改新亭為中興亭夏五月乙亥輔國將軍朱修
之尅東府丙申尅建鄴二凶及同逆並伏誅庚辰詔分遣大使巡
省方俗是日解嚴辛巳幸東府城甲申尊所生路淑媛為皇太后
乙酉立妃王氏為皇后壬辰以太尉江夏王義恭為太傅領大司
馬甲午謁初寧陵曲赦建鄴二百里內并蠲今年租稅戊戌以撫
軍將軍南平王鐸為司空建平王宏為尚書左僕射六月丙午車
駕還宮初置殿門及上閣門屯兵庚午以丹楊尹褚湛之為尚書
右僕射庚申詔有司論功班賞各有差辛酉安西將軍西秦河二
州刺史吐谷渾拾寅進號鎮西大將軍開府儀同三司辛未改封
南譙王義宣為南郡王隨王誕為竟陵王閏月丙子兼散騎常侍

宜書配殺南平王

樂詢等十五人巡行風俗庚申加太傅江夏王義恭錄尚書事以
荊州刺史竟陵王誕為侍中驃騎大將軍開府儀同三司揚州刺
史甲申蠲尋陽西陽郡租布三年是月置衛尉官秋七月辛丑朔
日有蝕之辛酉詔崇儉約禁淫侈己巳司空南平王鐸薨以侍中
南郡王世子恢為尚書右僕射冬十月癸未聽訟於闕武堂十一
月丙辰停臺省衆官朔望問訊丙寅高麗國遣使朝貢十二月甲
戌省都水使者官置水衡令官癸未以將置東宮省太子率更令
步兵翊軍校尉旅賁中郎將冗從僕射左右積弩將軍官中庶子
中舍人庶子舍人洗馬各減舊員之半

孝建元年春正月己亥朔祀南郊大赦改元壬戌更鑄四銖錢丙
寅立皇子子業為皇太子賜天下為父後者爵一級是月起正光
殿二月庚子豫州刺史魯爽車騎將軍江州刺史臧質丞相荊州

刺史南郡王義宣兗州刺史徐道寶舉兵反壬午曲赦豫州三月
癸亥內外戒嚴夏五月甲寅義宣等攻梁山左衛將軍王玄謨大
破之己未解嚴癸亥以吳興太守劉延孫為尚書右僕射六月戊
辰臧質走至武昌為人所斬傳首建鄴甲戌撫軍將軍柳元景進
號撫軍大將軍及鎮北大將軍沈慶之並開府儀同三司癸未罷
南蠻校尉官戊子省錄尚書官庚寅義宣於江陵賜死秋七月丙
申朔日有蝕之既丙辰大赦賜文武爵一級冬十月戊寅詔開建
仲尼廟制同諸侯之禮詳撰爽塏厚給祭秩十一月癸卯復置都
水使者官始課南徐州僑人租是歲魏興光元年

二年春二月己丑婆皇國遣使朝貢丙寅以南兗州刺史沈慶之
為左光祿大夫開府儀同三司夏四月壬申河南國遣使朝貢五
月乙未熒惑入南斗戊戌以湘州刺史劉遵考為尚書右僕射六

月甲子以國哀除釋大赦秋七月癸巳立皇弟休祐為山陽王休
茂為海陵王休業為鄱陽王己酉槃槃國遣使朝貢八月庚申雍
州刺史武昌王渾有罪廢為庶人自殺辛酉斤陀利國遣使朝貢
三吳饑詔所在賑貸九月丁亥閱武於宣武塲冬十月壬午以揚
州刺史竟陵王誕為司空南徐州刺史以尚書左僕射建平王宏
為尚書令十一月辛亥高麗國遣使朝貢是歲魏太安元年

三年春正月庚寅立皇弟休範為順陽郡王休若為巴陵郡王戊
戌立皇子子尚為西陽郡王辛巳祀南郊以驃騎將軍建昌忠公
到彥之衛將軍左光祿大夫新建文宣侯王華豫寧文侯王曇首
配饗文帝廟庭壬子皇太子納妃甲寅大赦羣臣上禮二月丁丑
制朔望臨西堂接羣下受奏事閏三月癸酉鄱陽王休業薨夏四
月甲子初禁人車及酒肆器用銅五月辛酉制荆徐兗豫雍青冀

七州統內家有馬一匹者蠲復一下秋九月壬戌以丹陽尹劉遵考為尚書左僕射冬十月丙午太傅江夏王義恭進位太宰領司徒

大明元年復親民職公田此不當二年復郡縣田秩并九親祿奉六年復百官祿而不載何年斷九親百官祿奉當田秩起即職田南史以其重此故刪其王

大明元年春正月乙亥朔大赦改元庚午都下雨水辛未遣使檢行賜以樵米三月壬戌制大臣加班劔者不得入宮城門夏四月都下疾疫丙申遣使巡賜給醫藥死而無收斂者官為斂埋五月吳興義興大水人饑乙卯遣使開倉賑恤癸酉聽訟于華林園自是非巡狩軍役則車駕歲三臨訊丙寅芳香琴堂東西有雙橋連理景陽樓上層西南梁栱間有紫氣清暑殿西薨鴟尾中央生嘉禾一株五莖改景陽樓為慶雲樓清暑殿為嘉禾殿芳香琴堂為連理堂乙亥以輔國將軍梁勰為河州刺史封宕昌王秋七月辛未土斷雍州諸僑郡縣九月建康秣陵二縣各置都官從事一

人司水火劫盜冬十月甲辰以百濟王餘慶為鎮東大將軍十二月丁亥改封順陽王休範為桂陽王

二年春正月辛亥祀南郊丙辰復郡縣田秩并九親祿奉壬戌拜初寧陵二月丙戌衛將軍尚書令建平王宏以本號開府儀同三司以丹陽尹褚湛之為尚書左僕射三月丁未尚書令建平王宏薨乙卯以田農要月命太官停殺牛夏四月甲申立皇子子綏為安陸王辛丑地震六月戊寅增置吏部尚書一人省五兵尚書官丁亥加左光祿大夫何尚之開府儀同三司秋八月丙戌中書令王僧達下獄死九月壬戌襄陽大水遣使巡行賑恤庚午置武衛將軍武騎常侍官冬十二月己亥制諸王及妃主庶姓位從公者喪事聽設凶門餘悉斷是歲河南高麗林邑等國並遣使朝貢三年春正月己丑以領軍將軍柳元景為尚書令二月乙卯以揚

州所統六郡爲王畿以東揚州爲揚州甲子復置廷尉監官夏四月乙卯司空南兗州刺史竟陵王誕有罪貶爵誕不受命據廣陵反以沈慶之爲車騎大將軍開府儀同三司南兗州刺史討誕秋八月乙巳尅廣陵城斬誕悉誅城內男下以女口爲軍賞是日解嚴辛未大赦丙子以丹陽尹劉秀之爲尚書右僕射丙戌加南兗州刺史沈慶之位司空九月壬辰於玄武湖北立上林苑甲午移南郊壇於牛頭山以正陽位冬十一月甲子立皇后蠶宮於西郊十二月辛酉置謁者僕射官是歲婆皇河西高麗肅慎等國各遣使朝貢西域獻舞馬

四年春正月辛未祀南郊甲戌宕昌國遣使朝貢乙亥親耕籍田大赦庚寅立皇子子勛爲晉安王子房爲尋陽王子項爲歷陽王子鸞爲襄陽王三月甲申皇后親桑於西郊夏四月丙午詔四時

供限詳減大半辛亥太宰江夏王義恭等表請封岱宗詔不從辛酉詔以都下疾疫遣使存問并給醫藥其亡者隨宜賑恤五月丙戌尚書左僕射褚湛之卒秋七月甲戌光祿大夫開府儀同三司何尚之薨八月雍州大水甲寅遣加賑恤九月丁亥改封襄陽王子鸞爲新安王冬十月庚寅遣新除司空沈慶之討緣江蠻十一月戊辰改細作署令爲左右御府令丙戌復置大司農官十二月辛丑幸廷尉寺宥繫囚魏遣使通和丁未幸建康縣原放獄囚倭國遣使朝貢是歲魏和平元年

五年春正月戊午朔華雪降散爲六出上悅以爲瑞二月癸巳閱武軍幢以下普加班錫多所原宥三月甲戌行幸江乘遣祭故太保王弘光祿大夫王曇首墓夏四月癸巳改封西陽王子尚爲豫章王丙申加尚書令柳元景左光祿大夫開府儀同三司丙午雍

宋書作義成太守
繼考按宋書本傳
繼考偽稱立義事
世故諱宋書惡
以南史為正

閏月太子妃何氏薨
不書

州刺史海陵王休茂殺司馬庾深之舉兵反參軍尹玄慶起義斬
之傳首建鄴五月起明堂於國學南丙巳之地癸亥制帝室恭親
官非祿官者月給錢十萬秋七月丁卯高麗國遣使朝貢庚午曲
赦雍州八月戊子立皇子子仁為永嘉王子真為始安王巳丑詔
以來歲修葺庠序旌延國胄庚寅制方鎮所假白板郡縣年限依
臺除食祿三分之一不給送故衛將軍東海王禕以本號開府儀
同三司九月甲寅日有蝕之丁卯行幸琅邪郡原遣囚繫庚午河
濟清閏月丙申初立馳道自閭闔門至于朱雀門又自承明門至
于玄武湖壬寅改封歷陽王子頊為臨海王冬十月甲寅以南徐
州刺史劉延孫為尚書左僕射十二月壬申以領軍將軍劉遵考
為尚書右僕射甲戌制天下人戶歲輸布四疋

六年春正月辛卯祀南郊是日又宗祀文皇帝於明堂以配上帝

大赦乙未置五官中郎將左右中郎將官二月乙卯復百官祿三
月庚寅立皇子子元為邵陵王壬寅以倭世子興為安東將軍倭
國王夏四月庚申新作大航門五月丙戌置凌室于覆舟山修藏
冰之禮六月辛酉尚書左僕射劉延孫卒秋七月甲申地震有聲
如雷兗州尤甚於是魯郡山搖者二乙未立皇子子雲為晉陵王
八月乙丑置清臺令官九月制沙門致敬人主乙未以尚書右僕
射劉遵考為左僕射以丹楊尹王僧朗為右僕射冬十月丁卯詔
上林苑內士庶丘墓欲還合葬者勿禁十一月巳卯陳留王曹虔
秀薨

七年春正月癸未詔尅日於玄武湖大閱水師并巡江右講武校
獵丁亥以右衛將軍顏師伯為尚書左僕射二月甲寅車駕巡南
豫南兗二州丁巳校獵烏江巳未登烏江縣六合山壬戌大赦行

元慶傳作
元慶宋作
薛書非

虔宋作虔

幸所經無出今年租布賜人爵一級女子百戶牛酒郡守邑宰及人夫從蒐者普加霑資又詔蠲歷陽郡租輸三年遣使巡慰問人疾苦癸亥行幸尉氏觀溫泉壬申車駕至都拜二廟乃還宮夏四月甲子詔自今非臨軍戰陣一不得專殺其罪人重辟者皆依舊先上須報有司嚴加聽察犯者以殺人罪論五月丙子詔自今刺史守宰動人興軍皆須守詔施行惟邊隅外警及姦釁內發變起倉卒者不從此例六月戊申蠕蠕高麗等國並遣使朝貢秋七月乙亥進高麗王高璉位車騎大將軍開府儀同三司八月乙丑立皇子子孟為淮南王子產為臨賀王車駕幸建康秣陵縣訊獄囚九月庚寅以南徐州刺史新安王子鸞為兼司徒乙未幸廷尉訊獄囚丙申立皇子子嗣為東平王冬十月壬寅皇太子冠賜王公以下帛各有差戊申車駕巡南豫州奉太后以行癸丑行幸江寧

守製作手

為字起行

縣訊獄囚加車騎將軍揚州刺史豫章王子尚開府儀同三司癸亥以開府儀同三司東海王禕為司空加中軍將軍義陽王和開府儀同三司己巳校獵于姑熟十一月丙子曲赦南豫州殊死以下巡幸所經詳減今歲田租乙酉詔祭晉大司馬桓溫征西將軍毛璩墓上於行所訊溧陽永世丹陽縣囚癸巳祀梁山閱水師於中江有白雀二集華蓋有司奏改元為神雀詔不許乙未原放行獄徒繫浙江東諸郡大旱十二月壬寅遣使開倉賑恤聽受雜物當租丙午行幸歷陽甲寅大赦賜歷陽郡女子百戶牛酒蠲郡租十年己未加太宰江夏王義恭尚書令於博望梁山立雙闕癸未至自歷陽

東作原放
東郡大獄
案書誤

八年春正月辛巳祀南郊是日還宗祀文帝于明堂甲戌詔曰東境去歲不稔宜廣商貨遠近販鬻米粟者可停道中雜稅以其仗

自防悉勿禁夏閏五月壬寅以太宰江夏王義恭領太尉庚申帝崩于玉燭殿時年三十五七月丙午葬于丹楊秣陵縣巖山景寧陵帝末年爲長夜之飲每日寢興盥漱畢仍復命飲俄頃數斗憑几昏睡若大醉者或外有奏事便肅然整容無復酒色外內服其神明莫敢弛惰

前廢帝諱子業小字法師孝武帝長子也元嘉二十六年正月甲申生孝武鎮尋陽帝留都下三十年孝武入伐元凶囚帝于侍中下省將加害者數矣卒得無恙及孝武踐祚立爲皇太子始未之東宮中庶子二率並入直永福省大明二年出東宮七年加元服八年閏五月庚午孝武崩其日太子卽皇帝位大赦加驃騎大將軍柳元景尚書令甲子置錄尚書官以太宰江夏王義恭錄尚書事加驃騎大將軍柳元景開府儀同三司秋七月庚戌婆皇國遣使朝貢崇皇太后爲太皇太后皇后曰皇太后乙卯罷南北二馳道改孝建以來所變制度還依元嘉丙辰追崇獻妃爲獻皇后八月乙丑皇太后崩九月乙卯文穆皇后祔葬景寧陵冬十二月乙酉以尚書右僕射顏師伯爲尚書僕射壬辰以王畿諸郡爲揚州以揚州爲東揚州癸巳加車騎將軍揚州刺史豫章王子尚位司徒去歲及是歲東諸郡大旱甚者米一斗數百都下亦至百餘餓死者十六七孝建以來又立錢署鑄錢百姓因此盜鑄錢轉僞小商貨不行

景和元年春正月乙未朔大赦改元曰永光乙巳省諸州臺傳二月乙丑減州郡縣田祿之半庚寅鑄二銖錢夏五月魏文成皇帝崩秋八月庚午以尚書僕射顏師伯爲左僕射吏部尚書王景文爲右僕射癸酉帝自率宿衛兵誅太宰江夏王義恭尚書令柳元

麟音查
說文卷四上鼻部
無此字

蕭道成畫殺宋
後武帝子孫僅延
一錢于此而也

劉暉和紀作劉暉

景左僕射顏師伯廷尉劉德願改元為景和甲戌以司徒揚州刺
史豫章王子尚領尚書令乙亥帝釋素服御錦衣以始興公沈慶
之為太尉庚辰以石頭城為長樂宮東府城為未央宮甲申以北
邸為建章宮南第為長楊宮己丑復立南北二馳道九月癸巳幸
湖熟奏鼓吹戊戌還宮帝自以為昔在東宮不為孝武所愛及即
位將掘景寧陵太史言於帝不利而止乃縱糞於陵肆罵孝武帝
為驢奴又遣發殷貴妃嬪墓忿其為孝武所寵初貴嬪薨武帝為
造新安寺乃遣壞之又欲誅諸遠近僧尼辛丑免南徐州刺史新
安王子鸞為庶人賜死丁未加衛將軍湘東王彧開府儀同三司
己酉車駕討徐州刺史義陽王昶中外戒嚴昶奔魏戊午解嚴開
百姓鑄錢冬十月癸亥曲赦徐州丁卯東陽太守王藻下獄死以
文帝第十女新蔡公主為貴嬪夫人改姓謝氏以武貴鉞戟鸞輅

龍旂出警入蹕矯言公主薨空設喪事焉乙酉以豫州刺史山陽
王休祐為鎮軍大將軍開府儀同三司十一月壬辰寧朔將軍何
邁下獄死癸巳殺新除太尉沈慶之壬寅立皇后路氏四廂奏樂
曲赦揚南徐二州丁未皇子生少府劉暉之子也大赦賊汚淫盜
悉皆原蕩賜為父後者爵一級壬子以護軍將軍建安王休仁為
驃騎大將軍開府儀同三司戊午南平王敬猷廬陵王敬先安南
侯敬深並賜死時帝凶悖日甚誅殺相繼內外百官不保首領先
是訛言湘中出天子帝將南巡荆湘以厭之期旦誅除四叔然後
發引是夜湘東王彧與左右阮佃夫王道隆李道兒密結帝左右
壽寂之姜產之等十一人謀共廢帝先是帝好遊華林園竹林堂
使婦人裸身相逐有一婦人不從命斬之經少時夜夢遊後堂有
一女子罵曰帝悖虐不道明年不及熟矣帝怒於宮中求得似所

夢者一人戮之其夕復夢所戮女罵曰汝枉殺我已訴上帝至是
巫覡云此堂有鬼帝與山陰公主及六宮綵女數百人隨羣巫捕
鬼屏除侍衛帝親自射之事畢將奏靡靡之聲壽寂之懷刀直入
姜產之爲副諸姬迸逸廢帝亦走追及之大呼寂寂如此者三手
不能舉乃崩於華光殿時年十七太皇太后令奉湘東王或纂承
皇統於是葬帝於丹陽秣陵縣南郊壇西帝蠶目鳥喙長頸銳下
勿而狷急在東宮每爲孝武所責孝武西巡帝啟參承起居書迹
不謹上詰讓之曰書不長進此是一條耳聞汝比素業都懈狷戾
日甚何以頑固乃爾初踐祚受重祿傲然無哀容蔡興宗退而歎
曰昔魯昭不滅叔孫請死國家之禍其在此乎帝始猶難諸大臣
及戴法興等旣殺法興諸大臣莫不震懾於是又誅羣公元凱以
下皆被毆捶牽曳內外危懼殿省駭然太后疾篤呼帝帝曰病人
間多鬼可畏那可往太后怒語侍者曰將刀來破我腹那得生寧
馨兒及太后崩後數日帝夢太后謂曰汝不仁不孝本無人君之
相子尚愚悖如此亦非運祚所及孝武險虐滅道怨結人神兒孫
雖多並無天命大命所歸應還文帝之子故帝聚諸叔都下慮在
外爲患山陰公主淫恣過度謂帝曰妾與陛下雖男女有殊俱託
體先帝陛下後宮數百妾惟駙馬一人事不均平一何至此帝乃
爲立面首左右三十人進爵會稽郡長公主秩同郡王湯沐邑二
千戶給鼓吹一部加班劔二十人帝每出公主與朝臣常共陪輦
帝少好讀書頗識古事粗有文才自造孝武帝誅及雜篇章往往
有辭采以魏武有發丘中郎將模金校尉乃置此二官以建安王
休仁山陽王休祐領之其餘事迹分見諸列傳

論曰文帝幼年特秀自稟君德及正位南面歷年長久綱維備舉

條禁明密罰有恒科爵無濫品故能內清外晏四海謐然而授將
遣師事乖分闢才謝光武而遙制兵略至於攻戰日時咸聽成旨
雖覆師喪旅將非韓白而延寇感境抑此之由及至言泄衾衽難
結凶豎雖禍生非慮益亦有以而然夫盡人命以自養蓋惟桀紂
之行觀夫大明之世其將盡人命乎雖周公之才之美亦當終之
以亂由此言之得歿亦為幸矣至如廢帝之事行著于為假以中
才之君有一於此足以致實況乎兼斯眾惡不亡其可得乎

論前一段是宋書文帝紀論文中一段是孝武帝紀論文末段是前廢帝紀論文事蹟前史已具鈔襲

之可也論則何難自運而一舉擡取李延壽之才可云短矣鄭樵譏班固勸襲史記不以為

恥其言稍過要之史家勸取前文以為己有則其來亦已久矣

南史卷三

宋本紀下第三

明帝

後廢帝

順帝

太宗明皇帝諱彧字景休小字榮期文帝第十一子也元嘉十六
年十月生二十五年封淮陽王二十九年改封湘東王孝武踐祚
累遷鎮軍將軍雍州刺史是歲入朝時廢帝疑畏諸人以上付廷
尉明且將加禍害上乃與腹心阮佃夫李道兒等密謀時廢帝左
右直閣將軍宋越譚金童太一等是夜並外宿佃夫道兒因結壽
寂之等十一月十九日弑廢帝於後堂建安王休仁便稱臣奉引
升西堂登御坐事出倉卒上失履跣猶著烏紗帽休仁呼王衣以

蜀川中鳳崗
氏圖印

蜀川中鳳崗
氏圖印

白紗代之未即位凡眾事悉稱令書已未司徒豫章王子尚山陰
公主並賜死宋越譚金童太一伏誅十二月庚申朔令書以東海
王禕為中書監太尉以晉安王子勛為車騎將軍開府儀同三司
癸亥以建安王休仁為司徒尚書令揚州刺史乙丑改封安陸王
子綏為江夏王

泰始三年六月大赦四年
年祀南郊大赦六年
七年大赦南史俱不載

泰始元年即大明九年也魏和平六年冬十二月丙寅皇帝即位
於太極前殿大赦改元辛未改封臨賀王子產為南平王晉熙王
子與為廬陵王壬申以王景文為尚書僕射乙亥追尊所生沈婕
妤曰宣皇太后戊寅改太皇太后為崇憲太后立皇后王氏罷二
銖錢江州刺史晉安王子勛舉兵反鎮軍長史袁顗赴之鄧琬為
其謀壬午謁太廟甲申郢州刺史安陸王子綏會稽太守華陽
王子房臨海王子項並舉兵同逆

晉安王子勛考武次
子應繼子業不得
云反

俱考武子亦不得云
同逆

不得云僭偽

非反亦非同逆

二年春正月乙未晉安王子勛僭即偽位於尋陽年號義嘉壬辰
徐州刺史薛安都舉兵反甲午內外城嚴司徒建安王休仁都督
諸軍南討丙戌徐州刺史申令孫司州刺史龐孟蚪豫州刺史殷
琰青州刺史沈文秀冀州刺史崔道固湘州行事何慧文廣州刺史
袁曇益州刺史蕭惠開梁州刺史柳元怡並同逆丙午車駕親御
六軍頓中興堂辛亥南豫州刺史山陽王休祐改為豫州刺史西
討吳郡太守顧琛吳興太守王曇生義興太守劉延熙晉陵太守
袁標山陽太守程天祚並舉兵反鎮東將軍巴陵王休若統軍東
討壬子崇憲皇太后崩二月乙丑以蔡興宗為尚書右僕射壬申
吳興太守張永右將軍蕭道成東討平晉陵丁亥建武將軍吳喜
公率諸軍破賊於吳興會稽平定三郡同逆皆伏誅輔國將軍蕭
道成前鋒北討輔國將軍劉劭前鋒西討劉胡眾四萬據楮圻三

魏和平六年
五字衍

惠下當有
皇字

吳興太守
更有吳喜

月庚寅撫軍將軍殷孝祖攻楮圻死之以輔國將軍沈攸之代為
 南討前鋒賊眾稍盛袁顛頓鵠尾連營至濃湖眾十餘萬丙申南
 徐州刺史桂陽王休範總統北討諸軍事戊戌貶尋陽王子房爵
 為松滋縣侯癸卯令人入米七百石者除郡減此各有差壬子斷
 新錢專用古錢夏五月甲寅葬崇憲皇太后於修寧陵秋七月丁
 酉以仇池太守楊僧嗣為北秦州刺史封武都王八月己卯司徒
 建安王休仁率眾軍大破賊斬偽尚書僕射袁粲進討江郢荆湘
 雍五州平之晉安王子勛安陸王子綏臨海王子瑱邵陵王子元
 並賜死同黨皆伏誅諸將帥封賞各有差九月癸巳六軍解嚴戊
 戌以王玄謨為左光祿大夫開府儀同三司領護軍將軍冬十月
 乙卯永嘉王子仁始安王子真淮南王子孟南平王子產廬陵王
 子輿松滋侯子房並賜死丁卯以沈攸之為中領軍與張永俱北
 討戊寅立皇子昱為皇太子十一月壬辰立建平王景素子延年
 為新安王十二月薛安都要引魏軍張永沈攸之大敗於是遂失

大皇帝字上少缺天
 皇帝四字

淮北及豫州淮西地是歲魏天安元年

三年春正月庚子以農役將興詔太官停宰牛癸卯曲赦豫南豫
 二州閏正月庚午都下大雨雪遣使巡行賑貸各有差二月甲申
 為戰亡將士舉哀丙申曲赦青冀二州夏四月丙戌詔以故丞相
 江夏文獻王故太尉巴東忠烈公柳元景故司空始興襄公沈慶
 之故征西將軍洮陽肅侯宗懋陪祭孝武廟庭庚子立桂陽王休
 範第二子德嗣為廬陵王立侍中劉韜第三子銑為南豐王以奉
 廬江昭王南豐哀王祀五月丙辰詔宣太后崇寧陵禁內墳瘞遷
 徙者給葬直蠲復其家壬戌以太子詹事袁粲為尚書僕射秋八
 月壬寅以中領軍沈攸之行南兖州刺史率眾北伐九月戊午以

修當作攸

宋作楊僧

宋作劉韜
 三子作子

皇后六宮以下雜衣千領金釵千枚賜北伐將士冬十月壬午改封新安王延年為始平王辛丑以鎮西大將軍西秦河二州刺史吐谷渾拾寅為征西大將軍十一月立建安王休仁第二子伯猷為江夏王是歲魏皇興元年

四年春正月丙辰朔雨草于宮乙亥零陵王司馬勗薨二月乙巳左光祿大夫開府儀同三司王玄謨薨三月交州人李長仁據州叛秩賊攻廣州殺刺史羊希龍驤將軍陳伯紹討平之夏四月丙申改封東海王禕為廬江玉山陽王休祐為晉平王秋九月戊辰詔定黥刑之制有司奏自今凡劫竊執官仗拒戰邏司攻剽亭寺及傷害更人并監司將吏自為劫皆不限人數悉依舊制斬刑若遇赦黥及兩頰劫字斷去兩脚筋徒付交梁寧州五人以下止相逼奪者亦依黥作劫字斷去兩脚筋徒付遠州若遇赦原斷徒猶

此書自今凡九
或改剽亭寺
吏民悉此諸條
依舊制五人以
通者亦可特賜
是寬減之語南
史不詳未知何
更效之

泰始五年桂陽王
休範為中書監
中將軍揚州刺史
此以中書監而領
州刺史與他刺史
不同南史缺
又唐書江王禕為南
豫州刺史此不當
而南史載之蓋五
誤也

黥面依舊補冶士家口應及坐悉依舊結譴及上崩其例乃寢庚午上備法駕幸東宮冬十月癸酉朔日有蝕之發諸州兵北伐

五年春正月癸亥親耕籍田乙丑魏尅青州執刺史沈文秀以歸

二月丙申以廬江王禕為車騎將軍開府儀同三司南豫州刺史

夏六月辛未立晉平王休祐子宣曜為南平王秋七月壬戌改輔

國將軍為輔師將軍九月甲寅立長沙王纂子延之為如平王冬

十月丁卯朔日有蝕之十一月丁未魏人來聘十二月庚申分荆

益之五郡置三巴校尉

六年春正月乙亥初制間二年一祭南郊間一年一祭明堂夏四

月癸亥立皇子燮為晉熙王六月癸卯以王景文為尚書左僕射

揚州刺史以袁粲為右僕射己未改臨賀郡為臨慶郡秋七月丙戌

臨慶王智井薨九月戊寅立總明觀徵學士以充之置東觀祭酒

希宋作南

及字與衍

徐仁勸故孝武諸
子已亦及禍
諸淵稱字避諱

帝疾開三字當
保書以疾愈大赦
天下今去大赦而留
此三字衍文也且前
無有疾而此突言
疾開皆非例

是時與宗自會稽
太守移荆州刺史
西開府其加號取
沈攸之為荆州刺史
鎮軍將軍進安西將
軍南史則荆州刺史
四弟則以荆州屬攸
之而與宗止為開府
同三司如此其誤也
與宗依之俱受顧命
而與宗在荆州攸之
在荆州南史云入開
府命攸之與宗於廣
帝即位後以中書監
光祿大夫徵還尋遷
而攸之卒未入故雖
顧命而不在輔政之
晉宗世重外任多有
以在外而受顧命者
陶長沙以不與晉明
帝顧命為恨此其例
也與宗荆州刺史可
言而以中書監徵
此當言而不書不
為疎略王

訪舉各一人舉士二十人分爲儒道文史陰陽五部學言陰陽者
遂無其人冬十月辛卯立皇子贊爲武陵王十二月癸巳以邊難
未息制父母隔在異域者悉使婚宦

七年春正月甲戌置散騎奏舉郎二月癸丑征西將軍荆州刺史
巴陵王休若進號征西大將軍及征南大將軍江州刺史桂陽王
休範並開府儀同三司甲寅南徐州刺史晉平王休祐薨三月辛
酉魏人來聘夏五月戊午鳩司徒建安王休仁庚午以袁粲爲尚
書令褚彥回爲右僕射丙戌追免晉平王休祐爲庶人秋七月丁
巳罷散騎奏舉郎乙丑江州刺史巴陵王休若賜死八月戊子以
皇子躋繼江夏文獻王義恭庚寅帝疾間戊戌立皇子準爲安成
王是歲魏孝文帝延興元年
恭豫元年春正月甲寅朔上以疾未痊故改元丁巳巨人跡見西

池水上夏四月己亥上疾大漸加江州刺史桂陽王休範位司空
以劉劭爲尚書右僕射蔡興宗爲征西將軍開府儀同三司荆州
刺史沈攸之進號安西將軍袁粲褚彥回劉劭蔡興宗沈攸之入
閣被顧命是日上崩于景福殿時年三十四五月戊寅葬臨圻縣
莫府山高寧陵帝好讀書愛文義在藩時撰江左以來文章志又
續衛瓘所注論語二卷及卽大位舊臣才學之士多蒙引進末年
好鬼神多忌諱言語文書有禍敗凶喪疑似之言應回避者犯卽
加戮改駟馬字爲馬邊瓜以駟字似禍故也嘗以南苑借張永云
且給三百年期盡更講宣陽門謂之白門不祥諱之尚書右丞江
謚嘗誤犯上變色曰白汝家門路太后停屍漆林移出東宮上幸
官見之怒免中庶子以之坐死者數十人內外常慮犯觸人不自
保移牀修壁先祭土神使文士爲祝策如大祭饗阮佃夫楊運長

王道隆皆擅威權言為詔敕郡守令長一缺十除內外混然官以
賄命王阮家富於公室中書舍人胡母顥專權奏無不可時人語
曰禾絹開眼諾胡母大張橐禾絹謂上也及泰始泰豫之際左右
失旨往往有剝斫斷截禁中慄慄若踐刀劔夜夢豫章太守劉愔
反遣就郡殺之軍旅不息府藏空虛內外百官並斷祿奉在朝造
官者皆市井傭販之子而又令小黃門於殿內埋錢以為私藏以
蜜漬鯁鯁一食數升噉腊肉常至二百餅奢費過度每所造制必
為正御三十副御次副又各三十須一物輒造九十枚天下騷然
民不堪命宋氏之業自此衰矣

後廢帝諱昱字德融明帝長子也大明七年正月辛丑生於衛尉
府帝母陳氏李道兒妾明帝納之故人呼帝為李氏子帝亦自稱
李將軍明帝諸子在孕皆以周易筮之即以所得卦為小字故帝

小字慧震泰始二年立為皇太子六年出東宮又制太子元正朝
賀服袞冕九章衣明帝崩庚子太子即皇帝位大赦尚書令袁粲
護軍將軍褚彥回共輔朝政班劍依舊入殿六月乙巳尊皇后曰
皇太后立皇后江氏秋七月戊辰拜帝所生陳貴妃為皇太妃八
月戊午中書監左光祿大夫開府儀同三司蔡興宗薨冬十一月
己亥新除郢州刺史劉彥節為尚書左僕射

元徽元年春正月戊寅大赦改元詔自元年前徒放者並聽還
本土魏人來聘夏六月乙卯壽陽大水秋八月都下旱庚午陳留
王曹銑薨九月丁亥立衡陽王嶷子伯玉為南平王冬十二月癸
卯朔日有蝕之乙巳進桂陽王休範位太尉癸亥立前建安王世
子伯融為始安縣王
二年夏五月壬午江州刺史桂陽王休範舉兵反庚寅內外戒嚴

明帝崩之上宋有
泰豫元年四月己
亥當補入
皇太后之下當補
閏月甲辰以荆州
史蔡興宗為中書
監光祿大夫王

泰始名
避唐諱
徒當作徒

按吳地記
鯁是鯁

中領軍劉劭右衛將軍蕭道成前鋒南討出屯新亭征北將軍張
永屯白下前南兗州刺史沈懷明戍石頭衛將軍袁粲中軍將軍
褚彥回入衛殿省壬申賊奄至攻新亭壘道成拒擊大破之越騎
校尉張苟兒斬休範賊黨杜黑蠡丁文豪分軍向朱雀航劉劭拒
賊敗績死之右將軍王道隆奔走遇害張永潰于白下沈懷明自
石頭奔散甲午車騎典籤茅恬開東府納賊賊入屯中堂羽林監
陳顯達擊大破之丙申張苟兒等又破賊進平東府城梟禽羣賊
丁酉大赦解嚴荊州刺史沈攸之南徐州刺史建平王景素郢州
刺史晉熙王燮湘州刺史張興世並舉義兵赴建鄴六月癸卯晉
熙王燮遣軍尅尋陽江州平壬戌改輔師將軍還為輔國秋七月
庚辰立皇弟友為邵陵王乙酉徐州刺史建平王景素進號征北
大將軍開府儀同三司九月乙酉以袁粲為中書監領司徒加護

湘州刺史下
脫王僧虔
雍州刺史
七字

軍將軍褚彥回為尚書令冬十一月丙戌帝加元服十二月癸亥
立皇弟躋為江夏王贊為武陵王

三年春三月己巳都下大水夏六月魏人來聘秋七月庚戌以袁
粲為尚書令九月丙辰征西大將軍河南王吐谷渾拾寅進號征
西大將軍

四年夏六月乙亥加蕭道成尚書左僕射秋七月戊子建平王景素
據京城反己丑內外纂嚴遣驍騎將軍任農夫冠軍將軍黃回北
討蕭道成總統眾軍始安王伯融都鄉侯伯猷並賜死乙未尅京
城斬景素同逆皆伏誅八月丁卯立皇弟翽為南陽王高為新興
王禧為始建王九月戊子驍騎將軍高道慶有罪賜死己丑車騎
將軍揚州刺史安成王準進號驃騎大將軍開府儀同三司冬十
月辛酉以王僧虔為尚書右僕射

呈既非宋氏種又凶
逆乃爾景素何得
云反

五年夏四月甲戌豫州刺史阮佃夫步兵校尉申伯宗朱幼謀廢
立皆伏誅五月地震六月甲戌誅司徒左長史沈勃散騎常侍杜
幼文游擊將軍孫超之長水校尉杜叔文七月戊子夜帝遇弒於
仁壽殿時年十五巳丑皇太后令貶帝為蒼梧郡王葬丹楊秣陵
縣郊壇西初帝之生夕明帝夢人乘馬馬無頭及後足有人曰太
子也及在東宮五六歲能緣漆帳竿去地丈餘如此者半食漸長
喜怒乖節左右失旨者手加撲打徒路蹲踞及嗣位內畏太后外
憚大臣猶未得肆志自加元服三年好出入單將左右或十里二
十里或入市里遇慢罵則悅而受焉四年無日不出與左右解僧
智張五兒恒夜出開承明門夕去晨反晨出暮歸從者並執鋌矛
行人男女及犬馬牛驢逢無免者人間擾懼晝日不開門道無行
人嘗著小褲袴不服衣冠有白楮數千各有名號鉗鑿錐鋸不離左

路當作

當示袴

孝武之弟前廢帝
殺其弟或早死
者皆為明帝所殺
至後廢帝之時已
無才道如此至皆
殺之大誤故孝武諸
子列傳自明

右為擊腦槌陰剖心之誅日有數十常見臥屍流血然後為樂左
右人見有嘖眉者帝令其正立以矛刺之曜靈殿上養驢數十頭
所自乘馬養於御牀側與右衛翼輦營女子私通每從之遊持數
千錢為酒肉之費出逢婚姻葬送輒與挽車小兒羣聚飲酒以為
歡適阮佃夫腹心人張羊為佃夫委信佃夫敗叛走復捕得自於
承明門以車轢殺之殺杜延載杜幼文躬運戈鋌手自斲割察孫
超有蒜氣剖腹視之執楯馳馬自往刺杜叔文于玄武北湖孝武
帝二十八子明帝殺其十六餘皆帝殺之吳興沈勃多寶貨往劫
之揮刀獨前左右未至勃時居喪在廬帝望見之便投鋌不中勃
知不免手搏帝耳唾罵之曰汝罪踰桀紂屠戮無日遂見害帝自
斲割制露車一乘施峯乘以出入從數十人羽儀追之恒不相及
又各慮禍亦不敢追但整部伍別在一處瞻望而已凡諸鄙事過

目則能鍛銀裁衣作帽莫不精絕未嘗吹篪執管便韻天性好殺
一日無事卽慘慘不樂內外憂惶夕不及旦領軍將軍蕭道成與
直閣將軍王敬則謀之七月戊子帝微行出北湖單馬先走羽儀
不及左右張五兒馬墜湖帝怒自馳騎刺馬屠割之與左右作羌
胡伎爲樂又於蠻罔賭跳因乘露車無復鹵簿往青園尼寺新安
寺偷狗就曇度道人煮之飲酒楊玉夫常得意忽然見憎遇輒切
齒曰明日當殺小子取肝肺是夜七夕令玉夫伺織女度報已因
與內人穿鍼訖大醉臥于仁壽殿東阿氊幄中帝出入無禁王敬
則先結玉夫陳奉伯楊萬年等合二十五人其夕玉夫候帝眠熟
至乙夜與萬年同入氊幄內取千牛刀殺之

順皇帝諱準字仲謨小字知觀明帝第三子也泰始五年七月癸
丑生七年封安成王帝姿貌端華眉目如畫見者以爲神人廢帝

卽位加揚州刺史元徽二年加都督揚南豫二州諸軍事四年進
號驃騎大將軍及廢帝殞蕭道成奉太后令迎王入居朝堂

昇明元年秋七月壬辰皇帝卽位大赦改元徽五年爲昇明元年

甲午蕭道成出鎮東城輔政荊州刺史沈攸之進號車騎大將軍

蕭道成司空錄尚書事以袁粲爲中書監司徒以褚彥回爲衛將

軍劉彥節爲尚書令加中軍將軍辛丑以王僧虔爲尚書僕射癸

卯車駕謁太廟八月癸亥司徒袁粲鎮石頭戊辰崇拜帝所生陳

昭華爲皇太妃庚午以蕭道成爲驃騎大將軍開府儀同三司錄

尚書如故九月己酉廬陵王勗薨十二月丁巳荊州刺史沈攸之

舉兵不從執政丁卯蕭道成入守朝堂侍中蕭嶷鎮東府戊辰中

外纂嚴壬申司徒袁粲據石頭謀誅道成不果旋見覆滅乙亥以

王僧虔爲左僕射王延之爲右僕射吳郡太守劉暹據郡不從執

政令張瓌攻斬之閏月辛亥屯騎校尉王宜興貳於執政見誅癸巳沈攸之攻郢城前軍長史柳世隆固守巳亥中外戒嚴假蕭道成黃鉞乙巳道成出頓新亭是歲魏太和元年

二年春正月丁卯沈攸之敗巳巳華容縣人斬攸之首送之辛未雍州刺史張敬兒剋江陵荊州平丙子解嚴以柳世隆爲尚書右僕射蕭道成旋鎮東府二月庚辰以王僧虔爲尚書令王延之爲左僕射癸未蕭道成加授太尉以褚彥回爲中書監司空丙戌撫軍將軍揚州刺史晉熙王燮進號中軍將軍三月巳丑朔日有蝕之夏四月南兗州刺史黃回貳于執政賜死五月戊午以倭國王武爲安東大將軍六月丁酉以輔國將軍楊文弘爲北秦州刺史封武都王秋九月乙巳朔日有蝕之丙午加太尉蕭道成黃鉞都督中外諸軍事太傅領揚州牧賜殊禮以揚州刺史晉熙王燮爲司徒冬十月壬寅立皇后謝氏十一月立故武昌太守劉琨息頌爲南豐縣王癸亥誅臨澧侯劉晃甲子改封南陽王翽爲隨郡王十二月丙戌皇后見于太廟

三年春正月辛亥領軍將軍蕭贖加尚書右僕射進號中軍大將軍開府儀同三司二月丙子南豫州刺史邵陵王友薨丙申地震建陽門三月癸卯朔日有蝕之甲辰加蕭道成相國總百揆封十郡爲齊公備九錫之禮庚戌誅臨川王緯夏四月壬申進齊公蕭道成爵爲王壬午安西將軍武陵王贊薨辛卯帝禪位於齊壬辰遜于東邸是日王敬則以兵陳于殿庭帝猶居內聞之逃于佛蓋下太后懼自帥閣豎索扶幸板輿黃門或促之帝怒抽刀投之中項而殞帝旣出宮人行哭俱遷備羽儀乘畫輪車出東掖門封帝爲汝陰王居丹徒宮齊兵衛之建元元年五月巳未帝聞外有馳

馬者懼亂作監人殺王而以疾赴齊人德之賞之以邑六月乙酉
葬于遂寧陵謚曰順帝宋之王侯無少長皆幽死矣

論曰文帝負辰南面實有人君之美經國之義雖弘而隆家之道
不足彭城照不窺古本無卓爾之資徒見昆弟之義深未識君臣
之禮異以此家情行之國道主忌而猶犯恩離而未悟致以凌逼
之愆遂成滅親之禍開端樹隙垂之後人明帝因猜忌之情據已
行之典翦落洪枝飲不待慮既而本根莫庇幼主孤立下無磐石
之託上有累卵之危方復藏璽懷紱魚服忘反危冠短制匹馬孤
征以致覆亡理固然矣神器以勢弱傾移靈命隨樂推回改斯益
履霜有漸夫豈一夕何止區區汝陰揖讓而已

得宋書明帝紀論後廢帝紀論順帝紀論湊合成一篇夫豈一如何止區區文理之疎謬極矣

南史卷三 宋本紀下第三終

晉書卷四
氏國南史

南史卷四

晉書卷四
氏國南史

齊本紀上第四

高帝

武帝

齊太祖高皇帝諱道成字紹伯小字鬪將姓蕭氏其元本居東海

蘭陵縣中都鄉中都里晉元康元年惠帝分東海郡為蘭陵故復

為蘭陵郡人中朝喪亂皇高祖淮陰令整字公亦過江居晉陵武

進縣之東城里寓居江左者皆僑置本土加以南各更為南蘭陵

人也皇曾祖雋字子武位即丘令皇祖樂子字闕子位輔國參軍

宋昇明中贈太常皇考承之字嗣伯少有大志才力過人仕宋為

漢中太守梁州之平以功加龍驤將軍後為南太山太守封晉興

縣五等男遷右軍將軍元嘉二十四年殂梁土思之於峨公山立

飲不可解宋書本
無難難尚可強通

廟祭祀昇明二年贈散騎常侍金紫光祿大夫高帝以宋元嘉四年丁卯歲生姿表英異龍顏鍾聲長七尺五寸鱗文徧體舊宅在武進縣宅南有一桑樹擢本三文橫生四枝狀似華蓋帝年數歲好戲其下從兄敬宗曰此樹為汝生也儒生雷次宗立學於雞籠山帝年十三就受禮及左氏春秋十七年宋大將軍彭城王義康被黜徙豫章皇考領兵防守帝捨業南行十九年竟陵蠻動宋文帝遣帝領偏軍討沔北蠻二十三年雍州刺史蕭思話鎮襄陽啟帝自隨初為左軍中兵參軍二十九年領偏軍征仇池破其武興蘭臯二壘遂從谷口入關未至長安八十里梁州刺史劉秀之遣司馬馬汪助帝攻拔談提城魏救兵至帝軍力疲少又聞文帝崩乃燒城還南鄭後襲爵晉興縣五等男為建康令有能各少府蕭惠開雅有知人鑒謂人曰昔魏武為洛陽北部時人服其英今看

汪齊作注

平會稽太守尋陽王子房

平薛安都從子索兒

平張淹三吳

蕭建康但當過之取宋明帝即位為右軍將軍時四方叛會稽太守尋陽王子房及在東諸郡皆起兵明帝加帝輔國將軍東討至晉陵一日破賊十二壘分軍定諸縣及徐州刺史薛安都據彭城歸魏遣從子索兒攻淮陰又徵帝討破之索兒走鍾離帝追至黟黟而還除驍騎將軍封西陽縣侯遷巴陵王衛軍司馬隨鎮會稽江州刺史晉安王子勛遣臨川內史張淹自鄱陽嶠道入三吳明帝遣帝討之時朝廷器甲皆充南討帝軍容寡闕乃編椶皮為馬具裝折竹為寄生夜舉火進軍賊望見恐懼未戰而走還除桂陽王征北司馬南東海太守行南徐州事及張永等敗於彭城淮南孤弱以帝為假冠軍將軍持節都督北討前鋒諸軍事鎮淮陰遷南兗州刺史加督五州督北討如故明帝嫌帝非人臣相而人間流言帝當為天子明帝愈以為疑遣冠軍將軍吳喜留軍破益自

黟縣下以有脫字

以當其鋒下齊書云
征北可以見甲守自
領軍也宜陽門為
諸軍即變右軍諸
不煩就也我自前
驅破賊必者

持銀壺酒封以賜帝帝戎服出門迎懼鳩不敢飲將出奔喜告以誠先飲之帝即酌飲之喜還明帝意乃愧泰始七年徵還都部下勸勿就徵帝曰主上自誅諸弟為太子幼弱作萬歲後計何關他族惟應速發事緩當見疑今骨肉相害自非靈長之運禍難將興方與卿等戮力耳至拜散騎常侍太子左衛率明帝崩遺詔為右衛將軍領衛尉加兵五百人與尚書令袁粲護軍褚彥回領軍劉劬共掌機事尋解衛尉加侍中領石頭戍軍事元徽二年五月江州刺史桂陽王休範舉兵於尋陽朝廷惶駭帝與褚彥回等集中書省計議莫有言者帝曰昔上流謀逆皆因淹緩以與休範必遠懲前失輕兵急下乘我無備請頓新亭以當其鋒因索筆下議餘並注同中書舍人孫千齡與休範有密契獨曰宜依舊遣軍據梁山帝正色曰賊今已近梁山豈可得至新亭既是兵衝所欲以死

報國耳乃單車白服出新亭加帝使持節都督征討諸軍事平南將軍加鼓吹一部築新亭城壘未畢賊前軍已至帝方解衣高臥以安眾心乃索白虎幡登西垣使寧朔將軍高道慶羽林監陳顯達員外郎王敬則浮舸與賊水戰大破之未時張敬兒斬休範首臺軍及賊眾俱不知其別率杜黑蠡急攻東壘帝挺身上馬帥數百人出戰與黑蠡拒戰自晡達明旦矢石不息其夜大雨鼓叫不復相聞將士積日不得寢食軍中馬夜驚城內亂走帝執燭正坐厲聲呵止之如是者數四賊帥丁文豪設伏破臺軍於阜茨橋直至朱雀航王道隆劉劬並戰沒初劬高尚其意託造園宅名為東山頗忽時務帝謂曰將軍以顧命之重此是艱難之日而深尚從容廢省羽翼一朝事至悔可追乎劬不納竟敗及賊進至杜姥宅車騎典籤茅恬開東府納賊冠軍將軍沈懷明於石頭奔散張永

平休苑
諸君之君南史正
作君善見觀同

潰於白下宮內傳新亭亦陷太后執蒼梧王手泣曰天下事敗矣
帝遣軍主陳顯達任農夫張敬兒周盤龍等從石頭濟淮間道自
承明門入衛宮闕時休範典籤許公與詐稱休範在新亭士庶惶
惑詣壘期赴休範投名者千數及至乃是帝隨得輒燒之登城北
謂曰劉休範父子先昨皆已死戮屍在南岡下身是蕭平南諸軍
善見觀汝等名皆已焚除勿懼也臺分遣眾軍擊平賊帝振旅凱
入百姓緣道聚觀曰全國家者此公也帝與袁粲褚彥回劉彥節
引咎解職不許遷散騎常侍中領軍都督南兗州刺史鎮軍將軍
進爵為公與袁粲褚彥回劉彥節等更日直入決事號為西貴休
範平後蒼梧王漸行凶暴屢欲害帝嘗率數十人直入鎮軍府時
暑熱帝晝臥裸袒蒼梧立帝於室內畫腹為射的自引滿將射之
帝神色不變斂板曰老臣無罪蒼梧左右王天恩諫曰領軍腹大

齊無及至
乃是帝五
字按帝下
當有帝字
善見觀

西貴休
范

是佳射棚而一箭便死後無復射不如一電箭射之乃取電箭一
發即中帝臍蒼梧投弓於地大笑曰此手何如時建平王景素為
朝野歸心潛為自全計布誠於帝帝拒而不納景素尋舉兵帝出
屯玄武湖事平乃還帝威名既重蒼梧深相猜忌刻木為帝形畫
腹為射棚自射之又命左右射中者加賞皆莫能中時帝在領軍
府蒼梧自來燒之與帝出因作難帝堅臥不動蒼梧益懷忿患所
見之物呼之為帝加以手自磨鋌曰明日當以刃蕭道成陳太妃
罵之曰蕭道成有大功於國今害之誰為汝盡力故止高帝謀於
袁褚廢立皆不見從五年七月戊子楊玉夫等與直閣將軍王敬
則通謀弑蒼梧齋首使左右陳奉伯藏衣袖中依常行法稱敕開
承明門出囊貯之以與敬則敬則馳至領軍府叩門大聲言報帝
門猶不開敬則自門窺中以首見帝帝猶不信乃於牆上投進其

是善本作以

載蒼梧王豆

三順帝年

首帝索水洗視敬則乃踰垣入帝跣出敬則叫曰事平矣帝乃戎服乘常所騎赤馬夜入殿中殿中驚怖及知蒼梧死咸稱萬歲至帝踐祚號此馬為龍驤赤明且召袁粲褚彥回劉彥節入會西鍾槐樹下計議帝以事讓彥節彥節未答帝鬚髯盡張眼光如電次讓袁粲又不受敬則乃拔刀在牀側躍麾眾曰天下之事皆應關蕭公敢有開一言者血染敬則乃仍呼虎賁劔戟羽儀手自取白紗帽加帝首令帝即位曰今日誰敢復動事須及熱帝正色呵之曰卿都不自解粲欲有言敬則又叱之乃止帝乃下議備法駕詣東城迎立順帝於是長刀遮粲彥節等失色而去甲午帝移鎮東府與袁粲褚彥回劉彥節各甲仗五十人入殿丙申加侍中司空錄尚書事驃騎大將軍封竟陵郡公給油幢車班劔三十人帝固辭上台即授以驃騎大將軍開府儀同三司十二月荊州刺史沈

攸之非不可云詩
前卷云沈攸之舉兵不
從執政而此處出法思
又如沈攸之舉兵不
何其自相違歟

攸之反稱太后詔已下都乙卯帝入居朝堂命諸將西討平西將軍黃回為都督前驅先是太后兄子前湘州刺史王蘊遭母喪罷任還至巴陵停舟與攸之密謀乃下達郢州武帝時為郢州長史蘊伺武帝出弔因作亂據郢城武帝知之不出蘊還至東府前又期見高帝帝又不出弔再計不行外謀愈固司徒袁粲尚書令劉彥節見帝威權稍盛慮不自安與蘊及黃回等相結舉事殿內宿衛主帥無不協同及攸之反問初至帝往石頭詣粲謀粲稱疾不相見剋壬申夜起兵據石頭其夜丹楊丞王遜告變彥節從弟領軍韞及直閣將軍卜伯興等嚴兵為內應帝命王敬則於宮內誅之遣諸將攻石頭王蘊將數百精手帶甲赴粲城門已閉官軍又至乃散眾軍攻石頭斬粲彥節走頡擔湖蘊逃鬪塲並禽斬之粲典籤莫嗣祖同粲謀蘊嬖人張承伯藏匿蘊高帝亦並赦而用之

袁粲劉彥節

齊高帝紀黃回頓
事率兵欲赴石頭
成兵所遇不得過
關石頭平遠稱赴
南史謂謝太不
曲折是年三月殺
北將軍黃回南史
書以已見宋紀也

時黃回頓新亭聞石頭已下因稱救援高帝知而不言撫之愈厚
遣回西上流涕告別二年正月沈攸之平二月宋帝進高帝太尉
都督十六州諸軍事高帝表送黃鉞三月乙酉增班劍四十人甲
仗百人入殿丙子加羽葆鼓吹大明泰始已來相承奢侈百姓成
俗及高帝輔政奏罷御府省二尚方諸飾玩至是又上表禁人間
華偽雜物凡十七條其中官及諸王服用雖依舊例亦請詳制九
月丙午加帝假黃鉞都督中外諸軍事太傅領揚州牧劍履上殿
入朝不趨贊拜不名置左右長史司馬從事中郎掾屬各四人固
辭詔遣敦勸乃受黃鉞辭殊禮甲寅給三望車三年正月乙丑高
帝表蠲百姓逋責丙辰加前部羽葆鼓吹丁巳命太傅府依舊辟
召丁卯給高帝甲仗五百人出入殿省甲午重申前命劍履上殿
入朝不趨奏拜不名三月甲辰宋帝詔進帝位相國總百揆封十

義興太守劉延熙
晉陵太守袁粲同
起兵袁粲指此王

天祚山陽太守程天
祚也

郡為齊公備九錫禮加遠游冠位在諸侯王上加相國綠綬綬甲
寅使以備物典禮進策曰朕以不造夙罹閔凶嗣君失德書契未
紀威侮五行虔劉九縣神獸靈繹海水羣飛綴旒之殆未足為譬
豈直小宛興刺黍離作歌而已哉天贊皇宋實啟明宰爰登寡昧
纂承大業高勳至德振古絕倫雖保衡翼殷博陸匡漢方斯茂如
也今將授公典禮其敬聽朕命乃者袁劉構禍實繁有徒子房不
臣稱兵協亂顧瞻宮掖將成茂草言念邦國翦為仇讐當此之時
人無固志公投袂徇難超然奮發登寅車而戒路執金板而先驅
麾鉞一臨凶黨冰泮此則霸業之基勤王之始也安都背叛竊據
徐方敢率犬羊陵虐淮浦索兒愚悖同惡相濟天祚無象背順歸
逆北鄙黔黎奄墜塗炭公受命宗祊精貫朝日擁節和門氣踰霄
漢破釜之捷斬馘蔽野石梁之戰禽其渠帥保境全人江陽卽序

此又公之功也張淹迷昧弗顧本朝爰自南區志圖東夏潛軍間
入竊覲不虞于時江服未夷皇塗荐沮公忠誠慷慨在險彌亮以
寡制衆所向風偃朝廷無東顧之憂閩越有來蘇之慶此又公之
功也匈奴野心侵掠疆場醜羯俯張勢振彭泗公奉辭伐罪戒旦
晨征兵車始交氛祲時蕩弔死扶傷弘宣皇澤俾我淮肥復霑盛
化此又公之功也自茲厥後獫狁孔熾封豕長蛇重窺上國而勢
故相仍師出已老角城高壘指日淪陷公眷言王事發憤忘食躬
擐甲胄視險若夷分疆畫界開創青堯此又公之功也桂陽負衆
輕問九鼎裂冠毀冕拔本塞源烈火焚于王城飛矢集乎君屋羣
后憂惶元戎無主公按劍凝神則奇謨冠世把旄指麾則懦夫成
勇信宿之間宣揚底定此又公之功也皇室多難釁起戚藩建平
失圖興兵內侮公指授六師義形于色役未踰旬朱方寧晏此又

把齊作東
避諱改

公之功也蒼梧肆虐諸夏糜沸淫刑以逞誰則無辜黔首相悲朝
不謀夕高祖之業已淪文明之軌誰嗣公遠稽殷漢之義近遵魏
晉之典猥以眇身入奉宗祏七廟清謚九區反攻此又公之功也
袁劉攜貳成此亂階醜圖潛構危機竊發據有石頭志犯應路公
神謀內運霜鋒外舉袂泠載澄國塗悅穆此又公之功也沈攸苞
禍歲月滋彰蠶目豺聲阻兵安忍乃眷西顧緬同異域而經綸惟
始九伐未申長惡不悛遂逞凶逆公把鉞出關凝威江甸正情與
皦日同亮明略與秋雲競爽至義所感人百其心積年道誅一朝
顯戮沮浦安流章臺順軌此又公之功也公有濟天下之勲重之
以明哲道庇生靈志匡宇宙戮力肆心劬勞王室險阻艱難備嘗
之矣若乃締構宗稷之勤造物資始之澤雲布霧散光被六幽弼
予一人永清四海是以秬草騰芳於郊園景星垂暉於清漢遐方

欵關而慕義荒服重譯而來庭汪哉邈乎無得而名也朕聞疇庸表德前王盛典崇樹侯伯有國攸同所以文命成功玄主顯錫姬旦宣哲曲阜啟藩或改玉以弘風或胙土以宣化禮絕常班寵冠羣辟爰逮桓文車服異數惟公勲業超於先烈而褒賞闕於舊章古今之道何其爽歟靜言欽歎良有缺然今進授相國以青州之齊郡徐州之梁郡南徐州之蘭陵魯郡琅邪東海晉陵義興揚州之吳郡會稽凡十郡封公爲齊公錫茲玄土苴以白茅定爾邦家用建冢社斯實尚父故藩世作盟主紀綱侯甸率由舊則往者周召建國師保兼任毛畢執珪入作卿士內外之寵同規在昔今命使持節兼太尉侍中中書監司空衛將軍雩都縣開國侯彥回授公相國印綬齊公璽統行節兼司空守尚書令僧虔授齊公茅土金虎符第一至第五左竹使符第一至第十左相國位總百辟秩

踰三事職以禮移號隨事革其以相國總百揆去錄尚書之稱送所假節侍中貂蟬中外都督太尉印綬竟陵公印策其驃騎大將軍揚州牧南徐州刺史如故又加公九錫其敬聽後命以公執禮弘律儀刑區宇遐邇一體人無異業是用錫公大輅戎輅各一玄牡二駟公崇修南畝所寶惟穀王府充實百姓繁衍是用錫公袞冕之服赤舄副焉公居身以謙導物以義鎔鈞庶品罔不和悅是用錫公軒縣之樂八佾之舞公翼贊王猷聲教遠洽蠻夷竭歡回首內附是用錫公朱戶以居公明鑒人倫澄辯涇渭官方與能英乂克舉是用錫公納陛以登公保佑皇朝厲身化下杜漸防萌含生寅式是用錫公虎賁之士三百人公禦寇以刑禦姦以德君親無將將而必誅是用錫公鈇鉞各一公鳳舉四維龍騰八表威靈所振異類同乂是用錫公彤弓一彤矢百盧弓十盧矢千公

明發載懷肅恭禋祀孝敬之重義感靈祇是用錫公秬鬯一卣圭
瓚副焉齊國置丞相以下敬遵舊式往欽哉其祇服朕命經緯乾
坤宏亮洪業茂昭爾大德闡揚我高祖之休命高帝三讓公卿敦
勸固請乃受之丁巳下令赦國內殊死以下宋帝詔齊公十郡之
外隨宜除用以齊國初建給錢五百萬布五千疋絹五千疋以太
尉左長史王儉爲尚書右僕射領吏部四月癸酉宋帝又詔進齊
公爲王以徐州之南梁陳潁川陳留南兗州之盱台山陽秦廣陵
海陵南沛增王封爲二十郡使司空褚彥回奉策授璽紱改立王
社餘如故丙戌命齊王冕十有二旒建天子旌旗出警入蹕乘金
根車駕六馬備五時副車置旄頭雲罕樂舞八佾設鍾簾宮縣王
世子爲太子王女王孫爵命一如舊儀辛卯宋帝以歷數在齊乃
下詔禪位是日遜于東邸壬辰遣使奉策曰咨爾齊王伊太古初
陳萬化紛綸開曜靈以鑒品物立元后以馭黎元若夫容成大庭
之世伏羲五龍之辰靡得而詳焉自軒黃以降墳素所紀略可言
者莫崇乎堯舜披金繩而握天鏡開玉匣而總地維德之休明宸
居靈極期運有終歸禪與能所以大唐遜位謗然與歌有虞揖讓
卿雲發采遺風餘烈光被無垠漢魏因循不敢失墜爰逮自晉亦
遵前典昔我祖宗英嶽旁格幽明末葉不造仍世多故惟王聖哲
欽明榮鏡區宇仁育羣生義征不憊聲化遠洎荒服無虞殊類同
規華戎一族是以五色來儀於軒庭九穗含芳於郊牧象緯昭徹
布新之符已顯圖讖彪煥受終之義旣彰靈祇乃眷兆庶引領朕
聞至道深微惟人是弘天命無常惟德是與所以仰鑒玄情俯察
羣議敬禪神器授帝位於爾躬四海困窮天祿永終於戲王其允
執厥中儀刑前式以副率土之欣望命司喪而謁蒼昊奏雲門而

升圓丘時膺大禮永保弘業豈不盛歟并命璽書遣兼太保司空
褚彥回兼太尉以尚書令土僧虔奉皇帝璽綬受終之禮一依唐
虞故事高帝固讓宋朝王公以下陳留王粲等詣門陳請帝猶未
許齊世子卿士以下固請兼太史令將作匠文建陳天符瑞因言
漢自建武至建安二十五年一百九十六年而禪魏魏自黃初至
咸熙二年四十六年而禪晉晉自泰始至元熙二年一百五十六
年而禪宋宋自永初元年至昇明三年凡六十年咸以六終六受
六亢位也驗往揆今若斯昭著敢以職任備陳管穴伏願順天時
膺符瑞二朝百辟又固請尚書右僕射王儉奏被宋詔遜位臣等
參議宜尅日受禪高帝乃許焉

建元元年夏四月甲午皇帝卽位於南郊柴燎告天曰皇帝臣道
成敢用玄牡昭告于皇皇后帝夫肇自生靈樹以司牧所以闡德

立則開元創物肆茲大道天下惟公命不于常昔在虞夏受終上
代粵自漢魏揖讓中葉咸煥諸方策載在典謨水德旣微仍世多
故寔賴道成匡救之功以弘濟乎厥難大造顛墜再構區宇誕惟
天人罔弗和會迺仰協歸運景屬與能用集大命于茲辭德匪嗣
至于累仍而羣公卿士庶尹御事爰及黎獻暨乎百蠻僉曰皇天
眷命不可以固違人神無統不可以曠主畏天之威敢不祇順鴻
曆敬簡元辰虔奉皇符升壇受禪告類上帝以答人衷式敷萬國
惟明靈是饗禮畢備大駕幸建康宮臨太極前殿大赦改元賜人
爵二級文武位二等鰥寡孤獨不能自存者穀人五斛逋租宿責
勿收犯鄉論清議賊汗淫盜者一皆蕩滌洗除先注與之更始長
徒敕繫者特加原遣亡官失爵禁錮奪勞一依舊典封宋帝爲汝
陰王築宮于丹陽故縣行宋正朔車旗服色一如晉宋故事上書

不為表答表不稱詔宋諸王皆降為公郡公主為縣君縣公主為鄉君詔降宋南康郡公為縣公華容公為侯萍鄉侯為伯減戶有差以奉劉穆之王弘何無忌之祀追尊皇考曰宣皇帝皇妣曰孝皇后陵曰永安妃曰昭皇后陵曰泰安詔劫賊餘口沒在臺府者悉原赦諸負釁流徙者皆聽還本土戊戌以荊州刺史疑為尚書令驃騎大將軍開府儀同三司斷四方上慶禮己亥詔二宮諸王悉不得營立屯邸封略山湖乃停太宮池塞稅庚子詔宋帝后藩王諸陵量置守衛五月丙午以河南王吐谷渾拾寅為驃騎大將軍詔宋氏第秩量所廢置有司奏留襄陽郡公張敬兒等六十二人除廣興郡公沈曇亮等一百二十二人改元嘉曆為建元曆祖以正月卯臘以十二月未丁未詔曰設募取將縣賞購士益出權宜自今可斷眾募乙卯河南國遣使朝貢丙辰詔遣兼散騎常侍

荆州刺史
疑至儀同
三司下當有
揚州刺史四
字

藏汝陰王即宋順帝
宜直書藏汝陰王
夷前代之族始于此

魏至此方絕

齊書詔封文武功
臣司徒褚淵等三
十一人進爵增戶各
有差南史不書王

十二人巡行四方己未汝陰王殂齊志也追謚為宋順帝辛酉誅陰安公劉燮等六月乙亥詔宋末以來枯骸毀櫬宣下埋藏庚辰備法駕奉七廟主于太廟甲申立齊太子贖為皇太子斷諸州郡禮慶降死罪以下刑并申前赦恩百日立皇子疑為豫章王映為臨川王晃為長沙王曄為武陵王暘為安成王鏘為鄱陽王鐸為桂陽王鑑為廣興王皇孫長懋為南郡王乙酉葬宋順帝於遂寧陵秋七月丁未曲赦交州部內丁巳詔南蘭陵桑梓本鄉長蠲租布武進王業所基給復十年八月癸巳省陳留國丁巳立皇子鈞為衡陽王九月辛丑詔以二吳義興三郡遭水減今年田租乙巳復置南蠻校尉官丙午加司空褚彥回尚書令冬十月丙子立彭城劉胤為汝陰王奉宋後已卯享太廟辛巳汝陰王太妃王氏薨追贈宋恭皇后已丑荊州天井湖出綿人用與常綿不異

諸考回為司徒重

二年春正月戊戌朔大赦以司空褚彥回為司徒以尚書右僕射
靈儉為左僕射辛丑祀南郊二月丁卯魏軍攻壽陽豫州刺史垣
崇祖破走之癸巳遣大使巡慰淮肥徐豫邊人尤貧遘難者三月
百濟國遣使朝貢以其王牟都為鎮東大將軍夏四月丙寅進高
麗王樂浪公高璉號驃騎大將軍五月立六門都墻秋九月甲午
朔日有蝕之丙子蠕蠕國遣使朝貢冬十二月戊戌以司空褚彥
回為司徒壬子以驃騎豫章王疑為司空

驃騎將軍
有大將軍
三字

之本紀殊為不倫

三年春正月壬戌朔詔王公卿士薦讜言丙子立皇子鋒為江夏
王二月癸丑罷南蠻校尉官夏四月辛亥始制東宮臣僚用下官
禮敬聞喜公子良等六月壬子大赦秋七月己未朔日有蝕之九
月辛未蠕蠕國王遣使欲俱攻魏獻師子皮袴褶置淫令吳郡顧
昌玄坐父法秀奉使中北征死亡屍骸不反而昌玄宴樂嬉游

與常人無異有司請加以清議丙戌置會稽山陰縣獄丞冬十月
戊子以河南王世子吐谷渾度陽侯為西秦河二州刺史河南王
十二月丁亥高麗國遣使朝貢命散騎常侍虞炎等十二人巡行
諸州郡觀省風俗

四年詔賞元年以来
戰亡者蠲租布三年
雜役十年不宜刑李

四年春二月乙未上不豫庚戌詔原都下囚繫有差免元年以前
逋責三月庚申詔司徒褚彥回左僕射王儉受顧託壬戌皇帝崩
于臨光殿年五十六羣臣上謚曰高皇帝廟號太祖梓宮於東府
前渚升龍舟四月丙午葬于武進泰安陵於龍舟卒哭內外反吉
上少有大量喜怒不形于色深沈靜默常有四海之心博學善屬
文工草隸書奕棊第二品雖經綸夷險不廢素業及即位後身不
御精細之物主衣中有玉介導以長侈奢之源命打破之凡異物
皆令隨例毀棄後宮器物欄檻以銅為飾者皆改用鐵內殿施黃

魏宋室事獨不見寬何也

南北史好言符瑞齊高帝紀末所載多五經不經之說而果幅不出皆可謂也齊書皆不載王

紗帳宮人著紫皮履華蓋除金華瓜用鐵回釘每曰使我臨天下十年當使黃金與土同價欲以身率下移風易俗性寬嘗與直閣將軍周覆給事中褚思莊共基累局不倦覆乃抑上手不許易行其弘厚如此所著文詔中書侍郎江淹撰次之又詔東觀學士撰史林三十篇魏文帝皇覽之流也始帝年十七時嘗夢乘青龍上天西行逐日帝舊坐在武進彭山岡阜相屬百里不絕其上常有五色雲又有龍出焉上時已貴矣宋明帝甚惡之遣善占墓者高靈文往墓所占相靈文先給事太祖還詭答曰不過出方伯耳密白太祖曰貴不可言明帝意猶不已遣人踐籍以左道狀之上後於所樹華表柱忽龍鳴震響山谷明帝寢疾為身後之慮多翦功臣上亦見疑每云蕭道成有不臣相時鎮淮陰每懷憂懼忽見神人謂上曰無所憂子孫當昌盛泰始三年宋明帝遣前淮南太守

孫奉伯往淮陰監元會奉伯舊與帝款是行也帝與奉伯同室臥奉伯夢上乘龍上天於下捉龍脚不得及覺叙夢因謂曰兗州當大庇生靈而弟不得與也奉伯竟卒於宋世又參軍崔靈建夢天謂已蕭道成是我第十九子我去年已使授其天子位考自三皇五帝以降受命之次至帝為十九也及為領軍望氣者陳安寶見上身上恒有紫黃氣安寶謂王洪範曰此人貴不可言所居武進縣有一道相傳云天子路或謂秦皇所游或云孫氏舊迹時訛言東城天子出其後建安王休仁鎮東府宋明帝懼殺休仁而常閉東府不居明帝又屢幸改代作伐以厭王氣又使子安成王代之及蒼梧王敗安成王代立時咸言為驗術數者推之上舊居武進東城村東城之言其在此也昇明二年冬延陵縣季子廟沸井之北忽聞金石聲疑其異鑿深三尺得沸井奔涌若浪其地又響即

道成能掃河洛清
不驗知其餘皆附
會耳

復鑿之復得一井涌沸亦然井中得一木簡長一尺廣二分上有
 隱起字曰廬山道人張陵再拜詣闕起居簡文堅白字色乃黃瑞
 應圖云浪井不鑿自成王者清靜則仙人王之會稽剡縣有山名
 刻石父老相傳云山雖名刻石而不知文字所在昇明末縣人兒
 襲祖行獵忽見石上有文字凡三處苔生其上字不可識乃去苔
 視之其大石文曰此齊者黃石公之化氣也立石文曰黃天星姓
 蕭字道成得賢師天下太平小石文曰刻石者誰會稽南山李斯
 刻秦望之風也孝經鉤命決曰誰者起視名將將帝小字也河洛
 識曰歷年七十水滅緒風雲俱起龍鱗舉又曰蕭蕭草成道德盡
 備案宋水德也義熙元年宋武帝王業之始至齊受命七十年又
 識曰蕭為二士天下樂繁二士王字也郭文舉金雄記曰當復有
 作蕭入草易曰聖人作萬物觀當復有作言聖人作也王子年歌
 曰欲知其性草蕭蕭穀中最細低頭熟鱗身甲體永興福穀中精
 細者稻也即道也孰猶成也又歌曰金刀利刃齊刈之金刀劉字
 刈猶翦也孔子河洛識曰竭河梁塞龍泉消除水災泄山川水即
 宋也宋氏為災害故曰水災梁亦水也竭河梁則行路成矣路猶
 道也消除水災除宋水氏之災害也河圖識又曰上參南斗第一
 星下立草屋為紫庭神龍之岡梧桐生鳳鳥戢翼翔且鳴南斗吳
 分野草屋者居上蕭字象也先是益州有山古老相傳曰齊后山
 昇明三年四月二十三日有沙門玄暢者於此山立精舍其日上
 登尊位其月二十四日榮陽郡人尹千於嵩山東南隅見天雨石
 墜地開有玉璽其在中璽方三寸文曰戊丁之人與道俱蕭然入
 草應天符掃平河洛清魏都又曰皇帝運興千奉璽詣雍州刺史
 蕭赤斧赤斧以獻案宋武帝於嵩高山得玉璧三十二枚神人云

此是宋卜世之數三十二者二三十也宋自受命至禪齊凡六十年然則帝之符應也若是今備之云

世祖武皇帝諱賾字宣遠高帝長子也以宋元嘉二十七年六月己未生於建昌縣之青溪宮將產之夕孝皇后昭皇后並夢龍據屋故小字上為龍兒年十三夢人以筆畫身左右為兩翅又著孔雀羽衣裳空中飛舉體生毛髮長至足有人指上所踐地曰周文王之田又於所任堂內得璽一枚文曰皇帝行璽又得異錢文為北斗星雙刀雙具及有人形帶劍焉仕宋為贛令江州刺史晉安王子勛反上不從命南康相沈肅之繫上郡獄族人蕭欣祖門客桓康等破郡迎出上遂率部曲百餘人起義避難揭陽山有白雀來集聞山中有清聲傳漏響又於山累石為佛圖其側忽生一樹狀若華蓋青翠扶疎有殊羣木上將討戴凱之大饗士卒是日

此尤疎略之甚者不可不補正也
始與相黃慶學率軍赴尋陽帝以東宮未滿遂避揭陽山雨止云避難揭陽山亦不明

大熱上各令折荆枝自蔽言未終而有雲垂蔭正當會所會罷乃散及為廣興相嶺南積旱遭水阻涸商旅不通上部伍既至無雨而川流暴起遂得利涉元徽四年累遷晉熙王鎮西長史江夏內史行郢州事順帝立徵晉熙王變為撫軍揚州刺史以上為左衛將軍輔燮俱下沈攸之事起未得朝廷處分上以中流可以待敵即據盆口城為戰守備高帝聞之曰此真我子也於盆城掘塹得一大錢文曰太平百歲于時城內乏水欲引水入城始鑿城內遇伏泉涌出如此者九處用之不竭上表求西討不許乃遣偏軍援郢平西將軍黃回等皆受上節度昇明二年事平遷江州刺史封聞喜縣侯其年徵侍中領軍將軍尋加督京畿諸軍事三年又加尚書僕射中軍大將軍開府儀同三司進爵為公給班劍二十人齊國建為齊公世子改加侍中南豫州刺史給油輅車羽葆鼓吹

增班劔為三十人以石頭為世子宮官置二率以下坊省服章一
如東宮進為王太子高帝即位為皇太子建元四年三月壬戌高
帝崩是日皇太子即皇帝位大赦征鎮州郡令長軍屯營部各行
喪三日不得擅離任都邑城守防備幢隊一不得還乙丑稱先帝
遺詔以司徒褚彥回錄尚書事左僕射王儉為尚書令車騎將軍
張敬兒開府儀同三司詔曰喪禮雖有定制先旨每存簡約內官
可三日一還臨外官間日一還臨後有大喪皆如之丁卯以前將
軍王奐為尚書左僕射庚午以司空豫章王嶷為太尉癸酉詔免
逋城錢自今以後申明舊制初晉宋舊制授官二十日輒送修城
錢二千宋泰始初軍役大起受官者萬計其戎機急事有未遑自
是令僕以下並不輸送二十年中大限不可勝計文符督切擾亂
在所至是除蕩百姓悅焉夏四月辛卯追尊穆妃為皇后五月庚

書皇太子妃王氏
紀元嘉十五年立皇
太子妃廢不書孝
建二年書皇太子納
妃不書何以其體例
之不如也

齊高帝建元四年
詔脩建國學是年
武帝罷國子學南
史書罷國子學
宋紀同上

申以高皇帝配南郊高昭皇后配北郊六月甲申朔立河南王長
懋為皇太子詔申壬戌赦恩百日丙申立皇太子妃王氏進封聞
喜公子良為竟陵王臨汝公子卿為廬陵王應城公子敬為安陸
王江陵公子懋為晉安王枝江公子隆為隨王皇子子真為建安
王皇孫昭業為河南郡王戊戌以水潦為患星緯乖序尅日訊都
下囚諸遠獄委刺史以時察判建康秣陵二縣貧人加振賜必令
周悉吳興義興遭水縣蠲降租調以司徒褚彥回為司空秋八月
癸卯司空褚彥回薨九月丁巳以國哀故罷國子學辛未以征南
將軍王僧虔為左光祿大夫開府儀同三司冬十月乙未以中書
令王延之為尚書左僕射十二月乙丑詔曰緣淮戍將久處邊勞
三元行始宜霑恩慶可遣中書舍人宣旨臨會後每歲如之
永明元年春正月辛亥祀南郊大赦改元壬子詔內外羣僚各進

齊無封陰平王四字
而下有以隴西公宕昌
王字亦不知其所據
也按陰平宕昌皆附
于魏于江左時通于
南齊特屬唐而已故
其事不詳而南史僅
所載與各紀且有異
同殆不可攷缺之可也

讜言王公卿士各舉所知又詔守宰祿奉蓋有恒準往以邊虜告
警故公時損益今區宇寧晏宜加優獎郡縣丞尉可還田秩壬戌
立皇弟銳為南平王鏗為宜都王皇子子明為武昌王子罕為南
海王望氣者云新林婁湖東府西有氣甲子築青溪舊宮作新婁
湖苑以厭之二月庚寅以征虜將軍楊昺為沙州刺史封陰平王
三月丙辰詔以星緯失序陰陽愆度申辛亥赦恩五十日以期訖
為始戊寅詔四方見囚罪無輕重及劫賊餘口長徒赦繫悉皆原
赦夏五月丁酉車騎將軍張敬兒有罪伏誅秋八月壬申魏人來
聘冬十月丙寅使驍騎將軍劉纘聘于魏十一月己卯雷十二月
乙巳朔日有蝕之

二年春正月乙亥以護軍將軍柳世隆為尚書右僕射以南兗州
刺史竟陵王子良為護軍將軍兼司徒壬寅以新除尚書右僕射

柳世隆為左僕射以丹陽尹李安人為右僕射秋七月甲申立皇
子子倫為巴陵王八月丙午幸舊宮申都下獄及三署見徒量所
降宥戊申幸玄武湖講武壬子扶南國遣使朝貢并獻頌章云甲
子詔都下二縣墳墓毀發隨宜掩埋遺骸未視者並加斂瘞疾困
不能存者詳加霑賚冬十二月庚申魏人來聘

三年春正月辛卯祀南郊赦三百里內罪應入重者降一等餘依
赦制三月甲寅使輔國將軍劉纘聘于魏夏五月省總明觀秋七
月甲戌左光祿大夫開府儀同三司王僧虔薨辛卯於益州置平

蠻校尉官八月乙未幸中堂聽訟乙巳以行宕昌王梁彌頡為河
涼二州刺史封隴西公宕昌王冬十一月丙辰魏人來聘十二月

以江州刺史王奐為尚書右僕射改封武昌王子明為西陽王
四年春閏正月癸巳立皇子子貞為邵陵王丁未以武都王楊集

永明三年立國子學
四年國子講學
車駕幸學賜酒
博士助教酒各有差
齊書俱載而南史

始為北秦州刺史辛亥耕籍田詔宥殊死以下甲寅幸閱武堂勞酒小會賜王公以下在位者帛有差戊午幸宣武堂講武二月丙寅大風吳興偏甚樹葉皆赤己未立皇弟鉢為晉熙王鉉為河東王壬午使通直郎裴昭明聘于魏

五年春正月戊子以太尉豫章王嶷為大司馬車騎將軍竟陵王子良為司徒驃騎將軍臨川王映衛將軍王儉中軍將軍王敬則並以本號開府儀同三司以尚書右僕射王奐為尚書左僕射辛卯賜孤寡老疾各有差夏四月庚午殷祀太廟降諸囚徒先是立商飈館於孫陵岡世呼為九日臺秋九月辛卯車駕幸焉冬十月初起新林苑

六年春三月甲申詔皇太子於東宮玄圃園宣猷堂臨訊及三署徒隸已亥封皇子子響為巴東王夏五月庚辰左衛殿中將軍鄆

超表諫射雉書奏賜死又賴川荀丕亦以諫諍託他事及誅六月辛未詔省州郡縣送故輸錢者秋七月齊興太守劉元寶於郡城墜得錢三十七萬皆輸厚徑一寸半以獻上以為瑞班賜公卿九月壬寅於琅邪城講武習水步軍冬十月庚申立冬初臨太極殿讀時令十一月丙戌土霧竟天如烟人人眼鼻二日乃止

七年春正月丙午以鎮南將軍柳世隆為尚書左僕射以豫州刺史西昌侯鸞為右僕射辛亥祀南郊大赦申明不舉子之科若有產子者復其父壬戌驃騎將軍開府儀同三司臨川王映薨戊辰詔以諸大夫年秩隆重增俸給見役三月甲寅立皇子子岳為臨賀王子峻為廣漢王子琳為宣成王子珉為義安王夏五月乙巳

尚書令衛將軍開府儀同三司王儉薨甲子以新除尚書左僕射柳世隆為尚書令秋九月壬寅魏人來聘冬十一月戊申詔平南

以柳世隆為左僕射
西昌侯鸞為右僕射
南史有之而齊書不
載至五月以新除左
僕射柳世隆為尚書
左僕射世隆是左僕
射之不書乃齊書
大也南史與齊書異
同類多姑記之如西
昌侯鸞為右僕射
差五載於前從之
以南史為正

參軍顏幼明聘於魏

八年春正月庚子以領軍王奐為尚書左僕射丁巳以行百濟王
泰為鎮東大將軍百濟王二月辛卯零陵王司馬藥師薨夏四月
戊辰朔詔公卿以下各舉所知六月己巳魏人來聘庚午長沙王
晃薨丙申大雷雨黃光竟天照地狀如金乙酉都下大風發屋秋
七月癸卯詔以陰陽舛和緯象愆度儲胤嬰患淹歷旬晷可大赦
八月壬辰荊州刺史巴東王子響反遣丹陽尹蕭順之討之子響
伏誅乙酉以河南王世子休留代為西秦河二州刺史封河南王
冬十一月戊寅詔量增尚書丞郎賜祿己卯改封宣城王子琳為
南康王立皇子子建為湘東王
九年春正月甲午省平蠻府辛巳祀南郊降都下見囚戊午詔射
聲校尉裴昭明聘于魏三月癸巳明堂災夏五月丙申林邑國獻

是時故則顯達猶
存蓋生而豫定也

金簞丁未魏人來聘安成王高薨己未樂游正陽堂災秋八月己
亥使司徒參軍蕭琛聘于魏吳興義興大水乙卯蠲二郡租九月
戊辰幸琅邪城講武觀者傾都普頒酒肉冬十月甲寅魏人來聘
十年春正月戊午以司徒竟陵王子良為尚書令以尚書右僕射
西昌侯鸞為左僕射詔增內外有務衆官祿奉丙戌詔故太宰褚
彥回故太尉王儉故司空柳世隆驃騎大將軍王敬則鎮軍大將
軍陳顯達故鎮東將軍李安人配享太祖廟庭二月乙巳使司徒
參軍蕭琛聘于魏

十一年春正月戊午以驃騎大將軍豫州刺史王敬則為司空乙
亥皇太子長懋薨二月雍州刺史王奐有罪伏誅三月丙寅以金
紫光祿大夫王晏為尚書右僕射夏四月癸未魏人來聘甲午立
皇孫昭業為皇太孫賜天下為父後者爵一級五月戊辰以旱故

都下二縣朱方姑熟權斷酒秋七月丁巳曲赦南兗豫司徐五州
南豫州之歷陽譙臨江廬江四郡三調衆逋宿責並同原除其緣
淮及青冀新除僑人復除已訖更申五年先是魏地謠言赤火南
流喪南國是歲有沙門從北齋此火而至色赤於常火而微云以
療疾貴賤爭取之多得其驗二十餘日都下大盛咸云聖火詔禁
之不止火炙至七炷而疾愈吳興丘國賓密以還鄉邑人楊道慶
虛疾二十年依法炙卽差是月上不豫徙御延昌殿始登階而殿
屋鳴吒上惡之魏軍將至上慮朝野憂惶力疾召樂府奏正聲伎
戊寅大漸詔曰始終大期聖賢不免吾行年六十亦復何恨但皇
業艱難萬機自重不能無遺慮耳太孫進德日茂社稷有寄子良
善相毗輔思弘正道內外衆事無大小悉與鸞參懷尚書是職務
根本悉委王晏徐孝嗣軍旅捍邊之略委王敬則陳顯達王廣之

王玄邈沈文季張瓌薛深等百辟庶僚各奉爾職謹事太孫勿有
懈怠又詔曰我識滅後身上著夏衣畫天衣純烏犀導絰諸器服
悉不得用寶物及織成等唯裝複袂衣各一通常所服乃長短二
口鐵環者隨入梓宮祭敬之典本在因心靈上慎勿以牲爲祭祭
惟設餅茶飲干飯酒脯而已天下貴賤咸同此制未山陵前朔望
設菜食陵墓萬世所宅意常恨休安陵未稱今可用東三處地最
東邊以塋我名爲景安陵喪禮每存省約不須煩人百官停六時
入臨朔望祖日可依舊諸主六宮並不須從山陵內殿鳳華壽昌
曜靈三處是吾所改制夫貴有天下富兼四海宴處寢息不容乃
陋謂此爲奢儉之中慎勿壞去顯陽殿玉像諸佛及供養具如別
牒可盡心禮拜供養之絰有功德事可專在中自今公私皆不得
出家爲道及起立塔寺以宅爲精舍並嚴斷之惟年六十必有道

已開卷武麴姓之

自定陵名

是連下句

千當作乾

是絰作應

心聽朝賢選序已有別詔諸小小賜乞及閣內處分亦有別牒內
外禁衛勞舊王帥左右悉令蕭謹優量驅使之是日上崩于延昌
殿年五十四羣臣上謚曰武皇帝廟號世祖九月丙寅葬景安陵
上剛毅有斷政總大體以富國為先頗喜游宴彫綺之事言常恨
之未能頓遣臨崩又詔凡諸游費宜從休息自今遠近薦獻務存
節儉不得出界營求相高奢麗金粟繒纊敝人已甚珠玉玩好傷
俗尤重嚴加禁絕

論曰齊高帝基命之初武功潛用泰始開運大拯時艱及蒼梧暴
虐釁結朝野而百姓慄慄命縣朝夕權道既行兼濟天下元功振
主利器難以假人羣方戮力實懷尺寸之望豈惟天厭水行固已
人希木德婦功與能事極乎此武帝雲雷伊始功參佐命雖為繼
體事實艱難御袞垂旒深存政典文武授任不革舊章明罰厚恩

皆由已出外表無塵內朝多豫機事平理職貢有恆府藏內充鮮
人勞役宮室苑圃未足以傷財安樂延年衆庶所同幸亦有齊之
良主也據齊梁紀錄並云出自蕭何又編御史大夫望之以為先
祖之次案又何及望之於漢俱為勳德而望之本傳不有此陳齊
典所書便乖實錄近秘書監顏師古博考經籍注解漢書已正其
非今隨而改削云

南史齊帝諸紀與齊書多有異同不獨刪削太多而亦有增添者當別有據然於輕重取舍之間頗有未曉蓋難以一詳考其
如蠲通租恤貧之減罪責諸語雖多虛妄然當畧存其概而刪削大者又如永明四年富陽人唐寓之反害東陽太守遣僧
討平之此事應載而亦不書舉此以例他可知矣又四年詔揚南徐二州今年戶租三分二取見布一分取錢來歲以後遠近諸州輸
錢處並減布匹准四百依舊折米以為永制此宜詳載而亦略之永明七年正月詔三百里內同集京師尅日聽覽自此
以外姜州郡說之聽察三署徒隸詳所原釋此齊書所載而南史云三月詔皇太子於東宮元圃園宣猷堂臨說及三署徒
隸兩書不同當是正月發詔說及三月諸獄乃集命皇太子臨說而各記其一所以不同耳

南史是永明六年非
七年

己巳月初三日過錄記

南史卷五

齊本紀下第五

西川忠國書
氏圖內用

廢帝鬱林王

廢帝海陵王

明帝

廢帝東昏侯

和帝

廢帝鬱林王諱昭業字元尚小字法身文惠太子長子也高帝為相王鎮東府時年五歲牀前戲高帝方令左右拔白髮問之曰兒言我誰耶答曰太翁高帝笑謂左右曰豈有為人作曾祖而拔白髮者乎即擲鏡鑷其後問訊高帝指示賓客曰我基於此四世矣及武帝即位封為南郡王時年十歲永明五年十一月戊子冠於

東宮崇正殿其日小會賜王公以下帛各有差給南郡王扶二人
七年有司奏給班劍二十人鼓吹一部高選友學禮絕羣王十一
年給阜輪三望車文惠太子薨立南郡王爲皇太孫居東宮其年
七月戊寅武帝崩皇太孫卽帝位大赦八月壬午詔稱遺詔以護
軍將軍武陵王曄爲衛將軍征南大將軍陳顯達卽本號並開府
儀同三司以尚書左僕射西昌侯鸞爲尚書令右僕射王晏爲左
僕射吏部尚書徐孝嗣爲右僕射癸未加司徒竟陵王子良位太
傅增班劍三十人蠲除三調及衆逋在今年七月三十日以前者
省御府及無用池田邸治減關市征稅先是每有蠲原之詔少無
事實督責如故是時西昌侯鸞任知朝政天下咸望風來蘇至此
恩信兩行海內莫不欣然九月辛酉追尊文惠皇太子爲世宗文
皇帝冬十月壬寅尊皇太孫太妃爲皇太后立皇后何氏十一月

庚戌魏人來聘辛亥立臨汝公昭文爲新安王曲江公昭秀爲臨

海王皇弟昭粲爲永嘉王

隆昌元年春正月丁未大赦改元加大傅竟陵王子良殊禮鎮軍
將軍西昌侯鸞卽本號爲大將軍給鼓吹一部親兵五百人以領
軍鄱陽王鏘爲尚書右僕射詔百僚極陳得失又詔王公以下各
舉所知辛亥祀南郊省隆昌元年以來流入戊午拜崇安陵甲戌
使司徒參軍劉敷聘于魏二月辛卯祀明堂夏四月辛巳衛將軍
開府儀同三司武陵王曄薨戊子太傅竟陵王子良薨丁酉以驃
騎將軍廬陵王子卿爲衛將軍尚書右僕射鄱陽王鏘爲驃騎將
軍並開府儀同三司閏月丁卯以鎮軍大將軍西昌侯鸞卽本號
開府儀同三司五月甲戌朔日有蝕之秋七月癸巳皇太后令廢
帝爲鬱林王帝少美容止好隸書武帝特所鍾愛敕皇孫手書不

得妄出以貴之進退音吐甚有令譽生而爲竟陵文宣王所攝養常在袁妃間竟陵王移任西州帝亦隨任焉性甚辯慧哀樂過人接對賓客皆欵曲周至矯情飾詐陰懷鄙惡與左右無賴羣小二十許人共衣食同臥起妃何氏擇其中貌美者皆與交歡密就富市人求錢無敢不與及竟陵王移西邸帝獨任西州每夜輒開後堂問與諸不逞小人至諸營署中淫宴凡諸小人並逆加爵位皆疏官名號於黃紙使各囊盛以帶之許南面之日卽便施行又別作籥鉤兼善效人書每私出還輒肩簪封題如故故人無知者師史仁祖侍書胡天翼聞之相與謀曰若言之二宮則其事未易若與營署爲異人所毆打及大物所傷豈直罪止一身亦當盡室及禍年各已七十餘生寧足吝邪數日中二人相係自殺二宮不知也武帝以旣陽縣寒人給事中綦母珍之代仁祖剡縣寒人馬澄代天翼文惠太子每禁其起居節其用度帝謂豫章王妃庾氏曰阿婆佛法言有福生帝王家今見作天王便是大罪左右主帥動見拘執不如市邊屠酤富兒百倍文惠太子自疾及薨帝侍疾及居喪哀容號毀旁人見者莫不嗚咽裁還私室卽歡笑酣飲備食甘滋塋畢立爲皇太孫問訊太妃截壁爲閣於太妃房內徃何氏間每入輒彌時不出武帝徃東宮帝迎拜號慟絕而復蘇武帝自下輿抱持之寵愛日隆又在西州令女巫楊氏禱祀速求天位及文惠薨謂由楊氏之力倍加敬信呼楊婆宋氏以來人間有楊婆兒哥蓋此徵也武帝有疾又令楊氏日夜禱祈令宮車早晏駕時何妃在西州武帝未崩數日疾稍危與何氏書紙中央作一大喜字而作三十六小喜字繞之侍武帝疾憂容慘慙言發淚下武帝每言及存亡帝輒哽咽不自勝武帝以此謂爲必能荷負大業謂

曰五年中一委宰相汝勿厝意五年以後勿復委人若自作無成無所多恨臨崩執帝手曰阿奴若憶翁當好作如此再而朕大斂始畢乃悉呼武帝諸伎備奏衆樂諸伎雖畏威從事莫不哽咽流涕素好狗馬卽位未逾旬便毀武帝所起招婉殿以材賜闈人徐龍駒於其處爲馬埽馳騎墜馬面額並傷稱疾不出者數日多聚名鷹快犬以梁肉奉之及武帝梓宮下洛帝於端門內奉辭輓輓車未出端門便稱疾還內裁入閣卽於內奏胡伎鞞鐸之聲震響內外時司空王敬則問新除射聲校尉蕭坦之曰便如此不當忽怒邪坦之曰此政是內人哭響徹耳自山陵之後便於閣內乘內人車問訊往皇后所生母宋氏間因微服游走市里又多往文帝崇安陵隧中與羣小共作諸鄙褻擲塗賭跳放鷹走狗雜狡獪帝旣失道朝事大小皆決之西昌侯鸞鸞有諫多不見從極意賞賜

左右動至百數十萬每見錢曰我昔思汝一個不得今日得用汝未武帝聚錢上庫五億萬齋庫亦出三億萬金銀布帛不可稱計卽位未朞歲所用已過半皆賜與諸不逞羣小諸寶器以相擊剖破碎之以爲笑樂及至廢黜府庫悉空其在內嘗裸袒著紅紫錦繡新衣錦帽紅縠禪雜采袒服好鬪雞密買雞至數千價武帝御物甘草杖宮人寸斷用之徐龍駒爲後宮舍人日夜在大宮房內即文帝太子帝與文帝幸姬霍氏淫通改姓徐氏龍駒勸長留宮內聲云度霍氏爲尼以餘人代之皇后亦淫亂齋問通夜洞開內外淆雜無復分別中書舍人綦母珍之朱隆之直閣將軍曹道剛周奉叔並爲之羽翼西昌侯鸞屢諫不納旣而尼媪外人頗傳異語乃疑鸞有異志中書令何胤以皇后從叔見親使直殿省常隨后呼胤爲三父與胤謀誅鸞令胤受事胤不敢當依違杜諫乃止又謀出鸞於

袒當作相

後宮宮中當作問

西州中敕用事不復關諮鸞慮變先使蕭諶坦之等於省誅曹道
剛朱隆之等率兵自尚書省入雲龍門戎服加朱衣於上比入門
三失履王晏徐孝嗣蕭坦之陳顯達王廣之沈文季係進帝在壽
昌殿裸身與霍氏相對聞外有變使開內殿諸房閤令閹人登興
光樓望還報云見一人戎服從數百人急裝在西鍾樓下須臾蕭
諶領兵先入宮帝走向愛姬徐氏房拔劍自刺不入以帛纏頸與
接出延德殿諶初入殿宿將士皆衛執弓楯欲戰諶曰所取自有
人卿等不須動宿衛信之及帝出各欲自奮帝竟無一言出西弄
遇弒年二十二昇尸出徐龍駒宅殯葬以王禮霍氏及廣昌君宋
並賜死餘黨亦見誅先是文惠太子立樓館於鍾山下號曰東田
太子屢游幸之東田及語為顛童也武帝又於青溪立宮號曰舊
宮反之窮廡也果以輕狃而至於窮又武帝時有小史姓皇名太

宿下當有
衛字下傳

太附會

子武帝曰皇太子非名之謂於是移點於外易名爲太子處士何
點曰太子者天地之所懸三才之所係今化而爲犬不得立矣既
而文惠太子薨鬱林海陵相繼廢黜此其驗也永明中百姓忽著
破後帽始自建業流於四遠貴賤翕然服之此服祆也帽自蕭諶
之家其流遂遠天意若曰武穆文昭皆當滅而諶亦誅死之效焉
廢帝海陵恭王諱昭文字季尚文惠太子第二子也永明四年封
臨汝公鬱林王卽位改封新安王及鬱林廢西昌侯鸞奉帝纂統
延興元年秋七月丁酉皇帝卽位大赦改元賜文武位二等以鎮
軍大將軍開府儀同三司錄尚書事都督揚州刺史加班劍爲三
十人封宣城郡公出鎮東城以尚書左僕射王晏爲尚書令以丹
陽尹徐孝嗣爲左僕射以領軍將軍沈文季爲右僕射以車騎大
將軍陳顯達爲司空以驃騎大將軍鄱陽王鏘爲司徒命宣城公

齊書三帝此據明
帝紀有使持節都
督揚州徐州諸軍
刺史例作都督
州刺史而於明帝
亦增加都督三字
齊書廢帝紀與
海陵明帝紀所載
不同亦未知孰是

蕭何誅滅高帝
武帝子孫負恩悻
孟極矣

鸞甲仗百人入殿陳顯達王晏徐孝嗣蕭湛各五十人入殿八月
壬辰魏人來聘甲午以前司空王敬則為太尉辛丑復置南蠻校
尉官甲辰詔使者觀省風化九月癸未誅新除司徒鄱陽王鏐中
書大將軍隨王子隆遣平西將軍王廣之誅南兗州刺史安陸王
子敬于是江州刺史晉安王子懋起兵遣中護軍王玄邈討誅之
乙酉又誅湘州刺史南平王鈔郢州刺史晉熙王鈔南豫州刺史
宜都王鏗丁亥以衛將軍廬陵王子卿為司徒以撫軍將軍桂陽
王鐸為中軍將軍開府儀同三司冬十月丁酉加宣城公鸞黃鉞
進授都督中外諸軍事太傅領大將軍揚州刺史加殊禮進爵為
王戊戌誅新除中軍將軍桂陽王鐸撫軍將軍衡陽王鈞侍中祕
書監江夏王鋒鎮軍將軍建安王子貞左將軍巴陵王子倫是時
宣城王鸞輔政帝起居皆諮而後行思食蒸魚菜太官令答無錄

貞監作真

可憐

此段可刪

公命竟不與辛亥皇太后令廢帝為海陵王使宣城王入纂皇統
建武元年詔海陵王依漢東海王彊故事給虎賁旄頭畫輪車設
鍾簾宮縣十一月稱王有疾數遣御師往視乃殞之給温明祕器
斂以竟冕之服大鴻臚監護喪事塋給輜輶車九旒大輅黃屋左
纛前後部羽葆鼓吹挽歌二部依東海王彊故事謚曰恭先是武
帝立禪靈寺於都下當世以為壯觀天意若曰禪者禪也靈者神
明之目漢文帝晏駕而鼎業傾移也永明世市里小兒以鐵相擊
於地謂之鬪鑿鑿之為言族也至是宗室族滅矣又武帝時以燕
支為朱衣朝士皆服之及明帝以宗子入纂此又奪朱之效也時
又多以生紗為帽半其裙而祈之號曰倚勸先是人間語好云擾
攘建武至是朝士勸進實為怨遷倚勸擾攘之言於是驗矣
高宗明皇帝諱鸞字景柝始安貞王道生之子也小字玄度少孤

書宮作真

清道而行四字當
行齊下有上甚悅
字或補入

高帝撫育過諸子宋泰豫元年為安吉令有嚴能之名昇明中累
遷淮南宣城二郡太守進號撫國將軍高帝踐祚封西昌侯位郢
州刺史永明元年為侍中領驍騎將軍王子侯舊乘纏帷車帝獨
乘下帷儀從如素士公事混撓販食人擔火誤燒牛鼻豫章上以白
武帝帝笑焉轉為散騎常侍左衛將軍清道而行十年累遷尚書
左僕射右衛將軍武帝遺詔為侍中尚書令尋加鎮軍將軍給班
劔二十人隆昌元年即本號為大將軍給鼓吹一部親兵五百人
尋加中書監開府儀同三司海陵王立為驃騎大將軍錄尚書事
揚州刺史加都督增班劔為三十人封宣城郡公鎮東府城給兵
五千人錢二百萬布千匹九江事難假黃鉞事寧表送之尋加黃
鉞都督中外諸軍事太傅領大將軍揚州牧增班劔為四十人給
幢絡三望車前後部羽葆鼓吹劔履上殿入朝不趨贊拜不各置

事當是此

左右長史司馬從事中郎掾屬各四人封宣城王未拜太后令廢
海陵王以上入纂高帝為第三子羣臣三請乃受命建武元年冬
十月癸亥皇帝即位大赦改元文武賜位二等以太尉王敬則為
大司馬以司空陳顯達為太尉乙丑詔斷遠近上禮丁卯詔自今
雖文篆刻歲時光新可悉停省藩牧守宰或有薦獻事非任土嚴
加禁斷十一月壬申日有蝕之帝宿沐浴不御內其日潔齋蔬食
斷朝務屏人單衣危坐以至事畢追尊始安貞王為景皇妃江
氏為懿后別立寢廟號陵曰修安封桂陽王鑠等諸王子皆為列
侯凡諸王侯得罪者諸子皆復屬藉又詔遣大使觀省四方癸酉
革永明之制依晉宋舊典太子以師禮敬少傅甲戌進大司馬尋
陽公王敬則等十三人爵邑各有差省新林苑先是百姓地者悉
以還主廢南蠻校尉官己卯追崇妃劉氏為敬皇后號陵曰興安

庚辰立皇子寶義為晉安王寶玄為江夏王寶源為廬陵王寶寅
為建安王寶融為隨郡王寶攸為南平王甲申斷官長貢獻及私
餉遺以安陸昭王緬第二子寶晔襲封安陸王丁亥詔細作中署
材官車府凡諸王可悉開番假遞令休息戊子立皇子寶卷為皇
太子賜天下為父後者爵一級己丑詔東宮肇建遠近或有慶禮
可悉斷之永明中御史中丞沈深表百官年登七十者皆令致仕
並窮田私門庚子詔自縉紳年及可一遵永明七年以前銓叙之
科十二月庚戌宣德右僕射劉朗之游擊將軍劉瓛之子坐不贍
給兄子致使隨母他嫁免官禁錮終身付之鄉論是歲魏孝文皇
帝遷都洛陽

二年春正月辛未降都下繫囚殊死以下詔王公以下各舉所知
內外羣僚各進忠言無有所諱魏攻豫司徐梁四州壬申遣鎮軍

王廣之督司州右衛將軍蕭坦之督徐州尚書右僕射沈文季督
豫州以拒魏己卯詔都下二縣有毀發墳隴宜修理乙未魏軍攻
鍾離徐州刺史蕭惠休破之丙申加太尉陳顯達使持節都督西
北道諸軍事丁酉內外纂嚴三月己未司州刺史蕭誕與眾軍攻
敗魏軍詔雍豫司南兗徐五州遭遇兵戎之家悉停今年稅調丙
寅停青州麥租魏軍自壽春退甲申解嚴夏四月己亥朔親錄三
百里內獄訟自外委州郡訊察三署徒隸原遣有差魏軍圍漢中
梁州刺史蕭懿拒退之五月甲午寢廟成詔監作長帥賜位一等
六月壬戌誅領軍蕭詵西陽王子明南海王子罕邵陵王子貞秋
九月己丑改封南平王寶攸為邵陵王蜀郡王子文為西陽王廣
漢王子峻為衡陽王臨海王昭秀為巴陵王永嘉王昭粲為桂楊
王冬十月癸卯詔罷東田毀光興樓并詔水衡量省御乘乙卯納

皇太子妃褚氏大赦王公以下班賜各有差斷四方上禮十二月
丁酉詔晉帝諸陵悉皆修理并增守衛吳晉陵失稔之鄉蠲三調
有差

三年春正月丁酉以陰平王楊昺子崇祖爲沙州刺史封陰平王
二月己巳詔申明守長六周之制事竟不行乙酉詔以去歲魏攻
緣邊諸州郡將士有臨陣及病死者並送還本土三月壬午詔車
府乘輿有金銀飾者皆剔除之夏四月魏軍攻司州櫟城戍主魏
僧暕擊破之冬閏十二月戊寅皇太子冠賜王公以下帛各有差
爲父後者賜爵一級斷遠近上禮

四年春正月庚午大赦庚辰詔人產子者蠲其父母調役一年又
賜米十斛新婚者蠲夫役一年壬辰誅尚書令王晏二月以尚書
左僕射徐孝嗣爲尚書令秋八月甲午追尊景皇所生王氏爲恭

宣元

太后魏軍攻沔北冬十月又逼司雍二州甲戌遣太子中庶子蕭
衍右軍司馬張稷禦之十一月丙辰以氏楊靈珍爲北秦刺史封
仇池公武都王十二月丁丑遣度支尚書崔慧景率衆救雍州
承泰元年春正月癸未朔大赦中軍大將軍徐孝嗣卽本號開府
儀同三司沔北諸郡爲魏所攻相繼亡敗新野太守劉忌隨宜應
接食盡煮土爲粥而救兵不至城被尅死之乙巳遣太尉陳顯達
持節救雍州丁未誅河東王鈺臨賀王子岳西陽王子文衡陽王
子峻南康王子琳永陽王子珉湘東王子建南郡王子夏巴陵王
昭秀桂陽王昭粲二月癸丑遣左衛將軍蕭惠休節援壽陽辛
未豫州刺史裴叔業敗魏軍于淮北三月甲午蠲雍州遇魏軍之
縣租布戊申詔增仲尼祭秩上以疾患不瘳望氣者云宜改元夏
四月甲寅大赦改元文武賜位二等己未立武陵昭王子坦爲

衡陽王丁丑大司馬會稽太守王敬則舉兵反五月壬午遣輔國將軍劉山陽率軍東討乙酉斬敬則傳首建鄴曲赦浙東吳晉陵等七郡秋七月己酉帝崩于正福殿年四十七遺詔徐孝嗣可重申八命中書監本官悉如故沈文季可尚書左僕射常侍護軍如故江祏可右僕射江祀可侍中劉暄可衛尉卿軍政大事委陳太尉內外衆事無大小委徐孝嗣遙光坦之江祏其大事與沈文季江祀劉暄參懷心腹之任可委劉俊蕭惠休崔慧景羣臣上謚曰明皇帝廟號高宗塋興安陵帝明審有吏才持法無所借制御親幸臣下肅清驅使寒人不得用四幅緹大存儉約罷武帝所起新林苑以地還百姓廢文惠太子所起東田斥賣之永明中輿輦舟乘悉剔金銀還玉衣庫以牙角代之嘗用皂莢詔授餘潔與左在曰此猶甚明日用大官進御食有裹蒸帝十字畫之曰可四片破之餘充晚食而武帝掖庭中宮殿服御一無所改其儉約如此性猜忌亟行誅戮信道術用計數每出行幸先占利害簡於出入將南則詭言之北皆不以實竟不南郊初有疾無輟聽覽羣臣莫知及疾篤敕臺省府署文簿求白魚以爲藥外始知之身衣絳衣服飾皆赤以爲厭勝巫覡云後湖水頭經過宮內致帝有疾帝乃自至太官行水溝左右啟太官無此水則不立決意塞之欲南引淮流會崩事寢

廢帝東昏侯諱寶卷字智藏明帝第二子也本名明賢明帝輔政後改焉建武元年立爲皇太子永泰元年七月己酉明帝崩太子卽皇帝位八月庚申鎮北將軍晉安王寶義進號征北大將軍開府儀同三司冬十月己未詔刪省律科癸亥詔蕭坦之江祏更直殿省總監宿衛辛未詔劉暄江祏更直延明殿省十一月戊子立

皇后褚氏庚寅尚書令徐孝嗣議王侯貴人昏連昏以真銀盃蓋
出近俗又牢燭侈縷亦虧曩制今除金銀連鎖自餘新器悉用埏
陶牢燭華侈亦宜停之奏可

永元元年春正月戊寅朔大赦改元辛卯祀南郊丁酉改封隨王
寶融爲南康王安陸王寶暉爲湘東王竟陵王昭胃爲巴陵王二
月太尉陳顯達敗績于馬圈夏四月丙午朔魏孝文皇帝崩己巳
立皇子誦爲皇太子大赦賜爲父後者爵一級五月癸亥加撫軍
大將軍始安王遙光開府儀同三司六月甲子詔原雍州今年三
調秋七月辛未淮水變赤如血丙戌殺尚書右僕射江祏侍中江
祗地震自此至來歲晝夜不止小屋多壞丁卯都下大水死者甚
衆賜死者材器並加振恤八月乙巳蠲遇水資財漂蕩者今年調
稅又詔爲馬圈戰亡將士舉哀丙辰揚州刺史始安王遙光據東

反詔曲赦都下中外戒嚴遣領軍將軍蕭坦之致討戊午斬遙光
傳首己巳以尚書令徐孝嗣爲司空以領軍蕭坦之爲尚書左僕
射閏月丙子以江陵公寶覽爲始安王九月甲辰殺尚書左僕射
蕭坦之右衛將軍曹武戊午殺領軍將軍劉暄壬戌以頻殺大臣
大赦冬十月乙未誅尚書令新除司空徐孝嗣右僕射新除鎮軍
將軍沈文季庚子以吳興太守蕭惠休爲尚書右僕射辛丑以侍
中王亮爲左僕射十一月丙辰太尉江州刺史陳顯達舉兵反於
尋陽乙丑加護軍將軍崔慧景平南將軍督衆軍南討十二月甲
申陳顯達至都宮城嚴警乙酉斬顯達傳其首餘黨盡平
二年春正月庚午詔討豫州刺史裴叔業二月己丑叔業病死兄
子植以壽春降魏三月乙卯以平西將軍崔慧景攻壽春夏四月
丙午尚書右僕射蕭惠休卒丁未崔慧景於廣陵反舉兵內向壬

子命右衛將軍左興盛督都下水步衆軍禦之南徐州刺史江夏王寶玄以京城納慧景乙卯遣中領軍王瑩率衆軍屯北籬門壬戌慧景至瑩等敗績甲子慧景入建鄴臺城內閉門拒守豫州刺史蕭懿興兵入援己巳以懿爲尚書右僕射癸酉慧景棄衆走斬之詔曲赦都下及南徐南兗二州乙亥以新除尚書右僕射蕭懿爲尚書令丙子以中領軍王瑩爲尚書右僕射五月己酉江夏王寶玄伏誅壬子赦己丑曲赦都下及徐兗二州六月庚寅車駕於樂游苑內會如三元都下放女人觀秋七月甲申夜宮內火唯東閣內明帝舊殿數區及太極以南得存餘皆蕩盡冬十月己亥殺尚書令蕭懿十一月甲寅西中郎長史蕭穎胄起兵於荊州十二月雍州刺史蕭衍起兵於襄陽是歲魏官武皇帝景明元年三年春正月丙申朔日有融之帝與宮人於闕武堂元會皇后正

位闈人行儀帝戎服臨視丁酉以驃騎大將軍晉安王寶義爲司徒以新除撫軍將軍建安王寶寅爲車騎將軍開府儀同三司乙巳長星見竟天辛亥祀南郊大赦詔百官陳讜言二月丙寅乾和殿西廂火壬午詔遣羽林兵征雍州中外纂嚴始內橫吹五部於殿內晝夜奏之壬戌蚩尤旗見三月乙巳南康王寶融卽皇帝位於江陵癸丑遣平西將軍陳伯之西征六月蕭穎胄弟穎孚起兵廬陵戊子赦江州安成廬陵二郡秋七月癸巳曲赦荆雍二州雍州刺史張欣泰前南譙太守王靈秀率石頭文武奉建安王寶寅向臺至杜姥宅宮門閉乃散走丙辰龍關于建康淮激水五里八月辛卯以太子左率李居士總督西討諸軍事屯新亭九月甲辰蕭衍至南豫州輔國將軍監南豫州事甲冑軍二萬人於姑熟奔歸丙辰李居士與衍軍戰於新亭見敗冬十月甲戌王珍國又戰

敗於朱雀航戊寅寧朔將軍徐元瑜以東府城降青冀二州刺史
桓和入衛屯東宮尋亦降衍於是閉宮城門自守十二月丙寅新
除雍州刺史王珍國侍中張穆率兵入殿殺帝時年十九帝在東
宮便好弄不喜書學明帝亦不以爲非但勗以家人之行令太子
求一日再入朝發詔不許使三日一朝在宮嘗夜捕鼠達旦以爲
笑樂明帝臨崩屬後事以隆昌爲戒曰作事不可在人後故委任
羣小誅諸宰臣無不如意性訥澀少言不與朝士接欲速葬惡靈
在太極殿徐孝嗣固爭得踰月每當哭輒云喉痛太中大夫羊闡
入臨無髮號慟俯仰憤遂脫地帝輟哭大笑謂宦者王寶孫曰此
謂禿秋啼來乎自江祏始安王遙光等誅後無所忌憚日夜於後
堂戲馬鼓譟爲樂合夕便擊金鼓吹角令左右數百人叫雜以羌
胡橫吹諸伎常以五更就臥至晡乃起王侯以下卽朔朝見晡後
方前或際暗遣出臺閣案奏月數十日乃報或不知所在闔豎以
紙包裹魚肉還家並是五省黃案二年元會食後方出朝賀裁竟
便還殿西序寢自己至申百僚陪位皆僵仆菜色比起就會忽遽
而罷太子所生母黃貴嬪早亡令潘妃母養之拜潘氏爲貴妃乘
臥輿帝騎馬從後著織成袴褶金薄帽執七寶縛稍又有金銀校
具錦繡諸帽數十種各有名字戎服急裝縛袴上著絳衫以爲常
服不變寒暑陵冒雨雪不避阨窄馳騁渴乏輒下馬解取腰邊蠡
器酌水飲之復上馳去馬乘具用錦繡處患爲雨所濕織雜采珠
爲覆蒙備諸雕巧教黃門五六十人爲騎容又選營署無賴小人
善走者爲逐馬鷹犬左右數百人常以自隨奔走往來略不暇息
置射雉場二百十六處翳中帷帳及步障皆給以綠紅錦金銀鏤
弩牙瑋瑁帖箭每出輒與鷹犬隊王徐令孫熾翳隊王俞靈韻齊

馬而走左右爭逐之又甚有筋力牽弓至三斛五斗能擔幢初學
擔幢每傾倒在幢杪者必致踈傷其後白虎幢七丈五尺齒上擔
之折齒不倦擔幢諸校具服飾皆自製之綴以金華玉鏡衆寶舍
人主書及至左右主帥並皆侍側逞諸變態曾無愧顏始欲騎馬
未習其事俞靈韻爲作木馬人在其中行動進退隨意所適其後
遂爲善騎陳顯達卒漸出游走不欲令人見之驅斥百姓唯置空
宅而已是時率一月二十餘出旣往無定處尉司常慮得罪東行
驅西南行驅北應旦出夜便驅逐吏司奔驅叫呼盈路打鼓蹋圍
鼓聲所聞便應奔走臨時驅迫衣不暇披乃至徒跣走出犯禁者
應手杖殺百姓無復作業終日路隅從萬春門由東宮以東至郊
外數十里皆空家盡室巷陌懸幔爲高障置人防守謂之并除高
障之內設部伍羽儀復有數部皆奏鼓吹羌胡伎鼓角橫吹夜反

火光照天每三四更中鼓聲四出幢戟橫路百姓喧走士庶莫辨
或於市肆左側過親幸家環繞宛轉周徧都下老小震驚啼號塞
道處處禁斷不知所過疾患困篤者悉捫移之無人捫者扶匍道
側吏司又加捶打絕命者相係從騎及左右因之入富家取物無
不蕩盡工商莫不廢業樵蘇由之路斷至於乳婦昏姻之家移產
寄室或輿病棄屍不得殯葬有棄病人於青溪邊者吏懼爲監司
所問推置水中泥覆其面須臾便死遂失骸骨前魏興太守王敬
賓新死未斂家人被驅不得留視及家人還鼠食兩眼都盡如此
非一又嘗至沈公城有一婦人當產不去帝入其家問何獨在答
曰臨產不得去因剖腹看男女又長秋卿王儼病篤不聽停家死
於路邊丹楊尹王志被驅急狼狽步走惟將二門生自隨藏朱雀
航南酒壚中夜方得羽儀而歸喜游獵不避危險至蔣山定林寺

一沙門病不能去藏於草間爲軍人所得應時殺之左右韓暉光曰老道人可念帝曰汝見麀鹿亦不射邪仍百箭俱發故貴人富室者皆數處立宅以爲避圍之舍每還宮常至三更百姓然後得反禁斷又不卽通處處屯咽或泥塗灌注或冰凍嚴結老幼啼號不可聞見時人以其所圍處號爲長圍及建康城見圍亦名長圍識者以爲讖焉三年殿內火合夕便發其時帝猶未還宮內諸房閤已閉內人不得出外人又不敢輒開比及開死者相枕領軍將軍王瑩率衆救火太極殿得全內外叫喚聲動天地帝三更中方還先至東宮慮有亂不敢使人參覘無異乃歸其後出游火又燒璿儀曜靈等十餘殿及栢寢北至華林西至祕閣三千餘間皆盡左右趙鬼能讀西京賦云栢梁旣災建章是營於是大起諸殿芳樂芳德仙華大興含德清曜安壽等殿又別爲潘妃起神仙永壽玉壽三殿皆巾飾以金璧其玉壽中作飛仙帳四面繡綺窗間盡畫神仙又作七賢皆以美女侍側鑿金銀爲書字靈獸神禽風雲華炬爲之玩飾椽桷之端悉垂鈴佩江左舊物有古玉律數枚悉裁以鈿笛莊嚴寺有玉九子鈴外國寺佛面有光相禪靈寺塔諸寶珥皆剝取以施潘妃殿飾性急暴所作便欲速成造殿未施梁桷便於地畫之唯須宏麗不知精密酷不別畫但取絢耀而已故諸匠賴此得不用情又鑿金爲蓮華以帖地令潘妃行其上曰此步步生蓮華也塗壁皆以麝香錦幔珠簾窮極其麗繁役工匠自夜達曉猶不副速乃剔取諸寺佛刹殿藻井仙人騎獸以充足之武帝興光樓上施青漆世人謂之青樓帝曰武帝不巧何不純用瑠璃潘氏服御極選珍寶主衣庫舊物不復周用貴市人間金銀寶物價皆數倍虎珀釧一隻直百七十萬都下酒租皆折輸金

以供雜用猶不能足下揚南徐二州橋桁塘埭下計功爲直斂取見錢供太樂主衣雜費由是所在塘瀆悉皆隳廢又訂出雄雉頭鶴氅白鷺縷百品千條無復窮已親倖小人因緣爲姦科一輪十又各就州縣求爲人輸準取見直不爲輸送守宰懼威口不得道須物之處以復重求如此相仍前後不息百姓困盡號泣道路少府大官凡諸市買事皆悉速催求相係吏司奔馳遇便虜奪市廛離散商旅靡依又以闕武堂爲芳樂苑竒極麗當暑種樹朝種夕死而復種率無一生於是徵求人家望樹便取毀徹墻屋以移置之大樹合抱亦皆移掘插葉繫華取玩俄頃刻取細草來植階庭烈日之中至便焦燥紛紜往還無復已極山石皆塗以采色跨池水立紫閣諸樓壁上畫男女私褻之像明帝時多聚金寶至是金以爲泥不足周用令富室買金不問多少限以賤價又不還直

張欣泰嘗謂舍人裴長穆曰宮殿何事頓爾夫以秦之富起一阿房而滅今不及秦一郡而頓起數十阿房其危殆矣答曰非不悅子之道顧言不用耳潘妃放恣威行遠近父寶慶與諸小共逞姦毒富人悉誣爲罪田宅資財莫不啟乞或云寄附隱藏復加收沒計一家見陷禍及親隣又慮後患男口必殺明帝之崩竟不一日蔬食居處衣服無改平常潘妃生女百日而亡制斬衰經杖衣悉麤布羣小來弔盤旋地坐舉手受執蔬膳積旬不聽音伎左右直長闍豎王寶孫諸人共營有羞云爲天子解菜又於苑中立店肆模大市日游市中雜所賣物與宮人闍豎共爲禪販以潘妃爲市令自爲市吏錄事將鬪者就潘妃罰之帝小有得失潘則與杖乃救虎賁威儀不得進大荆子閤內不得進實中荻雖畏潘氏而竊與諸姊妹淫通每游走潘氏乘小輿宮人皆露禪著綠絲屣帝自

醫之生頭可新可
但不宜出之寶也
若西惡業之報也

語多未詳

戎服騎馬從後又開渠立埭躬自引船埭上設店坐而屠肉于時
百姓歌云閱武堂種楊柳至尊屠肉潘妃酤酒又偏信蔣侯神迎
來入宮晝夜祈禱左右朱光尚詐云見神動輒諮啟並云降福始
安之平遂加位相國末又號為靈帝車服羽儀一依王者又曲信
小祠日有十數師巫魔媪迎送紛紜光尚輒託云神意范雲謂光
尚曰君是天子要人當思百全詐光尚曰至尊不可諫正當託鬼
神以達意耳後東入樂游人馬忽驚以問光尚光尚曰向見先帝
大瞋不許數出帝大怒拔刀與光尚等尋覓既不見處乃縛菰為
明帝形北向斬之懸首苑門上自永元以後魏每來伐繼以內難揚
南徐二州人下三人取兩以此為率遠郡悉令上米準行一人五
十斛輸米既畢就役如故又先是諸郡役人多依人士為附隸謂
之屬各又東境役苦百姓多注籍詐病遣外醫巫在所檢占諸屬
名并取病身凡屬名多不合役止避小小假並是役蔭之家凡注
病者或已積年皆攝充將役又追責病者租布隨其年歲多少銜
命之人皆給貨賂隨意縱捨又橫調徵求皆出百姓羣小以陳顯
達下數日便敗崔慧景圍城正得十日及蕭衍師至亦謂為然裏
糧食樵芻凡所須物為百日備帝謂茹法珍曰須來至白門前當
一決及至近郊乃聚兵為固守詎召王侯分置尚書都坐及殿省
尚書舊事悉充紙鏡使冠軍將軍王珍國領三萬人據大柘莫有
鬪志遣王寶孫督戰呼為王侯子寶孫切罵諸將帥直閣將軍席
豪發憤突陣死豪驍將也既斃眾軍於是土崩軍人從朱雀觀上
自投及赴淮水死者無數於是閉城自守城內軍事委王珍國克
州刺史張稷入衛以稷為副實甲猶七萬人帝著烏帽袴褶備羽
儀登南掖門臨望又虛設鎧馬齋仗千人皆張弓拔白出東掖門

稱蔣王出盪又受刀敕等教著五音兒衣登城望戰還與御刀左右及六宮於華光殿立軍壘以金玉爲鎧仗親自臨陣詐被創勢以板柵將去以此厭勝又於闕武堂設牙門軍頓每夜嚴警帝於殿內騎馬於鳳莊門入徽明門馬被銀蓮葉具裝鎧雜羽孔翠寄生逐馬左右衛從晝眠夜起如平常聞外鼓吹叫聲被大紅袍登景陽樓望弩幾中之衆皆怠怨不爲致力募兵出戰至城門數十步皆坐甲而歸慮城外有伏兵乃燒城傍諸府署六門之內皆盡城中閭道西掖門內相聚爲市販死牛馬肉蕭衍長圍旣立塹柵嚴固然後出盪屢戰不捷帝猶惜金錢不肯賞賜茹法珍叩頭請之帝曰賊來獨取我邪何爲就我求物後堂儲數百具榜啓爲城防帝曰擬作殿竟不與城防巧手而悉令作殿晝夜不休又催御府細作二百人精仗須圍解以擬屏除金銀雕鏤雜物倍急於常法

珍強兒又說帝曰大臣不留意使圍不解宜悉誅之珍國張稷懼禍乃謀應蕭衍以計告後閣舍人錢強強許之密令遊盪主崔叔智夜開雲龍門稷及珍國勒兵入殿分軍又從西上閣入後宮御刀豐勇之爲內應是夜帝在含德殿吹笙歌作女兒子臥未熟聞兵入趨出北戶欲還後宮清曜閣已閉閣人禁防黃泰平刀傷其膝仆地顧曰奴反邪直後張齊斬首送蕭衍宣德太后令依漢海昏侯故事追封東昏侯

和帝諱寶融字智昭明帝第八子也建武元年封隨郡王永元元年改封南康王出爲西中郎將荊州刺史督九州軍事二年十一月甲寅長史蕭穎胄奉王舉兵其日太白及辰星俱見西方乙卯教纂嚴丙辰以雍州刺史蕭衍爲使持節都督前鋒諸軍事戊午衍表勸進十二月乙亥羣僚勸進並不許壬辰驍騎將軍夏侯

自建鄴至江陵稱宣德太后令西中郎將南康王宜纂承皇祚光臨億兆可且封宣城王相國荊州牧加黃鉞置僚屬三年正月乙巳王受命大赦唯梅虫兒茹法珍等不在例是日長星見竟天甲寅建牙于城南二月己巳羣僚上尊號立宗廟在南北郊

中興元年春二月乙巳皇帝即位大赦改永元三年為中興文武賜位二等是夜彗星竟天以相國左長史蕭穎胄為尚書令加雍州刺史蕭衍尚書左僕射都督征討諸軍以晉安王寶義為司空廬陵王寶源為車騎將軍開府儀同三司丙午有司奏封庶人寶卷為零陵侯詔不許又奏為涪陵王詔可夏四月戊辰詔凡東討眾軍及諸向善之眾普復除五年秋七月丁卯魯山城王孫樂祖以城降己未郢城王薛元嗣降八月丙子平西將軍陳伯之降九月己未詔假黃鉞蕭衍若定京邑得以便宜從事冬十一月壬寅

尚書令鎮軍將軍蕭穎胄卒十二月丙寅建康城平己巳宣德皇太后令以征東大將軍蕭衍為大司馬錄尚書驃騎大將軍揚州刺史封建安郡公依晉武陵王遵承制故事壬申改封建安王寶寅為鄱陽王癸酉以司徒揚州刺史晉安王寶義為太尉領司徒乙酉以尚書右僕射王瑩為左僕射

二年春正月戊戌宣德皇太后臨朝入居內殿壬寅大司馬蕭衍都督中外諸軍事加殊禮己酉以大司馬長史王亮為守尚書令甲寅加大司馬蕭衍位相國梁公備九錫禮二月壬戌誅湘東王寶暉丙戌進梁公蕭衍爵為王三月辛丑鄱陽王寶寅奔魏誅邵陵王寶攸晉熙王寶貞庚戌車駕東歸至姑熟丙辰遜位于梁丁巳廬陵王寶源薨四月辛酉詔至皇太后遜居外宮梁受命奉帝為巴陵王宮于姑熟戊辰巴陵王殂年十五追尊為齊和帝葬

蕭衍行教之宜直

寶源果以天年終

與明帝所裁海陵恭王俱十五

自零陵汝陰... 惟梁武帝有合巴陵... 高若巴陵終其... 武帝于位使後人知... 漢主不足懼則... 豈勝推... 或可中... 約之... 手... 豈勝推...

恭安陵初梁武帝欲以南海郡為巴陵國邑而遷帝焉以問范雲
雲俛首未對沈約曰今古殊事魏武所云不可慕虛名而受實禍
梁武領之於是遣鄭伯禽進以生金帝曰我死不須金醇酒足矣
乃引飲一升伯禽就加摺焉先是文惠太子與才人共賦七言詩
句後輒云愁和帝至是其言方驗又永明中聖氣者云新林婁湖
青溪並有天子氣於其處大起樓苑宮觀武帝屢游幸以應之又
起舊宮於青溪以弭其氣而明帝嘗居東府城西延興末明帝龍
飛至是梁武帝眾軍城於新林而武帝舊宅亦在征虜百姓皆著
下屋白紗帽而反裙覆頂其昏曰裙應在下今更在上不祥命斷
之於是百姓皆反裙向下此服祆也帽者首之所寄今而向下天
意若曰元首方為猥賤乎東昏又令左右作逐鹿帽形甚窄狹後
果有逐鹿之事東昏宮裏又作散髮反髻根向後百姓爭學之

及東昏狂惑天下散叛矣東昏又與羣小別立帽窻其口而舒兩
翅名曰鳳度三橋翬向後總而結之名曰反縛黃麗東昏與刀敕
之徒親自著之皆用金寶鑿以璧璫又作者調帽鏤以金玉間以
孔翠此皆天意梁武帝舊宅在三橋而鳳度之名鳳翔之驗也黃
麗者皇離為日而反縛之東昏戮死之應也調者梁武帝至都而
風俗和調先是百姓及朝士皆以方帛填胸名曰假兩此又服祆
假非正名也儲兩而假之名不得真也東昏誅其子廢為庶人假
兩之意也

論曰鬱林地居長嫡瑕釁未彰而武皇之心不變周道故得保茲
守器正位尊極既而愆鄙內作兆自宮闈雖為害未遠而足領社
稷郭璞稱永昌之名有二日之象隆昌之號實亦同焉明帝越自
支庶任當負荷乘機而作大致熾夷流涕行誅非云義舉事苟非

本國賊亦以此為
先不久即滅

安能無內愧既而自樹本枝根循孤弱貽厥所授屬在凶惠用覆
宗祧亦其理也夫名以行義往賢垂範備而之禪術士誠也東昏
以卷矣藏以終之其兆先徵蓋亦天所命矣

南史卷五

齊本紀下第五終

乾隆三十七年壬辰五月十二日上午校畢

